


مصطفى شهيب

رحلتي من الشك..
للشك برضه! *

الرواق للنشر والتوزيع



رحلتي من الشك..
للشك برضه! *

الكتاب ده ليك لو:

عمرك ما طلعت الأول، مابتعرفش تاخد قرار.. بتخاف من الكلاب وتتراخم على القطط.. بتكره ريحة المستشفيات.. قتلت صرصار واستنيت تتفرج النمل يتلم عليه.. كنت بتحط على علامة صح شرطة عشان تبان غلط برضه، اتكهرت وانت صغير.. خنصرت فلوس دروس وزودت على أسعار الكتب، ماتعرفش رقم بطاقتك، مش حافظ أرقام أبوك وأمك وإخواتك، بتخاف تشيل العيال الصغيرة.. بتضيق إصالات أي حاجة، بتتجج بالزحمة حتى لو كانت الطرق فاضية.. أحسن واحد ينصح الناس كلها ويغرق هو ف شبر مية!

تصميمه الغلاف كريم آدم

مصطفى شهيب

كاتب مصري، له العديد من مقالات الرأي في عدد من الصحف والمجلات والدوريات. صدرت له ثلاثة كتب؛ "بلاد متعلم عليها"، "الحب ف رغيف"، و "خيمة ٨".



للنشر والتوزيع

اهداء ليك ..

لو عجزت ما طلعت الأول ، لو ما بتعوفش تاخذ قرار
ولو حاسس إن قراراك كانت غلط بس لو ربع بيك الزمن
هتاخذها تاني ، لو بكاف من الكلاب وتراجم على القوط
لو لازم تنسى حاجة م الحاجات اللي نازل قبيها من الصور ما كنت
لو بتكده راحة المستشفيات .. لو قتلت صرصار
واستنيت تنفخ الأنف بيلم عليه .. لو كنت بتخط على علامة
صح شرطة عثمان بيان غلط برضه .. ولو ما كنتش بتراجع
بعد الامكان عثمان ما تكدهش نفسك .. لو اتكثرت وانت صغير
لو حاولت تشرب لزيارة ببسي على بؤ واحد ومعرفش
لو خضرت طولس دروس وزويت على أسعار الكتب ..
لو فكرت ترجع لكتور نفسى .. لو متعرفش رقم بطاقتك
لو متعوفش أرقه تلفونات ابوك واهك واخوانك .. لو بتكاف
تسبب العيال الصغيرة .. لو متعوفش مكان كاهن في المحفظة
لو بتضيع ايصالات لأى حاجة .. لو عجزت ما خلصت قلم قبل ما يضيع
لو ~~لو عجزت~~ بتضع بالزحمة حتى لو كانت الطرق ناضبة ..
لو دايمًا حاسس ان المروحة هاتبع عليك .. لو أحسن واحد
ينصح الناس كلها ويغرق هو في شبر صايفة

صطفى

رحلتي من الشك للشك برضه
مصطفى شبيب

الطبعة الاولى: يناير ٢٠١٤

الغلاف: كريم آدم

التصميم الداخلي: وليد فكري

رسوم: إسلام جاويش

رقم الإيداع: 26952 / 2014

الترقيم الدولي: 978-977-5153-63-0

جميع حقوق الطبع محفوظة

3 شارع إدريس - أول شارع الوحدة - إمبابة - الجيزة

هاتف وفاكس: 01147379183 (202)

عمول: 01147379183

rewaq2011@gmail.com

facebook.com/Rewaqa.Publishing



للشكر والتقدير



اهداء تاني

خالد دياب

لأسباب كثير
مش فاكر منهم حاجة ☺

إهداء ثالث =

عبد الحميد العشي

محمد ناير

أشرف توفيق


...

...



! *Handwritten text, possibly a name or word.*

li



أنا يا صديقي مضطهد! أنا الكل يضطهدني، أنا منبوذ في هذا المجتمع
الواطي، أنا في بيت يعاملني أهله أسوأ معاملته، أمي مثلا.. تلك التي
يطلقون عليها ست الحبايب، أى حبايب مش فاهم؟!، هل فيه حد
بيحب حد يهجم عليه كل يوم الصبح عشان يصيحه من النوم؟!
أمي عمرها ما صحتي.. أمي بتخسني.. بتسرعني! تفتح الباب
عليا بهدوء ثم تتسحب على أطراف أصابعها كراقصة باليه محترفة
حتى تأتي لأذني المسكينة وتستعير صوت سامي العدل لتصرخ:
قوووووووم.. ليتاب جسمي الفزع ويقف شعر إيدي من الرعب..
تلك أول مرحلة.. مرحلة الخضة، وبعد ذلك تأتي مرحلة النداءات
المستمرة، وغالبا ما تجمد الأم فيها متعة غريبة.. تفضل تنده عليا لحد
ما أكره اسمي، أما المرحلة الثالثة فهي مرحلة الإجراءات التصعيدية
وتبدأ بإضاءة النور وفتح الشباك إلى شد البطانية من عليا.. خاصة لو
في الشتاء.. بتتلذذ بالحركة دى أوى مش عارف ليه! المشكلة الأكبر
من تلك المراحل هى أنتى لم أعد أئنق فيها أصلا، تصرخ فيا: قوووم
الساعة ١٠ وانت لسه نائم.. وأقوم مفزوعا لاقى الساعة ٨ عشان
ميعاد المفروض أروحه الساعة ١١! كل يوم على نفس السيناريو
حتى ظبطت نفسي على تلك الفجوة الزمنية، لكن من سوء حظي
أنه يوم ما فعلا تقولى على الساعة كذا وما صدقهاش تطلع بتتكلم
جد وتروح عليا المواعيد، لقد فكرت كثيرا أنا أكهرب باب غرفتي..
أن املا الأرض بقطع زجاج مبشور ومسامير، وأثر بعض العقارب

يا من تجد هذه الورقة، أكتب إليك كلماتي الأخيرة قبل أنكل على
الله واموت، فأنا أول ما أنتهى من ساندوتشين الكبدية اللي باكلهم
دول حتى أقابل رب كريم، ما أنا بصراحة قلت لو كده كده هموت
ماموتش على بطن فاضية، وقررت أضرب عصفورين بحجر،
فأنا منذ ساعات وأنا أبحث عن أسهل طرق الانتحار غير المؤلمة،
وأوصلنى القدر لعربية كبدية قذرة يقف عليها بائع واضح إنه خارج
حالا من السجن، ومساعدته ذلك الصبي الذى يهرش في قدمه وشعر
رأسه خلسة بين شق الفينو وحشوه بالكبدية، ثم يمد يده ليظهرها في
برميل الطرشى ليلتقط بعضا من المخلل فتخرج يده أقدر عما كانت،
الكلاب هنا تجاوطنى من كل جانب، سألتى كلب منذ لحظات وهو
ييكى: كاتبش مشفتش أخويا كان معدى من هنا من شوية؟! فنظرت
في ساندوتش السجق أبو نص جنينه اللي باكله وعملت عبيط!

صديقي الذى لا أعرفه.. إن في التوقيت الذى تقرأ فيه هذا الخطاب
سيكون عداد عمري قد تبدلت أرقامه لصفرين، ولكن قبل أن تحكم
على بأنى مجنون، لأننى قررت أن أنتحر تاركا لكم هذا العالم اللطيف
دعنى أحكى لك معاناتى سريعا قبل أن أموت بسرى.. سيبني
أفضفض بقى مرة من نفسي يا أخى!!

والشعابين هنا وهناك.. لكن قلبي ما طاوعنيش، كما لا يطاوعني أن
أخذ بالثأر وأزعجها وهي نائمة.. أنا لا أستطيع أن أهمس حتى وهي
نايمة.. فنومها هي أو أبوي يعني أن البيت في حالة طوارئ.. أما نومي
أنا فيعني.. «صحو الكلب ده.. إيه اللي منيمه لحد دلوقتى!».

كل شيء في البيت يتم بمكياين، عندما تكسر أمي طبقا يبقى كان
مخطوط غلط ولو أنا اللي كسرتة أبقى أعمى وما بشوفش. تنسى
هي حنفية المية مفتوحة.. معلش نسيت هي منخها دفتر، وأنا آخر مرة
نسيتها علقوني في المروحة يومين عشان ده إهمال. موباييلها بيوظ يبقى
خد الشر وراح.. موباييل بيوظ.. آه يا مهمل والله ما ليك موباييلات
تاني. تتكلم هي بالساعات في التليفون وبتفتن على كل واحد في
البيت لصاحباتها، ولما آجي أنا بالعافية اتكلم دقيقتين تقتحم
عليا أوضتي وتقف على دماغى وتفتكر كل حاجة عايزاها مني.. ما
بتفتكرش أى حاجة غير وأنا بتبتلى أتكلم في التليفون، وف الآخر
تصرخ: إحنا مش هنخلص بقى من أم التليفون ده؟! وبعدين بتكلم
مين؟ فأضع يدي على الساعة بغيظ مكتوم، وأنا نفسى أفوها: هو
أنا عمري سألتك بتكلمى مين؟! وسبحان الله لا تكتشف أمي أن
صديقى على الخط ويسمع كل التهزى ده إلا عندما تنتهى من
الوصلة كاملة.. ووقتها تشعر بالذنب وتخرج من غرفتي دون أن تعلق
الباب، مع إنى أنادها تسع مرات متتالية لتغلغه.. حقيقة لا أعرف سر



عنادها في موضوع غلقها للباب عامة في كل مرة تدخل عليها فيها..
كل ما أعرفه أنه موضوع كليل وحده بالانتحار أقسم بالله!

أما أبوي.. أبوي العزيز.. ليكون هيقرأ الجواب ده ولا حاجة، أبوي
ييمثل إله القوة في البيت، أسمع صوت خطواته على باب الشقة
فأطفي التليفزيون واجرى أسكك أى كتاب في إيدي حتى لو كنت
في الأجازة، أول ما يدخل عليا المطبخ وأنا بدندن حاجة لتامر حسنى
أغنى فوراً الأرض بتتكلم عربى أو طلع البدر علينا أو والله زمان
يا سلاحى.. الأب برضه يا أخى ليه هيبه كده، آه قاعدين في بيت
واحد، واكلين على سفرة واحدة.. ضاحكين على نفس النكتة، بس
غدار وبيقلب في لحظة، طول عمري بخاف منه، نفسى مرة كده
أحضنه وهو جاى من برا، بس أحضنه إزاي دا أنا مسميه على الموباييل
جاكى شان، يوم ما قتلته فسحنى ودانى المتحف الزراعى، واليوم
اللي قتلته فيه يا بابا إن كبر ابنك خاويه قالى: ده أنا حنفيك واضربك
بالجزمة يا ابن الكلب.. آل أخاويك آل!!

بعمل كل حاجة من وراه عشان دايبا خايف من الحساب، وأول ما
ينده عليا بييجى في بالى كل المصاييب اللي عملتها، وافكر في كل الردود
اللي هرديها عليه لما أنرتق، لحد ما أقف قدامه وأنا مرتبك وأعصابى
سايبة فيقوم باصص لى بعمق وسكوت طويل كده ويقول: اعملى
كوباية شاي! طب ليه هزار البوايين ده يا حاج! تصدق بالله أنا بابقى

عايز أعترفله بكل حاجة عشان أخلص من تعب الأعصاب ده.. دا متعب أكثر من العقوبة نفسها!

أبويا علمنى حاجات كتير فى حياتى.. علمنى إن اسمها نعم مش أيوه، واسمها حاضر مش طيب، واسمها حضرتك مش إنت، واسمها اتفضل مش خد.. زى ما علمنى إن «إن شاء الله» يعنى لآه، وربنا يسهل يعنى بعينك، أما قدم المشيئة دى فعينى شيل الموضوع من دماغك خالص عشان ما نخسرش بعض!

أبويا علمنى أكون لطيف أوى مع إخوانى قدام الضيوف حتى لو لسه باطحين بعض قبلها بربع ساعة، وعلمنى إن الكذب حرام بس دا ما يمنعش إنى أقول إنه مش موجود لو حد عايزه وهو مش عايزه، وكان بيعاقبنى لما أشتهم حد.. بس هو بيشتهم عادى، وعلمنى إن النفاق عيب بس لازم نضحك ف وش ناس بنشتمهم أول ما ييمشوا، وعلمنى إن اللي ييمشى ورا الناس ما بينفesch.. بس فى نفس الوقت لازم نعمل حساب كلام الناس فى كل حاجة بنعملها، وإنى لازم أحب اللي أنا بعمله عشان عمرى ما همعمل اللي أنا بعبه!

وعلمنى إن الفنانين دول ناس منحطة.. بس لو قابلنا حد فيهم بتقوله أنت عظيم وبتتصور معاه، علمنى إن الحب عيب وحرام بس هو فخور إنه انحور أوى عن حب، علمنى أكون عندى إرادة عشان أحقق

اللي أنا عايزه بس هو مش قادر يبطل شرب سجائر، علمنى أحترم النظام بس فى كل مكان بيروح يتعرف على المدير عشان ما تنقش ظابور.. علمنى إن الظلم وحش بس حفى على وسايط كتير تشغلنى رغم إنه عارف إن فيه متقدمين أحق منى، علمنى إن مفيش راجل بيعيط.. ويرجع يقولى إنت مال قلبك حجر ليه!

يا صديقى الذى لا أعرفه إن إخوانى تضطهدنى، إن لى إخوانت يحبونى جدا للدرجة إنى لا أسمع منهم إلا اسمى عندما يحملهم أحد مصيبة ما، وأصبحت أنا وحدى سبب كل مصيبة فى الكون حتى لو هم اعترفوا بيها.. أكيد برضه أنا السبب الخفى ورا الموضوع.. أنا سبب زيادة فاتورة الكهرباء حتى لو البيت كله مشغل التكييف، وأنا اللي ما بردش على التليفونات المهمة اللي بيتيجى، ولو رديت يقولولى رديت ليه ما كناش عايزين نرد مالكش دعوة بالتليفون تانى، أنا سبب إن الزبال ما خدش الزبالة عشان ما فكرتهمش يطلعوها، وأنا سبب أمراض أمى عشان متكد عليها، وسبب عصبية أبويا عشان قلقه على مستقبل.. وأنا اللي قتلت السادات.. وأنا اللي فجرت البرجين فى أمريكا.. وأنا سبب معاناة أطفال الصومال.. وأنا اللي ضيعت الثورة.. دا أنا حتى ليس لى الحق أن أطالب بتعويض أدبى ومعنوى عن كل السرقات التى تحدث لى وأنا ناظم.. أهلى بيتعاملوا معايا لما بنام على إنى يموت ولازم يورثونى.. دا بياخد الشاحن ودا

يباخذ البيسى ودا يباخذ شيكولاته ودا يباخذ باقية سندوتش واكل
نصه.. أنا لو حطيت هيروين في التلاجة هصحى الأقيهم شموه، ولا
أحد يهتم بشكوتي ولا أحد يفهم أن الموضوع ليس بهذه التفاهة..
الموضوع مش هديك تمتها ولا هجبلك واحدة بدلها.. الموضوع
إنى يبقى مهياً نفسياً على أكل الحاجة دى في توقيت معين وصدمتى
ساعتها إننا اختفت مش هينة، عارف.. أنا بدأت أصدق فعلاً كلامهم
إنى مش أخوهم وانهم لاقونى عند باب الجامع وأنا صغير وصعبت
عليهم وريونى معاهم!

أما قرابىي فكلهم مضطهدنى.. الأقارب هم مجموعة من الناس
وجدت نفسك متورطاً في إظهار الاحترام الزائد لهم بحكم جينات
لعينة من الأبوين، ويمتاز قرابىي بأنهم مش ضيوف مثاليين.. تعريف
الضيوف المثاليين عامة: هم الناس اللي بيبجوا متأخرين ويمشوا
بدرى.. أما الضيوف المثاليين في نظرى: فيها اللي ما يبجوش خالص،
أقاربىي زيارتهم ثقيلة على القلب، يتحول البيت قبل زيارتهم لمنشأة
عسكرية حساسة من حيث التنظيف والترتيب وعمل ٢٩ نوع من
اللحوم والمكرونات والمحشيات والحلويات وبعد الحلفانات بالله
وبالطلاق وشرف العايشين والميتين يأكلون قرابىي بالكاد ثمن السفر،
واتدبس أنا في الأكل البابت لمدة عشر أيام متتالية، ومشكلة قرابىي
إنهم لا يدركون إنك كبرت وبقيت شحط، يظنون طوال الوقت

يكون وهم يكادوا يقعوا على قفاهم من الضحك عن طفولتك
البائسة.. فإكر يا حمادة لما كنت بتعمل نفسك طرزان وتيجى قدامنا
تقلع البنطلون وتعملها على السجادة وانت عمال تصرخ وامك
تمسكك تعبتك هاهاهاها.. طب فإكر في إسكندرية لما كنا في البحر
وكنت مزنوق فظنط سراح خلتك تعمل بى بى وشطفتك في المياه،
قال يعنى بتعلمك العموم هاهاها.. طب فإكر لما كنت بتعذب دبانة
وامك قائلتك ربنا هيعمل فيك كده يوم القيامة فضلت تصلى وتعيط
وتدعى ربنا يجلى دبانة تسامحك هاهاها.. طب فإكر لما دخلنا المطبخ
مرة لقيناك قاعد على البيض مستنيه يفقس ويطلع كتاكيت هاهاها..
هو إيه الظريف والمتع والمبهج في الذكريات السخيفة دى مش
فاهم! كل ما أفهمه إنى بقاوم طوال الوقت رغبة ملحة في طردهم
من البيت ورغبة أكثر إلحاحاً برزعههم قلمين على أصداغهم قبلها،
ولكن أجد نفسى عاجزاً، بل ومجبوراً على الاستماع للفقرة التالية..
فقرة ذكريات اللطافة والاستطراف!

تلك الفقرة التي كانت تبدأ معى قديماً بلازم نجوز حمادة لإسراء بنت
عمته، وكنت وقتها أنظر لإسراء التي كانت أشبه كثيراً بشبابش
حمامات الجوامع وأبكى على مستقبل الأغير الذى ينتظرني قبل أن
أكتشف إن قرابىي بيهزروا، ولم أسلم من تهريجهم واستطرافهم حتى
الآن.. والذي كلما سمعته أفكر كثيراً أن أتصل بالأستاذ أحمد آدم

اعتذر له كوني رأيتُه سخيفا في يوم ما، ذلك على الصعيد الظاهري، أما على الصعيد الداخلى الحقيقى فأقاربى كلهم منافقون، كلهم يرتدون أقمعة الحب ولكن النفوس الله وحده عليهم بيها، كلهم يقطعوا في فروة بعض، وأول ما يشوفوا بعض يضحكوا وعضمهم يتكسر من قوة الأحضان، لذلك أعرف جيدا أنهم لم يكفوا طوال الوقت عن تسخين أهلى عليا.. بحجة إنهم خايفين على مستقبلى، وأنا عارف إن مشاعرهم مزيفة وانهم ما بيتمنوش الخير لحد، أنا عارف كويس انهم نوعين، يا إما متغاضبين من نجاحى عشان عالهم فشلة، يا عالهم ناجحة ونفسهم أبقى فاشل عشان ما اتساويش بيهم.. صدقتى اللي ابنها دكتور نفسها كل ولاد الناس التانية عيانيين!

معتديش في حياتى غير تيتة، طب تصدق حتى تيتة مضطهدانى.. وروحلتها آخر مرة في صومعتها أفضض معاها شوية، أول ما دخلت بوست إيدها وتقريبا كانت داهنة كريم تسلخات عمال بتف من طعمه لحد دلوقتى، فتحت التلفزيون جيت كليب هيفاء وهبى الجديد راحت مزعقة.. استغفر الله العظيم إيه الأشكال دى.. دول هايودونا جهنم، غيرت جيت قناة دينية لشيخ كله عمال يزق راحت مصوتة.. استغفر الله العظيم إيه الأشكال دى... دا دول اللي هيحببونا في جهنم، طيب عايزه إيه يا تيتة.. قالتى هات كريم وفاطمة، جيت المسلسل ولسه بتتفرج راحت مزعقة.. بص بقى هيضرها


دلوقتى بالقلم أصلها زعقت فيه، أيوه يا تيتة منا خدت بالى، راحت مكلمة: وهى ليه تزق؟ هو فيه بنت تعلق صوتها على راجل؟ معلش يا تيتة قليلة الأدب ومتربتش.. اتفرجى اتفرجى، وكلمت هى ولا كأتى بقول حاجة: أنا معرفش إيه اللي حصلها.. كانت كويسة أول المسلسل ودلوقتى بتخونه مع صاحبه وهو يا عينى معرفش، فرددت في ملل: معلش يا تيتة هما عيلة ف بعض المانش دعوة.. خلينا نتفرج، راحت مكلمة: مهو العيب على فردة الشراب اللي نايم على ودنه.. استغفر الله العظيم.. معلش يا تيتة قلبك أبيض سيبينا نتتيل نتفرج بقى بعد إذتك.. باقولك بعد إذتك أهو، فقالت بأصرار: أصل إنت متعرفش.. صاحبيتها كان جوزها الأولانى منكده عليها.. يا تيتة يلعن أبوها على أبو صاحبيتها.. أنا غلطان والله.. امسحيتها فيا أنا. وقمت فقلت التلفزيون، ثم سكنت لثانيتين وقالت: بس تعرف والله خير ما عملت يا ابنى إنك قفلته دا كان دوشة أساسا.. تعالى.. تعالى أقعد جنبى هنا نرغى.. واحسنى يا واد.. اجبلك تاكل.. اتعديت ولالسه.. أأشرك برتقال.. فيه تفاح هنا تحت الكنبه هاته.. وفيه حلويات تحت السرير!!، أنا بس نفسى أفهم يا تيتة إنتى ليه نخبة الحاجات دى كلها وانتى قاعدة لولحدك؟.. عموما شكرا يا تيتة بطنى وجعانى أصلا، راحت مصوتة: تبقى محسود.. والله محسود استنى أرقيك وأبخرك، فصرخت فيها: يا ستى واحد برد في بطنى.. بطلى حركاتك دى ما تحسسنيش إنك من أيام عبدة النار أبوس إيدك، فنظرت هى للأرض

بدراما شديدة ثم مصصت شفيتها وقالت بحسرة: والله يا ابني انتو
 جيل تبصعبوا على الواحد.. مشفتوش أيا منا احنا كانت كلها حب
 وسعادة والناس كانت قلبها على بعض ويتخاف على بعض، وهنا
 نظرت لها بغضب وانا أتأمل ملاحظها المغلوب على أمرها واتسحبت
 من لسانى: يا تيتة بلاش بقى البوقين دول يا تيتة.. ده انتى محدش
 بيكلمك فى العارة كلها.. فصرخت: بيقولوا عليا لسانى طويل.. أنا
 يا ابني لسانى طويل.. ما ترد يا حيوان.. انت يا بأف ساكت ليه..؟!
 أنا لسانى طويل يا جزمة.. أنا عمرى قليت أدبى على حد يا طور
 انت.. ما تنطق يا حمار؟!

صديقى الذى لا أعرفه أنا مضطهد، أنا ليس لدى أصدقاء.. كلهم
 مرتبطون.. مصاحبين يعنى، اكتشفت أن صديقك يظل صديقك
 إلى أن يرتبط، أول ما يرتبط لن تسمع له حسن، أكلهم كعادتنا
 زمان نخرج فى الوبك إند وأيام الأجازات يقولولى انهم خارجين
 مع صحباتهم وانا قاعد زى الكلب سنجل لوحدى، والحق يقال..
 إنى ساعات بسمع صوتهم، لا مش ساعات هو غالبا فى حالة واحدة
 بس.. أول ما يتخانقوا مع اللي بيحبوهم، وقتها يتصلوا يشتكوا
 ويصرخوا ويعيطوا وانا اسمع واطبب واحلل واتدخل واتوسط
 واحل واصالح لحد ما النفوس تتصاق وأول ما يرجعوا لبعض
 يتفض لى تانى، ولكن الحق أقول لك، صديقك الذى يرتبط ويقطع

بيك ارحم بكثير من صديقك اللي ييفركش ويرشطلك فى حياتك!
 طبعاً تريد أن تسألنى ولماذا لم ترتبط مثلهم؟! أقولك إنى مضطهد
 عاطفياً، أنا كنت فعلاً معجب بزميلتى فى الجامعة.. مش معجب أنا
 كنت بحبها بصراحة.. اربع سنين بحبها بس مش عارف أقولها..
 عشان سبب بيان تافه بس هو معقد.. عمرها ما بتقف لوحدها..
 دايبا وسط صحباتها.. مش عارف استفرد بيها.. خايف دايبا من رد
 الفعل، خايف لو كلمتها قدام صحباتها يسكتوا بس هى تهزأنى..
 واخاف لو هى سكتت هم يهزأونى.. واخاف لو الاتنين سكتوا يبقى
 أنا كده هزقت نفسى!

عايز أقولك على حاجة أخيرة.. أنا الساندوتشين خلصوا ولسه
 مامتش.. مش بقولك أنا مضطهد!



قول قول ..
مس هازعل

أنا من النهاردة هاحط جزمة
في بقي واقول اللي الناس عايزة تسهمه

اللي استحملوني بها فيه الكفاية.. أنا النهارده هتغير.. أنا النهارده
هقول لكل واحد حقيقته في وشه، كنت في تلك اللحظة بالصدفة
انتظر صديقي بأحد الكافيهات والذي حضر أخيرا، وكالعادة قبل
أن حتى يقول لي صديقي إزيك، بادرني ماسكا أطراف تى شيرته..
حبيب قلبي ها إيه رأيك في الحتة البولوى دي؟ لسه جايه من فرنسا
طازه وحياتك.. مش تجنن عليا.. مش حتاكل منى حتة..؟!، ثم شنى
صديقي ذراعيه مبينا عضلاته وأكمل: لا وبص مبينة الباي والترأى
وهتهوس البنات.. الله إنت ساكت ليه.. إيه رأيك؟، فنظرت له نظرة
صامتة طويلة أتأمل منظره، ثم شربت بق من النسكافيه الموضوع
أمامى وسكت، فنظر لى بعتاب هامسا.. إيه يا معلم ما تقولى رأيك..
قوله أيا كان ما ييمكش.. قول قول مش هزعل.. فانفجرت فيه:
هو انت مش ملاحظ أن شخصيتك مالهاش أى علاقة بشكلك،
يبنى الرجالة هى اللي بتعمل العضلات مش العضلات اللي بتعمل
الرجالة.. إيه فائدة تبقى وحش من برة وانت عيل فرفور.. وإيه
فائدة يبقى لبسك كله حاجات أصلية وانت دماغك تقليد؟!، المهم
إن الدكتور قالى إن اليوكس اللي خدته مجاش أوى ناحية عصب العين
وفيه أمل أشوف كويس الفترة اللي جاية!

بعد زيارة الدكتور كان لا بد أن ألحق ميعاد شغلى، ورغم أننى كنت
متأخرا إلا أننى عندما دخلت على رئيس التحرير في مكتبه وقف

أعاني جدا هذه الأيام من ضميرى المزعج، وأصبحت أتجنب أن أكون
وحيدا، فالوحدة تجبرك أن تختل بنفسك في لحظة صدق، وأنا وفي
تلك اللحظات أبهدلنى.. وأمرمطنى وأمسح بكرامتى الأرض، إن
ضميرى المسكين ساعتها يتقح عليا تقح صباح رجلك الصغير وهو محشور في
جزمه أصغر نمرتين، وقد انخبط ٣ مرات ورا بعض في الكومودينو!

الحق أقول لكم أنا منافق.. أويه أنا بعترف.. أنا منافق جدا!! أقول
ما يريد الناس سماعه بغض النظر عما أشعره فعلا تجاههم، أشعر أننى
بذلك أسعدهم ولكن على الجانب الآخر أنا غير سعيد بالمرّة.

حتى ذلك اليوم، الذى مرت عليا لحظة غيرة من لحظات الصدق
مع النفس دى، رأيت صورة لغاندى حزينا بجسده الهزيل وصلعته
والبشكير المفلوف فيه وتحتة جملة غريبة منسوبة له.. كهريبتنى
ودغدغت أعماقى: وما فائدة أن ترضى الناس جميعا وتحسر نفسك؟!..

يااه يا عم غاندى أد إيه أنت حاسس بيا.. أنت كنت فين من
زمان.. أنت إشارة ربنا بعتهالى عشان أرحم أعصابى ومرارتى

كانت نفسي في أقصى حالاتها سوءاً، أشعر الآن أنني أحتاج لأن أفضض لأحدهم.. كلمت خطيبي نتقابل.. وبعد نصف ساعة من الصمت و٩٢ مالك و٦٨ إيه اللي حصل و٥٤ مش هسيك غير لما تقولي إيه مزعلك؟ قررت أنطق بكلمه واحده بس.. مفيش!، فقربت هى يخبت كرسيا منى واخترت رائحة عطرها حواسي، ووضع يديها بدل على ملامح وجهي تداعبها وتدغدغها، ثم نظرت في عينا نظرات غير بريئة وقاتلت وصوتها يكاد يخنفي من رقته: فيه إيه بس يا بيبى.. فيه إيه يا بطنى.. مالك يا موزتى.. مالك يا بيضا.. إنت مش دايا تقولى إنك بتحب تحكى معايا عشان أنا الوحيدة اللي يعرف أحتويك وبفهمك من غير ما تتكلم، وهنا نظرت لها نظرة عميقة.. وسكت..! فنظرت لى خطيبي بدل وقالت برقة أكثر من الأول: إيه ده انت متحيش تحكى معايا ولا إيه؟!.. صارحنى يا بيبى.. عشان خاطرى قولى.. قول قول مش هرعل، وفي تلك اللحظة مش عارف إيه اللي خلانى مسكس لسانى وهيبته فيها: أحكى.. أحكى معاكي فين.. هو إنتى بتدبني فرصة.. بتبندى المكالمه.. بيبى هو أنا محكلكش.. مش نيفين التخطبت! لا وعزمتيش على الخطوبة المعفنه.. أصلها بتغير منى وخايفة خطيبيا يصل ويسيها.. أصل أنا محكلكش.. مش احنا اتقابلنا صدفة.. واد ملزق كده لقتته مانكجها.. وهى إيه بقى وشها جاب ألوان قدامى وهى لابسة الدبلة والخاتم وماهاش وش طبعاً.. بس عارف ذوقها بيته أوى يعنى فى الاتنين.. خطيبيها

مهلاً.. إيه بابى اللي أخرك دا أنا مستنيك من بدرى..؟! كاتب المقال الجديد بتاعى ومستنيك تقولى رأيك.. أنا متأكد إنه هايحبك زى كل مرة، أنا هطلبك لمون عشان تقرأه بمزاج.. اتفضل اتفضل، وبدأت بالفعل فى قراءة المقال.. قريت أول سطرين مقدرتش أكمل من القرف.. كل روائح البى المركز من تحت كيارى مصر تجمعت وكتمت على صدرى.. حاولت أن أتمالك أعصابى وقتله وأنا بشخبط فى المقال: بص هو حلو بس شيل الحته دى وياريت الحته دى كيان وياسلام بقى لو شلت كيان الحته دى!، فنظر لى رئيس التحرير باستغراب وهو يفك رابطه عنقه قاتلا بحنجره مكتومه: دا كده مافاضلش غير العنوان.. فلاحته: وياريت تغير العنوان أصلاً دا سخيف جداً.. فسأل فى استنكار: ياه للدرجة دى.. هو المقال ماعجبكش ولا إيه؟.. فسكت.. فقالى لا لا ماتبخلش عليا برأيك أرجوك.. الواحد مكبرش على إنه يتعلم.. صارحنى.. قول قول مش هازعل، وهنا وجدت نفسى أصرخ فيه وكأننى أخرج كل كبت سنين الشغل: يا راجل هو دا مقال.. دا لو عيل فاشل فى تانية إعدادى بيكتب مواضيع تعبير حيبقى أحسن من اللي إنت بتكتبه.. إنت فاكرف نفسك كاتب.. دا انت أخرك تكتب مهرجانات لأوكا وأورتيجا دا لو وافقوا أساساً، المهم إنى لما لقيت مكافأة آخر الخدمة ناقصة عشرين جنيه.. قلت عادى.. اللي عند رينا مايروحش!

منه قفزمة واحدة بلعتها بالعافية، ثم نظرت على الأرض مطاطاً
 الرأس!.. فسألتني والابتسامة تعلق وجهها: ها إيه رأيك بقى مش
 أحسن من كنتاكي بدمتلك!؟ فنظرت للورك المسكين في يدي
 اللي كان مدي على قرنيبط وأنا بستعبد من الشيطان ويقول لنفسى:
 اخرس.. اخرس خالص.. وبالغفل.. سكت!، فبادرتى بحنان
 بالغ: إيه يا حبيبي لو معجيكش قول أظبط الوصفة عشان يطلع حلو
 المرة الجاية.. عشان خاطرى لتقول.. قول قول مش هزعل.. ولقيتني
 بدون وعى بصرخ فيها: أنا نفسى أعرف إنتى امتى-حققتنى إنك
 فاشلة في الحاجات دى..!؟ نفسى ماتحرجيش نفسك وتاكلينا العك
 دا غصب عننا.. ما تعمل يا ستى الحاجات اللي بتعرفي عملها..
 ركزى في البامية والملوخية والفاصوليا.. اللي ماتعرفيش عمله
 سيبه لغريك ماتعمليش فيها الشيف شريبنى.. أكلك وحش..
 ملعمه وحش.. مالوش أى علاقة باللى بيتباع برة، المهم إنى لأول
 مرة أكشف إن سندوتشات مؤمن بيبقى نصها خسر ونصها الثانى
 «مايونيز!»

لم يكن متبقيا غير «أبويا».. كان يجلس بهدوء يشاهد التلفزيون
 فجلست بجواره، كانت الساعة تدق العاشرة مساءً في نفس الوقت
 الذى دق فيه كفه الذى ارتفع لأربعة أمتار قبل أن يتهاوى بكل قوته
 على قفايا كنوع من هزاره المتعارف بيننا، طالبا أن أحول من قناة

والخاتم.. عكس البت سالى.. هو أنا محكتلكش.. مش سالى التجوزت
 شوف البت حلوة إزاي.. وتجاوز واد بقة كبير واهيل وشبه السمكة
 نيمو.. شكلها التجوزته استخسار.. وفلانة اتحرقت وترتانة اتنيلت
 ورغى رغى من ١٢ بليل لحد ستة الصبح، وفي الآخر تقويليل
 أوعى أكون طولت عليك يا بيبى.. أنا بكره رغيك.. بكرهههههه..
 وبكره تفاهتك وحكاويكى اللي مالهاش أى تلاتين لزمة.. أنا كنت
 بقولك بجبك عشان شخصيتك، بس الحقيقة أنا عمرى ماحيبتها أنا
 حبيت شكلك.. إنتى بالنسبة لى زى العروسة للعبة.. للفرجة وبس،
 المهم إن أنا مؤمن بالنصيب والقدر وبعدين يا أخى مش لازم تحب
 المهم تكون عملت ذكريات كويسة في الحب.. زى القميص ده اللي
 هى رمتنى عليه بعصير المانجا.. كان أول لبسة والله!

خدتها من قاصرها وبكل يؤس روح البيت، لسه داخل أوضتى
 شافتنى أمى في المطبخ نهدتل بفرحة: تعالى خد.. مش حتصدق
 عملاكك إيه على الغدا النهاردة.. عملاكك كنتاكي حتاكل صوابك
 وراه.. وهنا وقفت متحاحا.. عامله كنتاكي إزاي يعنى!؟، فأكملت
 هى: فاكر لما دوقتك الكبد والكشرى والشاورما والبيتزا من إيدى
 وطلعوا أحسن من اللي بيتعملوا برا.. النهاردة عملاكك كنتاكي.. خد
 امسك دوق الورك ده وقولى رأيك، أخذت الورك بحذر وقضمت

«العربية» لقناة «الجزيرة» لمشاهدة حصاد اليوم.. برطمت في نفسي وأنا أقلب القناة.. دم وقل وخراب وقرق تانى يارب توب علينا بقى.. فصرخ فى: ولدا! إنت إزاي تتكلم كدة على نشرات الأخبار؟! .. فنظرت له باستغراب كأننى خضت فى أعراض عائلته، حتى أكمل: ايشحال إننا بتتفرج عليها كل يوم سوا.. هو انت مايتحبهاش ولا إيه..؟! وهنا وضعت يدى على فمى بكننا يدى.. واتنيلت وسكت!، وهنا قال بحنية: لا لا يا ابنى.. أوعى تخبى عليا.. احنا شركا فى بيت واحد ويتفرج سوا ولازم تقولى رأيك عشان آخذ بالى بعد كده.. والله لانت قاييل.. قول قول مش هازعل..، ولا أعرف لماذا تحولت كالمارد الذى خرج مؤخرًا من القمم.. تحولت لوحش وأنا أصرخ فيه: هو إنت عمرك سألتنى بحب إيه وماحبش إيه، أخبار أخبار ببقى أخبارا! ببقى بتغير على فيلم قلبى بيتقطع.. بتعدى على تمثيلية ببقى بتمرط.. يتقلب على فيديو كليب وكأنك بتخرطنى بالسكينة كدة.. كل دا عشان إيه.. عشان فى الآخر تجيب ناس عمالين يقتلوا ف بعض.. ليست.. أنا عمر ماكان ليا رأى فى أم البيت دا.. أنت بتذلى عشان ماسك الريموت وبعقد انفرج معاك بالغضب والافتقار.. دا أنا لو كلب كان حايصعب عليك وتحبيله عالم الحيوانات شوية فى النص يتفرج عليه، المهم إن النوم على الرصيف مش وحش زى ما كنت متخيل!

بالعكس اكتشفت ان كله فوايد بالذات إنى اكتسبت صداقات واسعة بينى وبين أطفال الشوارع، طلوعوا عيال جدعان بجذ هزرنا وضحكنا، وخلونى الحكم فى مسابقة مين هيحدف قطط صغيرة على الناس من شبابيك الأتوبيسات أكثر.. خشة ولا فرخه؟! ، لحد ما جالى تليفون فجأة: آلو مساء الخير.. شبهت على الصوت، حتى أكمل: معاك شريف مذكور.. قولى إنت كنت قدمت فى المسابقة اللي كنا عاملينها من كام شهر؟، قلته بحذر: آه يا فندم.. بعث رسالة غلط لبرنايجكو.. أنا آسف والله، فقالى وهو يصرخ: مبروووووك إنت كسبت معانا شقة، كادت أن تفر الدفعة من عينى وأنا أسأله: بتتكلم جد والله يا أستاذ شريف، قالى آه وحياة رننا.. يلا إدينى بياناتك.. إنت خريج إيه؟، قلته: أنا إعلام قسم إذاعة وتلفزيون، فرد دون تفكير: طب هایل دا أنا هشفلك معايا كمان يلا ابسط.. بص إنت تيجى بكرة تحضر الحلقة وبعدين نروح نستلم الشقة.. ماشى؟

وأول ما قفلت معاة لقيت صدى صوت غاندى بيتردد حواليا فى المكان بصوت على.. «وما فائدة أن ترضى الناس جميعا وتحسر نفسك؟!» فصرخت فيه: اخرس بقى.. اخرس بقى يا أحمى.. كل اللي أنا فيه دا من تحت راسك، الله يخرب بيتك وبيت معرفتك..

متحورش!





كانت شوره زفت.. أنا خسرت أصحابي وخطيبي وشغلي وأهلي
عشان قلت الحقيقة.. أنا من النهاردة هحط جزمة في بقي وأقول الي
الناس عايزه تسمعه، لدرجة إن خيشة رمى قطط على الناس أكثر من
فرخة وأنا قتلهم إنهم متساوين وانسطوا أوى بالتعادل والفرحة
مكتش سايعاهم، وعرفت أد إيه قيمة المجاملة والكلمة الحلوة حتى
لو كذب!

تاني يوم فعلا كنت ضيف الحلقة في التليفزيون وكانت حلقة عظيمة،
خلصنا وفضلنا طول الطريق نضحك أنا وشريف لحد ما وصلنا لباب
الشقة الهدية، ولسه بيديني المفاتيح راح سألني بمتي الرقة والدع..
إلا صحيح معرفتش إيه رأيك فيا...؟! وهنا سكت .. لحد ما قرب
و بص ف عيني وقاللي: بليز .. قول قول مش هزعل!

انٹ گپرٹ

خلا و یسی پی



إنك كبرت.. ده مش رأيي، دى حاجات كتير أوى اللي بتقول كده،
إنك كبرت أول ما فقدت إحساسك وانت في الفصل وتسمع البنث
اللي بتحبها بتنطق اسمك وهي بتاخذ الغياب أو بتوزع الكشاكيل
بعد ما اتصححت، وتحس إنها بتقوله بطريقة مختلفة عن كل الأسمي
التانية، وإحساسك وانت يتم على منظرك أوى قبل ما تخرج من
بيتكو لمجرد إنها هتشوفك في الطابور.. ولما بطلت تكتب اسمها في
ورق المذاكرة، ويوم ما كتبتها جواب ومبعثوش ويوم ما قطفلتها
وردة وخفت تديها.. إنك كبرت لما عرفت إنكو مش لبعض!

كبرت أول ما سعادتك اتغيرت بعد ما كانت متلخصة في نجمة
بتحطلك في الكراسي، ولما كان صوت جرس الفسحة أحل صوت
بيجي في ودك، وفرحتك في حصه مدرس رخم يكون مجاش،
وحريرتك وانت بتسمع دقة الجرس آخر حصه في اليوم، وزعلك من
صاحبك اللي كان متلخص في خط يرسمه بالطباشير بينك وبينه على
الديسك، يوم ما كان أكبر كدبة كديتها «معلش مش حقدرك أديك
ورقة من الكشكول أصل أنا معدى النص!»، يوم ما فرحت في
الدرس لما عرفت إن المدرس هيغيب وحزنت في الدرس اللي بعده لما
المدرس خلى وقت الدرس مضاعف، يوم ما كرحت الواد اللي كتب
اسمك على السبورة عشان اتكلمت، ويوم ما دعيت على الواد اللي

نزل يجيب العصايه عشان تضرب بيها، ويوم ما حلفت للمدرس
إنك عملت الواجب بس نسيت الكشكول وضربك أكثر، ويوم ما
نفخت في إيدك قبل ما تضرب عشان ماتحسش بالوجع.. وحسيت
بيه برضه!

يوم ما لبست الشنطة بالمقلوب وعملت نفسك حامل، ولما بطلت
تمسك النتيجة وتعد فاضلك كام يوم على الأجازة، يوم ما قلدت
طريقة أبوك في الكلام وهو مش موجود، كبرت لما بقيت تجرى تقوم
تفتح الباب بدل أختك بعد ما كنت بتدخل أوضتك أول ما الباب
يخبط، لما بقيت ترد على التليفون وتنخن صوتك وتفرح أوى لو حد
افتكرك أبوك، لما بطلت تفتح باب التلاجة عشان تشوف اللمبة وهي
بتضلم من غير متقله، ولما بطلت تعد عواميد النور وانت مسافر
بالقطر، ولما حسست على شنبك اللي طلع وخفت تحلقه أصحابك
يضحكوا عليك وخفت تسيبه تضحك على نفسك، كبرت لما بقيت
تنزل تجيب حاجات من السوق بعد ما كان دورك تقلب في الشنط
اللي جاية، ولما بصيت للقمر واكتشفت إنه مكنش بيمشى معاك ولا
عمره كان يراقبك، ولما ابتديت تبص للنجوم لأول مرة مش عشان
تعدها.. عشان تفكر في مستقبلك، ولما شيلت كل بوسترات المغنيين
اللي على الحيطه!

كبرت أول ما حضرت فرح وحد قالك عقبالك، ولما اتمرت على

تسريحة شعرك اللي على جنب ورجعته لورا، ولما بقيت تروح للحلاق بإرادتك، كبرت أول لما نزلت تختار هدموك بنفسك، ولما ميقتش تنكسف تمشى مع أختك في الشارع، ولما بطلت تحبيب لبس جديد للعبد تفضل نايم جنبه مستنى تلبسه.. كبرت لما بقيت ماتخرجش في العيد أصلا، ولما كانت فرحتك إنك تلاقى فلوس جوا الشيبسي، ولما بتكسب كونو هدية، كبرت أول ما ابتديت تبطل تبص على اللعبة الهدية اللي جاية مع الهابي ميل، وأول ما عرفت تسهر مرة لحد الصبح، ولما كانت أقصى صباعتك إنك تلبس الكاب بالشقلوب وتربط البلوفر على القميص من فوق، وأول ما بطلت تعد كل اللي اسمهم على اسمك عشان اتو كام واحد!

إنت كبرت يوم ما بطلت تشتري شيبسي بالفراخ مش بالطاطم عشان الفراخ أغلى، وأول ما شفت بتاع الفريسكا على البحر ونفضتله، ولما سمعت زمارة بتاع غزل البنات والأيس كريم وطنشت، وأول ما عرفت إن فيه فرق بين طعم البيبسي والكوكاكولا، أول ما عرفت الفرق بين حنان ترك ومنى زكى، والفرق بين سباح أنور وأثار الحكيم، ولما بقيت تشوف ممثل على قناتين في نفس الوقت وميقتش مستغرب.

كبرت أول ما بطلت تحلف كذب وتقول في شرك أستغفر الله العظيم، أو تحلف في شرك على حاجة ثانية، وأول ما عرفت إن البوس مش هو اللي بيخلى الناس تخلف، وأول ما اكتشفت إن شوربة لسان العصفور



مكرونة وما بيجمعوهاش من ألسنة العصافير بجد، أول ما اكتشفت أصلا إن المكرونة بتتصنع مش بتزرع.

كبرت أول ما بطلت تعمل نفسك ميت عشان تخضهم وتضحك* أول ما حد يزغرك، وأول ما فكرت تسبب البيت عشان تقلقهم، وأول ما بطلت تستخى جوا الدولاب عشان تشوفهم وهم دايمين عليك، وأول ما عملت نفسك بتغرق في البانيو وأنقذت حياتك في آخر ثانية!

كبرت أول ما بطلت تحب على نفسك واحدة ف كل حنة تروحها وتعد تفكر فيها يومين وتنساها، وأول ما بطلت تقلع هدموك أول ما يخرجوا كلهم من البيت، وأول ما بطلت تشغل أغاني بصوت عالي وتمسك عصاية المشقة وتعمل نفسك إن أنت بتغنى والجمهور بيترمي تحت رجلك، كبرت أول ما بطلت تعيط من غير ما تبص في المرآة وتشوف منظرَك عامل إزاي، ولما بقيت تفكر في كل كلمة قبل ما تقولها، ولما بقيت تحضن حد إنت مش طابقه، ولما ابتديت تسوق العربية بعد ما كان مكانك على طول ورا، كبرت لما بقيت تصوم رمضان لحد المغرب، ولما بقيت بتفترج على العيال الصغيرة في الملاهى من غير ماتلعب، ولما لقيت العيال الصغيرة بيطلبوا منك عيديه، كبرت أول ما بقى يتقالك يا عموا!



كبرت أول ما عرفت إن الدوا طعمه مش فراولة ولا حاجة، وإن شريك للإزاحة كلها عمره ما كان هاينخفك بسرعة، كبرت أول ما ابتديت تفكر قبل متنام بعد ما كنت بتقلب في أى حنة، كبرت أول ما بطلت تغنى قدام المروحة، وأول ما بطلت تعض دراعك عشان تعمل ساعة، ويوم ما عملت القلم سيجارة، ويوم ما نفخت في الشتا عشان تطلع دخان السيجارة!


كبرت أول ما بقيت تتكسف إن أمك تندهلك باسم دلحك آدم الناس، أول لما طلبت أورد ردر من مطعم باسمك، أول ما بقيت تقلب على سبيس تون في الخبائة، كبرت أول ما طلعت البطاقة، ولما سهرت على أغنية لأم كلثوم في الشتا وصحيت شغلت فيروز الصبح في يوم صيف.

كبرت أول ما بدلت الشاي بلبن بتاع الصبح بنسكافيه، أول ما اكتشفت إن أكل أمك أحلى من أى أكل تاني، أول لما قعدت على البحر من غير ماتلعب في الرملة، ولما عرفت إن الشتيمة ما بترجعش لصاحبها، وإن اللي بيصالح ما يبصالحش ربنا واللى بيبخاصم ما بيبخاصمش ربنا، كبرت أول ما عرفت تفاصيل وانت بتشتري، أول ما عرفت تغير لبمة اشقرت، وأول ما ركبت الأنبوية، وأول ما عرفت تنقى فاكهة من غير ما البياع يضحك عليك، أول ما بقيت تحبب الطلبات من غير ما تكون أساميهاف إيدك وفلوسها ف إيدك الثانية، كبرت أول ما بقيت

تستأذن وانت داخل الأوضه على أختك، وأول ما بقيت تفتح الباب لأخوك من غير ما تذببه، وأول ما أمك بطلت تقولك ماتروحش مع حد غريب.. وأول ما بطلت تقعد على حجرها، وأول لما بقى عيب تضحك بصوت عالي، كبرت أول ما الناس بطلت تبوسك في الرايحة والجاية، ولما اكتشفت إن خدودك للضرب مش بس للتقريص، ولما بقيت تتكسف تبوس عمك وخالتك، ولما بطلت تسمع صوت البحر في الصدف، كبرت أول ما بصيت لصورك القديمة واستغربت شكلك، وكبرت أول ما احتجت حد يفكرك بالحاجات دى..!

كبرت لما عرفت إن محدش هيقف جنبك إلا لو عشان يشوف مين فيكو أطول، ولما عرفت إن الضحكة بقى مكانها في الصور بس، ولما اكتشفت إن الصور هي الحاجة الوحيدة اللي هتفضل من علاقتك بالناس..!

إنت كبرت عشان تكتشف إن الفرحة بتتناسب عكسيا مع كل سنة بتكبرها، كبرت عشان تعرف كلمات جديدة تدخلها في قاموسك زى الندالة والوداع والخيانة والنفاق والمصلحة والتوتر والقلق والفراق والخذلان..، كبرت عشان تكتشف إن كان فيه ناس حاميينك من وحشة الحياة ودلوقتي أنت قدامها راجل لراجل!



على آخر لحظة

ولم أتحرك من البيت! وبسرعة جريت على الفرع ووصلت الساعة العاشرة والنصف وكانت المفاجأة إنى لما روحت الفرع ماقلتش أى حد!

العروسة راحت الكوافير على آخر لحظة ولقت قدامها ١٢ عروسة تانيين وعقبال ما جه دورها كان ميعاد الفرع بدأ، أما العريس فراح للمصوراتى على آخر لحظة ولما جه يتصور اكتشف المصور إن فيه عطل مفاجئ فى الكاميرا، لم يكن مفاجئا أوى فكانت الكاميرا تعانى بعض الأعطال البسيطة، ولكن كسل المصور أن يمررها بالصيانة السنوية على آخر لحظة، أما المأذون فكان مأجل يكوى جلايته على آخر لحظة لحد ما النور قطع فجأة واتكسف طبعاً يروح بقميص وينطون، وفضل مستنى النور بييجي، أما المعازيم فكلهم نزلوا على آخر لحظة ومعملوش حساب الطريق، اللي اتزق منهم على كوبرى أكتوبر، واللى قفل عليه المحور، واللى لقي عربيته مفيهاش بنزين، واللى نسي الميعاد لحد ما افتكر على آخر لحظة إن وراه ميعاد تانى، بس بصراحة أغلب اللي مجوش الفرع مجوش لسبب أهم، إنهم كسلوا ينزلوا يروحوا الفرع على آخر لحظة.

هل تظن أن تلك هى مشكلتى؟ مشكلتى الحقيقية أننى لم أهنئ صديقى بفرحه حتى الآن، أمسكت التليفون فى اليوم التالى وقلت هكلمه ولكن على آخر لحظة قلت دى صباحية أكيد هبقي غلس لو

كان يوم صعب جداً، كان فرح أعز أصدقائى الذى عزمنى عليه من فترة كبيرة، وأنا قد حضرت نفسى لذلك اليوم واستيقظت من صباحية رينا، وأنا عامل حسابى كويس إنه ليس ورائى أى مواعيد إلا الفرع وعقلى الباطن يدرك أننا اليوم ورائنا بلوة لا يمكن تفوتنى، كان الفرع الساعة التاسعة مساءً، وأرجوك لا تخرجنى وتسالنى لماذا بدأت أجهز الساعة ٨ ونص...؟! والله ما اعرف، فأنا يا عزيزى قاعد أصلا صابح مايعملش حاجة.. بالعكس ده أنا قاعد بضيع فى الوقت لحد ما الساعة تيجى ٩، لماذا قررت تأخير نزولى على آخر لحظة؟! تلك ليست المشكلة.. المشكلة أننى اكتشفت عددا من الكوارث غير المتوقعة على آخر لحظة.. زرار بنطلون البدلة مفكوك، وجاكت البدلة اللي افتكرت أغسله قبل منام امبارح لسه منشفش، ولازم أغبر الشراب لأن فيههم فردة اكتشفت دلوقتى بس إنها مقطوعة، وفيه فردة جزمة اكتشفت إن كعبها بايظ كان محتاج يتصلح، وأصبحت فجأة ف صراع مع الوقت... أحاربه لكى لا يمر وأنا أجرى كالمجنون أصلح كل حاجة وأنقذ ما يمكن إنقاذه، إلى أن وصلت الساعة ٩ فعلا

كلمته، وانتظرت حتى مر أسبوع كامل أمسك فيه الموبايل واقول خلاص بقی أهنيه، ولكن على آخر لحظة أقول لنفسى الراجل في شهر العسل ليه المكننة دي، وانتظرت حتى مر شهر وقلت أهنيه ولكن على آخر لحظة قلت لنفسى هبقى بايخ أوى أهنيه بعد المدة دي، ولكن الحمد لله أخيرا خلصت ضميرى وباركتله على فرحه ونجاح بنته في الإعدادية مرة واحدة!

أمر على محل الهدايا أربع مرات في اليوم، ولكن أقرر أن أشتري هدية لعيد ميلاد صديقي قبلها بنصف ساعة، لأجد الهدية اتباعت والمحل ولع وصاحبه جاله الإيدز، أيام الثانوية كان صديقي يسأل صديقي الآخر: قولي انت خلصت الفيزيا كام مرة؟ فيرد وهو عينه ف الأرض: مرتين بس!، أما أنا فصامت مرردا بداخلي قرارى بحسم «هذاكر من بكر» لى أن يسحب منى المراقب ورق الملازم وهو بيوزع ورق الأسئلة ولا تسألنى ليه كل اللي سبتة جه منه الامتحان؟!!

أسأل نفسى لماذا أنتظر تواسيخ فجر رمضان ليصرخ الرجل الصلاة والسلام عليك لكى أشرب على آخر لحظة، لماذا أصبر على نفسى وأستحمل الجوع حتى أقع من طولى وأظل أرحف على بطني حتى التقط الموبايل وأتصل بأى مطعم وأخبره وأنا أصارع أنفاسى الأخيرة: هيب.. بليز هيب!، لماذا أوجل شحن الموبايل وانا عارف لى خارج ليفصل بعد نص ساعة وأظل محماتا بقية اليوم، لماذا أوجل



على آخر لحظة مشاهدة فيلم هموت واشوفه في السينما لأجده اتشال أصلا خالص؟! لماذا أجد شيئا ضامعا منى وعلى آخر لحظة اكسل أن أضعه مكانه على أمل لى هتكعبل فيه تانى ولا أجد له أثر بعد ذلك للأبد؟!!

وعلى آخر لحظة أظل أنلحك بصورة غير مبررة قبل أن أنزل أقابل صديقى ف الموعد المحدد، وأجد أن الوقت جرى فجأة، وفجأة أيضا يكلمنى يشوفنى فين فكنسل، فيتصل تانى فكنسل، فيتصل تالت فكنسل بعزيمة، يا رب دبرنى ماذا أفعل وانا مزنونق زنفقة الفرخة في عرقوب المنور مش عارف أقوله ليه، لى أن تأخذنى الشجاعة الأدبية والمعنوية وأقف في البلكونة أرد عليه واسمعه صوت الشارع حتى يتأكد أننى في الطريق وانا أساسا لسه مغيرتش بنظلون البيجاما، أما المفاجأة فإن صديقى نفسه بيكون لسه موصلس، لأنه على آخر لحظة، افكر إنه لسه متغداش، وقرر يستنى أمه لحد ما تخلص طبيخ، واهم نفسها كانت قاعدة فاضية طول النهار بس استنتت على آخر لحظة عشان تقوم تطبخ من غير ما تعرف هى بتعمل كده ليه برضه!

لتكتشف أنك أخيرا الحمد لله لست وحدك الذى يحمل لعنة آخر لحظة، ولك في الزيارات عبرة، بتيقى عارف إن فيه ضيوف جاين الساعة ٧ ومتقومش تنضف البيت إلا سبعة لإربع، عشان الضيوف في الآخر عمرهم ما يبيجوا سبعة أصلا.. لانهم بيقررروا يجيبوا علبة شيكولاتة وهم جاين على آخر لحظة.

وانظر يا عزيزي للزيارات نفسها، نكون قاعدين بالساعات نبص في
خلقة بعض واحنا ساكتين، يتخلل سكوتنا الجملة الشهيرة، وانت
عامل إيه؟! عامل

بعدها نختار أى موضوع تافه نتكلم عنه، يتكلم والدى مع عموزاى
إن ميدو كبر بقى شاطر فى العربى وجاب الدرجة النهائية فى المات
وميس آلاء بتاعة الساینس رسمتله نجمة فى كراسته.

أما أمى فبتكلم هى وطنظ عن هند بنت طنظ عفاف اللي اتخطبت
لولد أمور ومحدث عارف وقعته إزای، رغم أن ضبها أد كده وحوله!

أما أختى والبنات فبیتكلموا عن موضوع فلسفى عمیق أهم من ده
كله، إزای أغانى عمرو دياب القديمة أحلى بكثير من أغانيه الجديدة!؟

إلى أن تأتي تلك اللحظة الحاسمة، وكل واحد فينا يبص فى ساعته،
وصاحب البيت يتاوب، وتبدأ أسرتك يتناها شعور مفاجئ بالتأخير،
وتبدأ مراسم الوداع، وهنا تتفجر اللحظة الدرامية الكبرى، التي تبدأ
أول ما صاحب البيت يفتح الباب عشان نزوح، فجأة ينزل وحى
ما غامض على العيلتين، يخليهم يفتكروا كل الكلام المهم اللي نسيوا
يقولوه، مع إن بقالمهم تلت ساعات مايقولوش أى حاجة ليها لازمة،
وهو يا عزيزي نفس الوحى اللي بيخلينا نرغى فى التليفون بالساعات،
ونفتكر كل اللي إحنا عازينيه قبل ما نغفل الخط، تلاقى اللي معاك على

الخط بعد ما اطمن عليك وعلى أسرتك وعيلتك وجيرانك واحد
واحد، وعرف اتعديت إيه ونمت كام ساعة ودخلت الحمام كام
مرة، يجي ف الآخر يقولك المهم بقى قبل ما أقفل...، آخر دقيقة فى
المكالمة بتبقى نص ساعة لوحدنا!

ويمانسة كل هذه الأشياء الغامضة اسمحلي أسألك فى حاجة ثانية
.. لماذا أصبحنا نردد أشياء ولدنا عليها وأصبحنا نحفظها ونؤمن بها
دون وعى أو تفكير، يا ترى من هو أول واحد قال إن خمسة وخمسة
للهسد ودلق القهوة خير ورش المية عداوة؟! من أول واحد قال هذا
الكلام ونحن رددناه وراءه ولماذا صدقناه؟! من الذى قال إن الجمال
مرتبط بالرشاقة، من هذا الحيوان أموت وأعرفه..؟! لماذا لم يقل مثلا
إن الجمال بالكروش، والأرداف الممتلئة والحدود المكبلطة؟! هكذا
كنت أسأل نفسى وأنا أتابع تصفيات نهائيات ملكات جمال العالم،
وهم يختارون أرفع واحدة لينصوها على العرش، ولهذا أدركت عدم
وصول أى مصرية لتلك المسابقة منذ أن خلقت!

فأنا وأنت يا صديقى من التعساء الذين لم يجيدوا سوى الأكل ليكون
صديقهم المخلص وقت البرد والاكنتاب والانسباط والمذاكرة
والشغل والفرغ والملل، إحنا بناكل كثير بدل ما ناكل فى نفسنا،
ولكن أنا أعترف أن طفاستى كانت على حساب سعادتى التى
أصبحت تتناسب عكسيا مع كل خرم يزداد بالخزما، لاحظ أن

كل مناسبتنا بالأكل، شم النسيم بالفسيح، رمضان بالياميش، العيد الصغير بالكحك، العيد الكبير باللحمة، المولد بحلاوة المولد، عاشورا بالمهلبية، والخطوبة بالشيكولاتة والفرح بالأوبن بوفيه، والعزا بالقرص، والنجاح بالحاجة الساقمة، المناسبة الوحيدة اللي مش مرتبطة بالأكل عندنا هي عيد القطن، لأنه ملقوش حاجة تتاكل فيه غير الفانلات الداخلية!

أما أنا فطلع روح أمي حرفيا عشان أخس وبفشل، أشاهد فيلما تسجيليا مرياً عن أضرار الوجبات الجاهزة فيجربى لعابى على منظر الأكل وأطلب وجبتين كومبو وأنا أكمل مشاهدة الفيلم، قررت أن أكهرب التلاجة لكى أحرم نفسى بالعافية من فتحها والمشكلة إنى أدمنت كهرة التلاجة، ابدأ يومى بحزم وأشرب النسكافية من غير سكر ولبليل بتعشى مشبك!

ولكن مع منظرى الذى أصبح يتحول تدريجياً لقبيل صغير، يلبس الأسود عشان بيلم، ويشفط بطنه وقت التصوير، ويطلب وجبة


ان شاء الله
آخر سماندوتس



كل شيء تغير في حياتي، قراراتي، أصدقائي، مبادئى، وبظل كرشى الوحيد الصامد أمام تحديات الزمن، وأصبح منظرى بكرشى العالق بوسطى كالزيتونة في خلة الأسنان يزيدي بالاكنتاب وأنا عندما أكتب أفش غلى ف الأكل فأتحن وعندما أتحن أشعر بالذنب فأكتب وأفش غلى ف الأكل وتستمر دائرة الحياة بلا نهاية!

والغريب إن كل الناس تلاحظ تضخم كرشى المرعب إلا أمي، وهي أم مصرية أصيلة ربطت كل حاجة بالأكل، كل ما يتحب شخص أكثر كل ما بهتم تأكله أكثر، ابنها المسافر بتضايق أوى لوجه فجأة عشان مايتلحقش عمله أكل كويس.. الأم بتفضل تفكر ابنها المسافر هايجي ياكل إيه أكثر ما بتفكر هو هيقعد معاها أديه!

أمي هي أم مصرية لما ولادها بيتبعوا يبقى عندها سبب واحد لكل الأمراض: عشان ما يتاكلش كويس! وده اللي يخليها في فترة تعب أى حد من العيلة بهتم ياكل إيه أكثر ما ما بهتم يياخد الدواء ولا لا! والأم هي جزء من الثقافة العامة، اللي زرعت علاقة غامضة ربطت بين الفرحة والأكل من غير ما نحس، وده اللي حصل لما ارتبطت



عائلية من كنتاكي فيسأله الكاشير بلطف حتااكل هنا ولا تيك
أواي؟!، جاء اليوم الذى قررت فيه قرار بلا رجعة.. من النهاردا
ريجيم.. وريجيم قاسى كيان.

أنا الآن فى منتصف الليل أمسك طبق به قطعة جبنة قريش بائسة
ونصف رغيف عيش سن وخيارة.. أنا الذى كان لا ينام إلا على بيتزا
تشيز لافرز لارج ولترين بييسى!.. يا ليؤسى ويا لغدر الزمن! أشعر
بدموعى بعدها تنهمر بصمت ویدی ممسكة بعلبة زيادى خالية الدسم
أكلها بيطة كطفل صومالى يكاد يقتله الجفاف.. نمت وأنا أتحسس
بطنى من الجوع.. وسريعا ما رأيت نفسى فى الحلم.. حلمت بأننى
أقف وسط شارع ضخم.. خالى من البشر لدرجة إنه لم يكن به إلا أنا
تقريبا.. وقفت أتأمل الموقف وأسأل نفسى أنا فىن وبعمل إيه هنا؟!،
حتى ظهر لى فجأة من بعيد كائن غريب غير واضح الملامح، ما إن
اقترب قليلا حتى وجدته سندوتش حواوشى تبظ منه قطع اللحم
الصغيرة النفاذة، كان يسير نحوى بيطة بغموض لا أفهمه، ظننت
أنه ضيف عابر فى الشارع مثلئى فالتزمت السكون فى مكانى أترقب ما
سيحدث، حتى زادت سرعة خطواته وبدأ سندوتش الحواوشى فجأة
يركض نحوى.. ففهمت أننى الهدف وظللت أجرى منه بلا وعى وهو
يلاحقتى، كنت أجرى بكل سرعتى وهو يجرى ورايا والبصل يقع منه
هنا وهناك إلى أن اختفى ووجدت نفسى أمام بحر واسع، ياه أخيرا

تخلصت من ذلك الوغد، أردت ظهرى على الرمال الناعمة التقط
أنفاسى حتى ظهرت من بين الأمواج عروسة البحر، شعرها الذهبى
وعينها الزرقاوين وقوامها الملقوف كانت طلتها شديدة الجمال..
شديدة البهجة.. تماما كما تظهر فى أفلام الكارتون.. كانت تبتسم لى
برومانسية وما أن رفعت رأسى بيطة لأرد لها التحية وابتسامتى تحتل
وجهى، حتى خلعت قناعها السافلة ويظهر لى سندوتش الحواوشى
من جديد وقد قفز من البحر يجرى ورايا، ظللت أجرى منه بلا
وعى، حتى اختبأت بين أشجار غابات كثيفة، وقفت وراء شجرة
ضخمة التقط نفسى بصعوبة حتى وجدت من يقول لى.. حلو المكان
ده مش هيعرف يجيبك منه.. كان ذلك صوت دبوبس كنتاكي قاعد
مجموعس يدخن سيجارة بمزاج.. ابتسمت له ومددت يدى لمصافحته
أحييه على مساعدته لى بكل امتنان.. فصافحتى بحرارة وحاولت أن
أسحب يدى من تحت يديه فنظر لى بكل شر وقبض على يدى أكثر
وحاول أن يكتفى بيده الأخرى فركلته بكل قوتى بقدمى فى بطنه
واستمرت بالجرى بلا هدف، وصلت أخيرا الميدان واسع.. ميدان
مهجور تتفرع منه عدة شوارع.. لا أعرف لى أين اتجه.. القرار الآن
صعب والمغامرة ليست مطلوبة.. يا رب ساعدنى لم أعد قادرا على
استحجال المزيد من المفاجآت.. كان لا بد لى من قرار سريع فاخترت
شارعا عشوائيا وما إن خطت قدمى بعض الأمتار فيه حتى وجدت
جيوشا من سندوتشات الحواوشى قادمة للهجوم عليا، استدرت

للخلف محاولا الهرب منهم فوجدت سندوتش يبيع تستى دبل
تشيز ضخمة يقف بعرض الشارع مبسما بشماعة.. كان هو أمامي
والحواشى من ورائي.. ولم يكن لى فى الهروب نصيب.. فاستسلمت
لقدرى.. ليستقبلنى البيج تستى بروسيه من رأسه المطعمة بالمسمم
الغارقة بالجبنه الشيدر والمحشوة بقطعة اللحم الضخم لأقع فاقتاد
الوعي!

وأخيرا أفقت على إثر صداع رهيب يتملكنى، رفعت رأسى ببطء
فوجدت نفسى فى قصر كبير، تقريبا أنا مخطوف، فركت عيناى
ودققت النظر فوجدت أمامى كرسى العرش وقد جلست عليه
قطعة من التشيز كيك تجلس بكل الأطفه، وعلى الجانبين كان تصطف
زجاجات بيسى ومهلبية ورز بلبن ومكرونه بشاميل وجيلي وفراخ
بانیه وميجا بالشيكولاته وفشار الكراميل وطواجن مسقعة باللحمه
المفرومة وزلاية بالعسل وكل الحبايب!

قطعت عليا التشيز كيك تفكيرى وصرخت: كده برضه يا صاحبي
عايز تتخلى عننا؟!!

فرفعت رأسى بانهمام وجلست على ركبتي ونظرت لها وأنا أرد بحزن:
أنا متخلتش عنكو.. بس أنا عايز أخس.. ساعدونى أخس!

فاستدارت لى قطعة كنافه بالقشطة وهى تصرخ بحده واستنكارا:

فتفكر يعنى إحنا السبب.. خلاص كل مشاكلك هتتحل والدنيا
هتبقى وردى لما تبقى رفيع ومعظم.. أنت بتحلم!.. قالت آخر جملة
وحذفتى بقطعة مكسرات من على رأسها بكل غضب

وصرخت فى زجاجة كوكاكولا مشيرة وهى تكاد تفور من عصبيتها:
يا عم محدش واخذ منها حاجة.. اللي خسوا خدوا إيه يعنى.. عاشوا
أكثر من اللي مكتوبلهم ولا فرحوا أكثر من اللي مكتوبلهم.. وعيش
وانبسط.. لايف اذ تور شورت ماى فريند.. ثم مسحت دمعة نزلت
منها بغدر وأكملت بصوت مكتوم: ولا خلاص أنا مبقتش فريند...!؟!

أما قطعة الجلاش باللحمه المفرومة الضخمة فكانت أكثرهم حنية..
استدارت لى وقالت وتحشر صوتها من الحزن: على فكرة اللي
يجبك بجد هيجبك لشخصك مش عشان شكلك ولا جسمك ولا
الكلام الفارغ ده.. إيه فايده تبقى رفيع وعيل إتم ودمه ثقيل.. ثم
نظرت لابنها الجلاشة المنفوخ المتضخم وقالت وهى تططب عليه
وتضحك.. دا بيقولوا حتى الترخان دمهم خفيف!

كانت العيون كلها معقلة على، تنتظر قرارى، المكان يعم بالصمت
ماعدا صوت ضربات قلوبهم السريعة وأنفاسهم المتلاحقة، ومرت
لحظات الانتظار عليهم طويلة حتى نظرت لهم بانكسار وقتلتهم:
خلاص اللي انتو شايفينوا..

فنزلت لى التشيز كيك بنفسها وضمتنى فى حضنها وقد أغرقتنى بقطع
التوت وسط ودموع كل الموجودين إثر ذلك الموقف المؤثر وتماسكت
التشيز كيك وصوتها يغلبه البكاء وهى بتقولى: أنا كنت عارفة إنك
لا يمكن تتخلى عننا.. وامتلا المكان بالتصفيق والتهليل والزغاريط
والصفارات والأغاني وهم يهشكوننى لأعلى ويقذفونى بقطع
الحلوى وسط مراسم احتفال ملكية..!!

وهنا قمت من النوم وطلبت اتنين كيلو كباب وكفتة وفرختين وفتة
شاورمة وكنافة بالمانجة وكرتونة شوييس رمان على راني خووخ
وقررت أهزم الريميم.. على آخر لحظة!

- ليه لو طلبنا سنوتوش
ماينشبعش ولو طلبنا اتنين
نشبع من اول واحد؟

ليه البنات كلها
فاكره انها
مصسووه؟

ليه التليفونات
المهمة بتبصلي وانا
نايم او بستصمى او
التليفون مقفول؟

ليه ماينبشش اللي
بيصنا وينصب اللي
مايبصناش؟

ليه بقول غصبة
عن التضيق .. ليه
مش الرضيع او الطويل
..التضيق ضعيف اصلا؟

ليه اللي بيتعمل
برامج الطبخ
رايح فين؟

الطفل الصيني
بيبقى شبه امه
شبه ابوه؟

- ليه الناس كلها
تكبر شعرها بيبيض
ور جاها الجواوي
شعرها بيصمر؟

ليه بيطلعلى صبايه
لى وشي قبل اى
شوار مهم بيوم؟

ليه وايمما فيه نص
لمونه فى التلاجة؟

وانا بركت السوبر
والقطر اروح فى
الاشهر استناهم
ماضر بطلعوا فى
الاشهر لهم؟

ليه يا زمان
ماستناش
ابرياه؟

امتى سواقين
التاكسي هيرجعوا
الباقي الفكة؟

هي دي الناس
الطروق

| | | |
|---|---|---|
| X | X | X |
| X | X | X |
| X | X | X |


إن مقياسا واحدا لديك تقيس به حلاوة الناس مقياس ظالم مهما كان نوعه، ظالم لنفسك قبل أن يكون ظالما لغيرك.

«مش كل بنت امورة هتشوفها حلوة، بس كل بنت حلوة هتشوفها امورة»، هكذا كنت افكر بعد كل تلك السنوات وأنا احاول ان اعيد تعريف البنت الحلوة والناس الحلوة في حياتي..

البنت الحلوة هي البنت اللي مابتنامش غير لما تتأكد انك روحت البيت، اللي بتعتلك رسالة اول ما تروح تشكرك على الخروج، اللي بتفتكرلك الحلو عشان تعديلك بيه الوحش، اللي تصالحها بشيكولاتة، اللي وشها مافيهوش غير كحل وروح مش تورثة فواكه، المسوطة بالخروج عشان خارجة معاك مش عشان رايمين فين، اللي بتقدر الهدية مهما كان تمنها، اللي مابيهوش عليها تناموا زعلانين حتى لو هتصحى تنفخك، اللي تعرف تختار الوقت اللي تكلمك فيه اكثر من اختيارها للكلام نفسه.

البنت الحلوة هي اللي عاشت معاك الكحرتة، اللي كلت معاك على عربية كيدة، اللي اقمشت معاك على الكورنيش، اللي ركبت معاك ميكروباص، اللي قعدت معاك على قهورة، اللي يوم ما وروحتو كافيه طلبت شاي و هي مابتشربوش بس لاقيته ارخص حاجة، وهي اللي

الله يجد؟
وايه كمان؟ هه
وايه كمان، ونبي
وايه كمان؟



الله حاجه فيكي
انك مابتشربوش
زي بقية البنات

استقيظت الفتاة من نومها ولا يشغل عقلها سوى أمر واحد، أن تصفع الإنسانية على وجهها وتثبت أنه لا ثواب ولا حقائق مسلم بها، بملاحتها البسيطة وبشرتها النصف سمراء وشعرها الأسود النصف مجعد، أرسلت صورتها لعدد من أصدقائها وسألتهن ببساطة: كيف أبدو جميلة في نظركم؟

وهنا بذل كل منهم أقصى ما يمكن ببرنامج الفوتوشوب ليجعلها جميلة في نظره، أحدهم جعلها بعيون عسلية وشعر أسود كالقمح مع إضافة اللون الذهبي لبشرتها، والآخر أحبها بيضاء ذات شعر أشقر وعيون زرقاء، أما الثالث فأحبها بعيون سوداء وبشرة أكثر سمرا وشعر أسود داكن، والرابع أحبها بيضاء وعيون رمادية، والخامس أحبها بشعر بني وعينان خضراء، باختصار كل منهم اختار أن يراها بالجمال الذي يحبه ويمثله ويتمناه، لتثبت لك تلك الفتاة الصغيرة أن الجمال في حد ذاته فكرة وهمية، وأن أجمل امرأة رأيتها في حياتك هي امرأة عادية جدا بل أقل في نظر من بجوارك، بل في نظر أخيك الذي يتطابق معك في فصيلة الدم والجينات الوراثية.

عمرها ما مدت يديها على ازازة المية المعدنية، البنت الحلوة هي اللى
فرحتها بخاتم نحاس عليها اسمها منك اكبر بكثير من فرحتها بخاتم
الماظ.

وصاحبك الحلو هو اللى تيجي تكلمه تلاقيه بيكلمك، اللى بيضحك
من بعيد لما يشوفك وانتو رايمين تتقابلوا، اللى تقعد معاها تسف على
الناس كلها وأولهم نفسك، اللى بتخرج معاها وعمركو ماعرفتوا
رايمين فين، اللى تفضفض معاها من غير ما تقل من نظره، اللى عمرك
ما تخانقت معاها وانتو قايمين من على القهوة على مين اللى هيدفع
الحساب، اللى يقف معاك في مشكلتك حتى لو واقع في مشكلة
أكبر، واللى عارف ان وجوده جنبك في مشكلتك مش هيجلها بس
هيجسك بالأمان.


صاحبك الحلو هو اللى افكر عيد ميلادك من غير ما يدخل على
الفيسبوك، اللى مستنيك تتجوز عشان يهد حيلك على الاستيدج من
الرقص، الوحيد اللى معاها صور ليك لو نشرها هيضيع مستقبلك،
اللى عمره ما افكر مين اخر واحد اتصل بمين، اللى يدخل معاك
المصيبة عشان مايسبكش تغامر لوحدك، واللى عارف ان مشاكلك
مش تافهة وانك انت اللى مابتعرفش تعبر.

والأب الحلو هو اللى عمره ماشاف انك فاشل وشاف انك حودت

للنجاح من سكك تانية، اللى عمره ما قالك انا كنت بطلع الأول
واعترف لك انه كان بيثيل مواد، الأب الحلو هو اللى أدرك انه مش
معنى انك بتاكل وتشرب انك مبسوط، اللى عرف يقي صاحبك،
اللى مصاحب اصحابك وبيجهم عشان انت بتجهم، الأب الحلو
هو اللى بيتفشخر بيك قدام الناس زي عمرو دياب.. غنا لبناته كنزي
وجنا ورسم اسم ابنه «عبدالله» على دراعه وخلاه بطل كليباته.

والأم الحلوة هي اللى امتتها على سر ومفتنتش عليك، اللى مسكتلك
الشيشب وانت بتذاكر تخوفك بيه بس مضربتكش، اللى سابلك
فلوس العيد تصرفها وماقتلكش هاتهم احوشهملك، اللى زعقتلك
انك بتشرب بيبي وبعدين شربت معاك شوية، اللى مقتنعة ان مش
قعدتك على النت هي سبب الكوارث الكونية اللى بتحصل، اللى
عمرها ما قارنتك بحد، اللى يوم ما زعلت منك سختلك الأكل وهى
ساكنة، اللى بتوسطلك لابوك يحقق طلباتك وتشيل هي مسؤلية
بلاويك ف الاخر، اللى ما بتعدهش ليل ونهار تقطم فيك وتقولك
«مش قتلتك؟!»، الأم الحلوة هي اللى ياما قالتلك انت ألف واحدة
تتمناك وانت عارف انك شبه دواصة الحمام.

السدرة الدراسة ذكريات



| | | | | | | |
|-------|------------|------|-------|-------|------|--------|
| حرف | أ | ع | ف | ل | ن | م |
| ولد | أحمد | علاء | | | نبيل | |
| بنت | أمينة | | ذرية | لولو | | مى |
| حيوان | أرنب | | | | عمر | |
| نبات | أرز | | | لوبيا | | ملوخية |
| بلد | | عمان | فرنسا | | | مصر |
| تعداد | | | خازة | | | |
| تعداد | عباس السنو | | | | | |

تحاول أن تنام طول الليل، ولكن سهر الصيف والقلق من بكر
يتأمرون عليك، أخيرا تقوم الساعة سابعة من النوم بضرب الجزم،
تقف أمام أمك مترنحا في نصف غيبوبة، تغسلك وشك وتلبسك
وتسرح شعرك وتضع لك السندوتشات في الشنطة وتسير معها في
الشارع بطاعة وأدب، وأنت تشعر أن الناس كلها في الطريق شماتة
فيك! تتركك عند باب المدرسة وترحل، لتقف وسط حوش المدرسة
كتكوت وحيد شارد خرج لتوه من العشة للحياة، تحاول أن تبدد
وحدتك فتتعرف على أحدهم ليكون صديقك، وفي الغالب تصبح
علاقتكما بعدها مجرد سلامات .. ده لو افكرته اصلا، تبحت عن
اسمك مقيدا في أى فصل ويكون كل همك هدف واحد، أن تحجز
لك مكانا في أول ديسك في الفصل، وإن لم يكن فاللى وراه، وإن لم
يكن فاللى ورا وراه، فالأسطورة تقول: «إن آخر ديسك محجوز دائما
للفشلة والساقطين»، يمر عليك الأساتذة واحدا تلو الآخر كفقرات
اليوم المفتوح، وأنت تدعو الله في كل فاصل أن يرزقك بأساتذة لطفاء
ليسوا من هواة حمل الخرزانات الملسوعة، وإن لم يكونوا منهم ألا
يكونوا من أصحاب المزاج السيئ في الضرب على ظهر الإيد، وإن
لم يكونوا منهم ألا يكونوا من هؤلاء المتسلطين أصحاب الواجبات
المرهقة، تدون طلبات كل منهم من كرايس وكشاكيل في كشكول
يتيم أحضرته وأسميته مجازا كشكول الطلبات، تعود متأخرا لبيتك
جارا أذبال الخيبة والبؤس، توظفك أمك تانى يوم وأنت تصرخ: آه يا

رغم كل الأيام الدرامية التى عشتها، ستظل أيام الدراسة عالقة
بالذاكرة، وتحديدًا يومين منهم، أولها أول يوم مدرسة، أتذكر
تفاصيل ذلك اليوم من كل سنة جيدا، كان جسمى يرتجف بشدة
من مجرد ذكر سيرته، مع إنى قبله بأيام كنت متشيا جدا وأنا بشتري
الشنطة الجديدة والمقلمة بمحتوياتها والجزمة وطقمين لبس جداد..
لا أستطيع أن أمنع نفسى من شهوة النظر عليهم كل ساعة، وكان
تلك الأشياء هى التى تهون على النفس عذاب وقهر الرجوع مرة
أخرى للمدرسة!

تبدأ ساعة الحسم ليلتها، حينما تغلق أمك التليفزيون التاسعة مساءً
وهى تصرخ: يلا قوم وانا مدرسة الصبح بدري، وقتها بس
تصعب عليك نفسك.. إنت الذى كنت تنام ستة الصبح كأجدها
نبتشى حراسة.. لا تغمض لك عين قبل الاطمئنان على نوم كل من
بالبيت، الآن ترقد في سريرك كسلحفاة صغيرة في بياتها الشتوى،

بطنى.. بطنى بتقطع.. مش هقدر أروح المدرسة.. إنسى، فتلطشك
هى قلم بكل قوتها لينزل ويلسع خدك، فيشعل فيك النشاط لتقوم
تلبس هيدومك وتحضر شنتك زى الجزمة، عائدا للمعتقل مرة
أخرى..!

أما اليوم الآخر الذى من الصعب أن أنساه، فهو آخر يوم فى
الامتحانات، ذلك اليوم الذى نودع فيه السنة الدراسية إلى الأبد،
على الجانب الآخر من الكوكب يكون ذلك عند الطلاب يوما حزينا،
يقيمون فيه حفلا يكون فيه ذكرياتهم الجميلة فى تلك السنة التى انتهت
وقد قضا فيها أحلى أيام حياتهم، وهو هو نفس اليوم هنا الذى نقيم
فيه حفل شواء للكتب الدراسية والملازم والكتب الخارجية، مع لعن
أبو أم اللي اخترع الدراسة واللى بدعها مع تكسير الديسكات وشتيمة
كل المدرسين والمدير على جدران المدرسة من الداخل والخارج..!

تبدل الالتمس بالاطمينة؛



أما أنا فحاشا لله أن أكون مثل هؤلاء الحاقدين الجاحدين، أنا أتذكر
كل يوم فضل التعليم على، لقد خلقتى الله إنسانا ذكيا بالفطرة حتى
دخلت المدرسة وأصبحت بهذا الغباء الذى يمكننى من التأقلم فى
هذا المجتمع، أخاف من أمنا الغولة وأبو رجل مسلوخة وأقلب

الشيبب المقلوب عشان حرام، ولو لعبت فى صرتى هموت وماقفش
فى البلكونة عشان دماغي اتقل من جسمي وابطل لعب بالمقص
عشان بيحبب الفقر، وأؤمن أن بواقى الأكل هتجرى ورايا يوم
القيامة وماكلش وانا واقف عشان الأكل هينزل فى ركبى، وإنى لازم
أخلص الطبق كله عشان يدعيل، وإنى ما اغنيش فى الحمام عشان
ما زعلش الشايطان أو أقلب عليهم المراجع ومدلقش ميه سخنة فى
أرضية الحمام عشان مايتزحلقوش ويركبوني، وإنى أندع لحد ينفخ فى
عينى لما تطرف.. حتى لو هتفخ زيادة من التعب!

لقد كنت إنسانا صادقا، حتى أخبرنى أساتذتى إنى مسييش سؤال
فاضى فى الامتحان، وأكتب أى حاجة هاخذ درجة، حتى كبرت
وأصبحت لا أكف عن الفتى فى أى قعدة فى أى مكان فى أى موضوع،
حتى لو مش فاهم أى حاجة.. ماسييش فراغ.. لازم أخذ درجة، ولا
يستوقفنى شيء عن الفتى والهوى إلا إذا استوقفنى أحدهم ليسألنى
عن مطعم بيتزا كينج، فأتلفت يمينا وشيالا وأخبره بلغة الواثق على
مكان بيتزا كوين.. على الأقل مش هيروح لحد غريب دى المدام
يعنى!


لقد كنت مؤمنا أن «خير الكلام ما قل ودل»، و «الكلمة اللي
مالهاش لزمة ماتتقلش»، حتى أخبرنى مدرس العربى إن موضوع
التعبير لا يقدر بجمال الكلام، وإنما يقاس بالشبر، لذلك كان واجبا

على موضوع التعبير في الامتحان أن أعيد وأزيد في نفس الكلام
مكتشفا بداخل حمادة هلال صغير، وغالبا كان الموضوع عن سيناء،
فأكتب طوال صفحتين: سيناء أرض معمرة.. معمرة أرض سيناء،
وها أنا كبرت وأظف في أي مناقشة أكرر كلامي مرة واثنين وتلاته،
ومن أمامي يظل يكرر كلامه كلما كررت كلامي حتى قاطعت كل
الأصدقاء، وأصبح البنادول صديقي المخلص الدائم الوحيد!

علمتني الدراسة أن يكون لي حلم كبير من الخيانة أن أتخلى عنه حتى لو
مستحيل التحقق، كأن أقابل ميس آلاء مدرسة الموسيقى التي قضيت
من عمري أعواما منتظرها وأنا ألم الزبالة من الحوش في حصتها،
علمتني الدراسة أن أحفظ وأحفظ وأحفظ دون أن أسأل عن معنى
ما أحفظه أو أفهم مغزاه، وها أنا كبرت وسألني أحدهم عن معنى
«نعناع الجنينة المسك في حيطانه شجر المسطح ضلل على عيدانه .. في
عشق البنات انا فقت نابليون» التي أددنها المنير، وأرد بكل بجاجة:
معرفة أنا حافظها كده!

أما المواد نفسها فستان بينها وبين الواقع، فتعلمت في العلوم عن
الحيز واكتشف بنفسى عن البنى آدمين، واكتشفت أن الأدب مكانه
في النصوص مش ف الأخلاق، وأن الضمير بقى كله مستتر، وأن
الماضى فعل مستمر، واكتشفت أن الحياة لا تمتحك الفرحة إلا مقسومة
وتمتلك الحزن مضروب ف كثير، وأن حاصل قسمة الأحلام على

الواقع بيساوى صفر، وأن الفيزيا غدارة عشان بنقى حافظيتها
وما بننحجش مع إن فيه بنى آدمين بنعاشرهم وما بيمترش، تعلمت
أن التاريخ الذى نعيشه مالوش أي علاقة بالى بيكتب، أتعلمت أن
الإنجليزى يبدأ من الشمال لليمين مع إن الواقع يقول إن الشمال
بيحذف شمال أكثر! وإن قانون الجاذبية باطل قدام كل حاجة حلوة
وقت الريجيم، وإن الكسرة لازم تيجى بعدها ضمة حتى لو
هبيوظ التشكيل!



وفي المدرسة اكتشفت البنى آدمين، وان صاحبك
اللى كان بيضربك ويجبرى وأول ما تيجى
تقفشه يقف ويقول أنا في حمارنا!!! لما كبر حط
مصحف في عربيته ومافتحوش من ساعتها،
وصاحبك اللي كانت بتصاحب الولد اللي كان
بيجيب سندوتشات لانشون لما كبرت أتجوزت واحد عشان فلوسه،
وصاحبك اللي كان يقبل في شنتك من غير ما يستأذن كبر وبقي
ياخد موبايلك يدخل على الصور والرسائل، وصاحبك اللي كان
بيجلد كراريسه هو اللي يطبق الملايه لما يقوم من النوم، وصاحبك
اللي كان يقعد لوحده في الفصل وقت الفسحة ياكل ساندوتشاته
لما كبر خطب من غير مايقول لحد، وصاحبك التكة في الفصل
لما كبرت سمت عيالها موريجهان ونورسين وهزاده، وصاحبك

اللي كانت بتشتكى للأستاذ كل شوية لما حد يضايقها كبرت وبقت تدخل الناس كلها تحمل مشاكلها هي وجوزها، وصاحبك اللي كان مابيعرفش يفرق بين كتاب الإنجليزي والورك بوك كبر ولحد دلوقتي مابيعرفش يفرق بين الشبت والبقدونس والكزبرة والجرجير، وصاحبك اللي كان بيصاحبك أيام الامتحانات نس هو اللي بيتصل بيك بعد سنين كتار عشان يسألك: سمعت عن كيونت؟!، وصاحبك اللي كان يقولك هجيلك أخويا الكبير يضربك لما كبر شال تليفون نص أرقامه غلطاب ووكلاء نيابة، وصاحبك اللي كان بيستأذن يروح الحمام ويرجع الحصة اللي بعدها هو اللي يقولك حكلمك كيان خمس دقائق ويكلمك تاني يوم، وصاحبك الرخم اللي كان بيطلع كل يوم يصدعك في الإذاعة وهو يقول أضف إلى معلوماتك.. دلوقتي عندك على الفيس بوك وبيعملك تاج كل ربع ساعة على صور تكاثر حيوان الكانجرو مع الدببة في القطب الجنوبي، وصاحبك اللي كان يقولك معاك قلم زيادة دلوقتي بيكلمك يقولك ممكن تحوى خمسة جنيهه رصيد وهبقي أرجعهالك، أما صاحبك اللي كان دابيا يقولك وانتو على باب الفصل بص أنا هخبط بس تدخل إنت الأول هو اللي لما كل ما تسأله مش حتتجوز يقولك لما أفرح بيك إنت الأول، وصاحبك

اللي لما كنت بتطلب منه شوية ميه من زمزميته فكان يصبلك شوية في غطاها عشان يقرف.. هو اللي لما بتزوره دلوقتي بيقلعك في الصالون مش ف أوضة نومه، وصاحبك الجدع اللي كان بيرمي القلم أو يطلع يرمي زباله عشان يكلمك ويواسيك وانت واقف متذب على السبورة هو اللي بيحلف لابوك إنك بايت عنده رغم إنه مشفكش من أسبوع، وصاحبك اللي كان بيسبب الديسك أول ماتيجي سيرة العفاريث لسه بينام ونور الطرقة قايد!

الزمتني الدراسة أن أقف كل صباح أحى علم بلدي، ولم تلتزم بإخباري أن بقية حياتي في بلدي ستكون شبه العلم نفسه.. باهتة ومن غير ملامح..

وعلمتني الدراسة إن مصطفى كامل هو اللي قال: لو لم أكن مصرياً لوددت أن أكون مصرياً، ونسبوا يقولونا إنه عاش طول عمره في أوروبا!

اللي كانت بتشتكى للأستاذ كل شوية لما حد يضايقها كبرت وبقت تدخل الناس كلها تحمل مشاكلها هي وجوزها، وصاحبك اللي كان مابيعرفش يفرق بين كتاب الإنجليزي والورك بوك كبر ولحد دلوقتي مابيعرفش يفرق بين الشبت والبقدونس والكزبرة والجرجير، وصاحبك اللي كان بيصاحبك أيام الامتحانات نس هو اللي بيتصل بيك بعد سنين كتار عشان يسألك: سمعت عن كيونت؟!، وصاحبك اللي كان يقولك هجيلك أخويا الكبير يضربك لما كبر شال تليفون نص أرقامه غلطاب ووكلاء نيابة، وصاحبك اللي كان بيستأذن يروح الحمام ويرجع الحصة اللي بعدها هو اللي يقولك حكلمك كيان خمس دقائق ويكلمك تاني يوم، وصاحبك الرخم اللي كان بيطلع كل يوم يصدعك في الإذاعة وهو يقول أضف إلى معلوماتك.. دلوقتي عندك على الفيس بوك وبيعملك تاج كل ربع ساعة على صور تكاثر حيوان الكانجرو مع الدببة في القطب الجنوبي، وصاحبك اللي كان يقولك معاك قلم زيادة دلوقتي بيكلمك يقولك ممكن تحوى خمسة جنيهه رصيد وهبقي أرجعهالك، أما صاحبك اللي كان دابيا يقولك وانتو على باب الفصل بص أنا هخبط بس تدخل إنت الأول هو اللي لما كل ما تسأله مش حتتجوز يقولك لما أفرح بيك إنت الأول، وصاحبك





أول مؤسس لعلم التنمية البشرية كان به المنعم مبوللي
لما قال للعيان بتاعه : قوله أنا مش قصير أوزعة
أنا طويل واهبل !

انت وضميرك

هل تبحث عن السعادة ؟
هاتخليك سعيد في ٢٤ ساعة
وفاء وأمل .١٥٢٤٢٤٢٤٠

كانت تلك هي الالفة الغريبة التي استوقفتني ملتصقة بعمود النور الوحيد في شارعنا، كان إعلانا غامضا ومثيرا.. بس على مين؟! ولكن هل أصبحت إعلانات قلة الأدب عيني عينك كده في الشارع؟! أنا صحيح عايز أبقى سعيد بس حلاوة الموضوع في سرية، في شعورك باللذة وانت بتكسر القوانين وتعمل العيب وتنجو بفعلتك في النهاية مستغفلا المجتمع، وبصراحة لم أكن أريد أن أعطى مساحة للاستغراب من الموقف.. مش وقته يعني أنا عايز أتصل.. عايز انبسط.. واتصلت.. ورد عليا صوت أنثوي كادت الشبكة تذوب وتختفي من رفته:

- ألو..

- أيوه مساء الخير.

- يا مساء العسل.

- حضرتك أنا شفت الإعلان بتاعكو وبصراحة أنا عايز انبسط..

انبسط أوى.. أنا ٢٥ سنة ولسه بنام في حضن المخدة حضرتك!

- تُو تُو.. يا حرام.. لأ صدقتي إنت خير ما عملت دلوقتي.. أقدر أقولك إنك اخترت المكان الصح.. احنا هنا هدفنا ندلع الزبون بغض النظر عن المقابل.. احنا حاسين بيكو.. باحتياجناكو!!

- يااه.. أهو هو ده اللي انا بدور عليه.. أصل بصى الموضوع ده بالذات من غير مشاعر مالوش لازمة.. هنفرق إيه عن الحيوانات اللي في الشوارع.. الفكرة كلها في المشاعر!

- صدقتي انت بس لو جيت مرة واحدة عندنا هتبقى زبون دايم.. هتحسن إننا أسرتك الثانية.. وبعدين احنا مش زى الناس الهواة اللي معندهم خبرة.. ده احنا جايبين مدرية مخصوص من روسيا في نظام جديد لأول مرة في مصر.. هتراقبك، وتراعيك، وتمشيك على الخطوات واحدة واحدة.

- مدرية! احم! لا بيتهيأل موضوع المدرية دا مخرج شوية.. يعني سيبونى لوحدى وانا هتعامل.

- عموما براحتك، ليك عندنا في الآخر شهادة معتمده تروح بيها في أى حنة تقول إنك خبرة وكفاء وعلى قدر المسئولية.

- والله يعني ربنا يباركلكو.. بتعملوا كيان سى فى اللواحد.. انتو ناس

عظيمة.. أتمنى بس أسعاركو متكونش حراقه على دا كله.

- يافندم أقسملك أسعارنا خارج المنافسة وبعدين حضرتك بتدفع لنا ربيع الفلوس ف الأول لو عجبك الموضوع تدفع الباقي وانت ماشى.

- والله انتو ناس مخلصه لرسالتكوكو.. وكفاية انكو بتراعوا ربنا فى القرش الحرام عشان ربنا يياركلكو فيه.

- يافندم صدقنى احنا كل اللي طالبينه من ربنا السر والصحة عشان نقدر نلبي كل أحلام الشباب الطموحة اللي زيك.

- هعيط.. والله هعيط.. هو فيه حنية كده يا.. إلا صحيح إنتى مقلتش إنتى وفاء ولا أمل؟

- لا يافندم مع حضرتك شيرين!

- آه أكيد وفاء وأمل مريحين بقى شويه.. الله يكون فى عونهم الضغظ عليهم كبير.

- لا يافندم الحقيقة إن احنا معدناش حد بالاسامى دى خالص!

- لا بس انتو كاتبين فى الإعلان وفاء وأمل؟!

- أيوه يافندم قصدنا إننا بنديك الكورسات بوفاء وبنأمل بعد كده

إنك تبقى سعيد!

- كورسات إيه وزفت إيه.. هو انتو بتوع إيه بالظبط؟!

- احنا يافندم مركز جديد للتنمية البشرية!!

- آه يا رمم يا ولاد الكلب.. بعد ما عشمتمونى!

- ها حضرتك يافندم ما قلتلش أنهى دورة بالظبط تحب حضرتك تحجز فيها؟!

- اممم.. فريلى كده بسرعة إيه اللي عندكو.. إنجزى أنا مش طابقكو أساسا.

- عندنا يا فندم كورس السعادة الداخلية وفيه بنحاول نرفع طاقتك العاطفية والنفسية ونعلمك إزاي لو معرفتش تضحك تنكد على اللي حواليك، وآخر الكورس بنجيب حد يزغزغك ونديك وجبة هابى ميل هدية!

- لا أنا مكثب لدرجة إنى بسمع محمد محبى وتامر عاشور وبهاه سلطان فى بلاى ليست واحدة، مش هياكل معايا الكلام ده.. عندك إيه تانى؟

- أكيد يافندم الاكتئاب اللي عند حضرتك من الذكريات وحلك

عندنا، احنا هنعملك غسيل مخ ينسيك كل ذكرياتك المزعجة التي
أدتك من ساعة ما اتولدت، وتحفضل فاكر بس الحاجات الحلوة التي
عدت عليك.

- لا إنسيني إنتي خالص ف الموضوع ده، أنا مشكلتي مش مع
الذكريات.. أنا معنديش ذكريات أساسا.. أنا مشكلتي إني بحب
واحدة..

- (مقاطعة) بس يافندم أخيرا لقيتلك اللي بتدور عليه، كورس اختبار
شريك الحياة وكشف زيفه وأقنعتة اللي لايسها قدامك.. حضرتك
مدرك إن الناس كلها دلوقتي بتمثل، ومدرك كمان إن ٩٥٪ من
الجوازات دلوقتي بتفشل من أول سنة!

- الله يخرب بيت أمك يا شيرين.. يا ستى لأ.. أنا بحبها ورائق فيها،
أنا بس مشكلتي مع البنت دى إني متكحرت ومش عارف اتقدم لها
إزاي؟

- بس بس بس خلاص يافندم تاهت ولقيناها، كورس الثقة في
النفس، بنعملك إزاي تثق في نفسك وإزاي تحقق أهدافك بأسرع
وأسهل طريقة، وفي الآخر بنمشيك على فحم مولع عشان نعملك
إزاي تتخلص من مخاوفك وعقدك في الحياة!

- للأسف نفسى أتخلص من مخاوفي بس مش حابب أتخلص من
رجلي خالص، إنتي عارفة ساعات باحتاجها في مشاوير وكده،
فمممكن اشترك في الجزء الأول بس.

- طب أنا عندي لحضرتك مفاجأة يافندم، هنديك كورس «كيف
تصبح مليونيرا في أسبوعين؟!» هدية ومقابل ألف جنيه زيادة بس.

- ألف جنيه! مش كثير يا شيرين!؟

- يافندم حضرتك هتبقى مليونير كمان أسبوعين.. مستخسر فينا
ألف جنيه!؟

- لا تصدقي أفنعتيني.. خلاص أنا هشترك معاكو.. اتتو فاتحين
بكرا؟

وقبل المعاد بنصف ساعة كنت وصلت، القاعة مزدحمة جدا، شباب
وبنات جميع الأشكال والفتات، جلست بالكرسى المرقم برقم تذكريتى
أنتظر بدء الكورس، حتى ظهر شخص على المسرح، أول ما تطل ضج
المسرح بالتصفيق ووقف الكثيرون ليحيوه.. خنت إنه المحاضر أو
الدكتور، في الحقيقة لم أفهم تخصص الدكتوراه لأنه مكتوب تحت
اسمه سبع سطور لشهادات حصل عليها أسهل واحدة فيهم كانت
دبلومة في البرمجة اللغوية القرمزية المعنوية الفيزيقية العلمية وتأثيرها

مالوش لازمة.. مين هنا فقره سبيله العجز والمهم والاكثاب!؟

كان يصرخ وأنا خلاص إيدى نملت من رفعها وأصبحت على وشك البكاء.. ده انت بمجشع الجرح دا انت فركته بشوية ملح أقسم بالله، حتى وقف الرجل لثواني متأملا كل الأيدى المرفوعة وكل الوجوه الحزينة والأمزجة البائسة، ثم صرخ في حماس: خلاص كفاية ياس.. كفاية إحباط.. كفاية استسلام.. احنا لازم نواجه الواقع أكثر من كده.. أبوه ما تستغربوش هنواجهه.. احنا قادرين نواجه الواقع.. عارفين هنواجهه بإيبيه!؟ فسكت الجميع، ثم صرخ هو: عارفين هنواجهه بإيبيه!؟ فسكتنا أكثر ونحن كلنا فضول حتى صرخ: بالحب.. والأمل.. والإحساس! يلا غمض عينيك.. يلا كله يغمض عينيه.. غمض عينيك جامد.. اللي هشوفه مفتوح هزعل منه.. غمض وماتفكرش في أى حاجة غير المشكلة اللي بتواجهك دلوقتي ومعكنته حياتك.. فكر فيها هي بس.. ها خلاص فكرت فيها.. خد نفس عميق بقى وانت بتفكر فيها.. يلا نفس عميق وركز في مشكلتك وقولها أنا قادر أواجهك بالحب والأمل والإحساس.. يلا كلو بقول.. فغمضت عيني بالفعل وأخذت نفسا طويلا وأنا أردد كلامه باستحياء مع صوت الناس المنخفض حتى صرخ: لا.. أنا عايز صوتكو يرح القاعة.. عايز الصوت يطلع من قلبكو.. فكر فيها قلبها: أنا هنتصر عليكى يا مشكلتى بالحب والأمل والإحساس، وبدأت أصرخ بتلك

على عصب قصة الرجل اليمين، كان يبدو أنه شخصية مهمة لدره إن جدران القاعة كلها تحمل صورته، صورة له وهو يفكر، وصورة وهو يضحك وصورة وهو نائم على بطنه، وأخرى وهو واضع تحت ذقنه في لحظة تأمل، وأخيرا وهو حزين ينظر لتقطة غير موجودة وكأنه يعاتب العالم بأسى مفرط!

ظهوره على المسرح كان بنفس الشكل، شعره مهندم جدا والكرام الموف بتتطق على القميص الأبيض الناصع، بشرته لامعة، حامد ابتسامه سمجة لا تخفى طول الوقت كابتسامه الفنان حكيم وهو يغنى أغانيه الحزينة، إلى الآن لم يقل شيئا مفيدا ريبا أراد أن يلفظ الجمل ببعض الهزار ليكسر حاجز الثلج بيني وبينه وأظنه نجح في ذلك فتفاعل الناس حولي للدرجة أننى أشعر أنه الآن أصبح عشرة قديمة أو واحد من العيلة، ثم فجأة وبدون مقدمات عبس وارتسمت ملامح الجليدية على وجهه وقال بنبرة حازمة: كام واحد هنا ما بيشتغلش! نظرت حولي فوجدت أكثر من ثلاثة أرباع القاعة يرفعون أيديهم وهذا ما شجعتنى أن أرفع يدى على استحياء، ثم أكمل بنفس النبرة طب كام واحد هنا حاسس إنه مش هيقدر يكمل أحلامه!؟، فرفعت القاعة كلها أيديها وهذه المرة رفعت يدى بنصف جراءة، فأكمل دور أن يلتفت للأيدى المرفوعة: كام واحد هنا للماديات واقفة عقبه أدا أحلامه!؟ كام واحد هنا عشان مستواه المادى حقير حاسس إن


الكلمات مرات ومرات مع الناس، كل صرخة أعنف من الأخرى، حتى تملكنى ذلك الشعور أننى لدى قوة رهيبه أستطيع بها تكسير العالم ومش بالعنف.. لا بالحب والأمل والإحساس!

وخرجت من القاعة دلفت على أقرب محل ورد، دخلت على البائع وأنا مبهتج وقلته بكل الأله: من فضلك عايزك تعمل أحسن بوكيه ورد.. بوكيه ينطق كده ها؟ كان البائع لطيفا جدا، يستشيرنى فى كل وردة يضيفها للبوكيه.. إيه رأيك فى دى يا فندم..!! الروز مع الأصفر حبيقى تحفة.. بص مهطلك زهرة تيوليب فى نص البوكيه هتجنن.. صدقتى البوكيه ده هيكون نقطة تحول فى علاقتكو إنت والمزميل وهاتفصل فإكرنى بيه.. متنسوش بس فى الخطوبة.. ثم أطلق ضحكة خفيفة قابلتها أنا بملامح غير مهتمة، وبعد دقائق كان بالفعل الرجل صنع بوكيه رائعا بالفعل، استلمته ثم استنشقتة وانتعشت برائحته المبهجة، ثم سألته بعنظة غامضة المصدر: ما قلتش حسابك كام؟، فرد وهو باصص فى الأرض: يا فندم معقولة برضه ناخد فلوس.. ما تخليها علينا احنا بقى المرة دى.. دى كفاية دخلتك علينا والله.. يعنى اعتبرها هدية المحل للمزميل.. طيب مادام مصمم خمسين جنيه إن شاء الله، فأدخلت يدى لجيبى وأخرجتها سريعا وكرمشت الفلوس فى يديه ثم همست به: بص أنا معايا ٣٥ جنيه خد ٣٠ وسبلى خمسه.. سبهال بالحب والأمل والإحساس، ولا أعرف لماذا تسمر الرجل فى

مكانه وتحول اللطف والحنان الذى كان يشع من عينيه لشرار وهو ينظر لى فى لحظات صمت مخيفة، ثم استدار فجأة وحمل مقصا كبيرا يقص به الورد، وفى ثوانى مرق القميص الذى ارتديه ونزعه من على جلدى وهو يصرخ: هاتلى بقى القميص ده تذكارة لليوم اللي شفت فيه خلقة أمك على الصبح، ثم أكمل بكل شر: شايف قصرية الزرع دى.. شايفها؟ فرددت بصوت مرتمش آه، فصرخ: قسا عظما لو عديت من المنطقة دى كلها تانى لالسهاك فى دماغك واخلى العيال تجرى وراك تقول أبو قصرية اهه. يلا ياض انزاح ياض.. أشكال وسخة ع الصبح!

أخذت نفسا عميقا وقررت فى نفسى ألا أضعف وألا أنحنى ولا أنكسر بهذه السرعة أنا سأحقق هدفى مهما حصل، ولن أترك أى عوائق تحيدنى عن طريقى والحب والأمل والإحساس، استقلت أول تاكسى أتى بالقرب منى وركبت معه واستعدت البهجة وملأت بالحاس روحى من جديد، اطلع بينا على المعادى يا اسطى، كان السائق رجلا لم أر مثل ابتمامه أبدا، تشعر أنها جزء من تضاريس وجهه، على صوت عبد الحلیم وهو يصرخ من الكاسيت «يا ما رمانا الهوا ونعسنا والى شبكتنا يخلصنا.. دا حبيبي شغل بالى.. يا يا يا شاغل بالى..» كنا نرقص وننحن على الأسفلت، بل طرنا فى الهوا عندما صرخ «طوحنا طوحنا.. طوحنا يا هوا.. وأمانة وأمانة

ما يوم يا هوا يا هوا ما تجرحنا، كان رجلا مسخرة.. ظللنا نضحك وتبادل القفشات والنكات حتى وصلنا أخيرا للمكان المراد.. بس يا اسطى الله يباركك عند العمارة دي، كم كنت أتمنى أن يقف بى الزمن وأن يطول المشوار أكثر من ذلك حتى أفضى أكثر وقت ممكن مع هذا الإنسان السكره، وقف فعلا السائق وقد شعرت حقا أن بينى وبينه ليس مجرد توصيلة بل عشرة عمر.. لو ليه أخت كنت خطبتها، حسابك كام يا اسطى، فرد بنفس الابتسامه لا والله خلاص اعتبره وصل.. احنا كفاية علينا نوصل ناس زى العسل كده ننسى بيهم الدنيا وما فيها.. إذا كنت مصمم معنى إنت وتقديرك.. اللي انت عايز تدفعه ادفعه يا بيه انا مش هقولك حاجة، ياااه آخر جملة أشعرتنى بالقشعريرة من حلاوتها وسربت الاطمئنان لقلبي.. ياريت كل الناس زيك كده يا حاج، أخرجت له الخمسة جنبه وناولتها له، فتناولها ثم استعد لأخذ ما بعدها ولكن يبدو أننى خيبت ظنه، فقال وهو يتصنع الابتسامه: أبوه ناقص كده عشرة جنبه حضرتك.. فقلت له وانا مبتسم: لا مهى دى اللي معايا وانا عارف انك هترضا.. ومش عاقيه.. لا بالحب والأمل والإحساس، وفجأة أغلق السائق أبواب التاكسى ثم فتح شباكه وبعص على الأرض واختفت الابتسامه تماما من على وجهه وأخرج مطوأة من التابلوه وأشهرها فى وجهى وصرخ: هو انت بروح امك مش أد ركوب التاكسى بتركب أمه ليه..!؟ كان حرف المطوأة بمحاذاة عروق رقبتي فلم أستطع الكلام.. لسه بقوله يا



اسطى مش كده بالحب وال... فصرخ: حب إيه ياض انت راكب مع تامر حسنى.. تصدق أنا هرسملك قلبين على وشك بالمطوة تفضل فاكرنى بيهم.. وعلى غفله قام بجرح خدى بالمطوأة فى أقل من ثانیه، وما إن وضعت يدى على خدى اتبين الجرح، حتى دفعنى بكلتا يديه فى صدرى واقتلع خذائى من قدمى وهو يطرط: هاتنى دى.. اعملها شيشب حمام اتوضا بيها ثم فتح باب التاكسى وركننى بقدمه فوقعت على الطريق كمعتقل سياسى انتهوا توهم من التحقيق معه فى معتقل الواحات والقوه بالكيلو ٤٧ من الطريق الصحراوي!

كدت أياس، ولكن كلمات الراجل البرنس تردد فى أذنى.. تخننى على ألا أنهمز.. ألا أستسلم.. أن أوصل مسيرتى نحو أهدافى بالحب والأمل والإحساس، وصلت مؤخرا لبيت حبيبتي، فتح لى أبوها.. صدم فى البداية من منظرى ونظر لى باستغراب كونه وجد شخصا عريان من فوق وحافى ويحمل بوكيه ورد لم يعد بوكيها ولم يعد به ورد، لكنى لاحقته بكل ثقة: مساء الخير يا عمى.. هى يمنى مكلمتش حضرتك عنى! لم ينطق لثنائى ثم قال لى باستحقال: تصدق بالله لولا إنك قتلتنى يمنى أنا كنت افكرتك ابن البواب، فقلت له بكل برود والضحكة تملأ وجهى: ولا يهيمك يا عمو أنا بس لسه راجع حالا من الساحل وجيت هنا على طول عشان أكسب وقت، شاور لى على مضض أن أدخل.. ومازال يتمحصنى بنظراته المليئة بالقرف

والاشمئزاز منى، جلست واضعا رجل على رجل وراسى مرفوعة وعيني تنظر له بلا مبالاة قائلا له: بص يا عمو أنا هخش في الموضوع وأنا سخن كده على طول.. بصراحة أنا وبنى ماشيين مع بعض بقالنا تلت سنين وأنا شايف إنه خلاص بقى لازم ادخل البيت من باب، فرد بنبرة خشنة خالية من الشعور: لأ ما شاء الله محترم.. مكتبتوش ورتقين عرفى بالمرة! فرددت وأنا أشطف آخر بق من عصير التفاح المثلج الموضوع أمامى: بصراحة هى دى كانت هتبقى الخطوة الجاية لو الزيارة دى مجبتش نتيجة، فنظر لى الرجل لثنائى فى صمت ثم قال: ألا قولى صحيح هو انت شفت العمارة وانت طالع.. شفت المنطقة.. شايف الشقة دى.. شايف الديكور والتحف اللي حواليك.. عارف إن معنى أوضتها ستة فى ستة.. نتعرف تعيشها كده؟! نتعرف تعملها حمام فى أوضتها زى ما انا عاملها؟، فانجصت فى قعدتى أكثر وأنا أكل أربع شيكولاتات من علبة صغيرة بجانبى وأنا بقوله بصعوبة: يا عمو احنا مدام بنحب بعض خلاص.. وإذا كان على الحمام ممكن أعملها مبولة كده جنب الدولاب مش مشكلة يعنى.. دى كلها شكليات والله.. بص من الآخر أنا عارف أنا جاي لمن وبننت مين مش عايزك تقلق خالص من الموضوع ده.. أنا مقدر حضرتك جدا وانت كيان لازم تقدرنى.. فابتسم الرجل وانشرح قلبه وتسررت علامات الاطمئنان للملاحة وهو يقول: لا مادام جبت سيرة التقدير اسمعك.. فملأت فمى بنصف كوبايه عصير برتقال كانت موضوعة

أمامه وانا بقوله: بص يا عمو أنا بعون الله جايلك وفى إيدى تلت حاجات.. فابتسم وهو يخمن قائلا: أكيد أراضى وأملاك وفلوس، قتلته لا جايلك بحاجات أكبر من كده بكتيبير.. جايلك بالحب والأمل والإحساس، وفجأة صرخ الرجل الوقور صرخة مدوية منتفضا من مكانه وخلع قميص بيجامته، ثم نكش شعره وأطلق صرخة أخرى اهتز لها المكان، ثم ظل يجرى بطول الصالة ولاحقنى فجأة بدروب كيك ثم يوم سلام و٢ سوليكيس و٤ مقصات طائرة فى الهواء متتالية قبل أن يعد عليا ٣ عدات لمس أكتاف ويعلن فوزه بينظولنى الذى أصر على أخذه للذكرى، ومن ساعتها أخذت درس عمرى.. إن بالحب والأمل والإحساس هترجع بيتكو باللباس!

ولان علم التنمية البشرية قائم على الخيال، فانا قررت اتبنى نوعا آخر من التنمية البشرية مبنى على الواقع، وأسست نظرية أطلقت عليها «نظرية الضمير الكامن اللامتهى المنبعث من نواياك الداخلية الناقض لسلوكك»، ودى أول نظرية بتوريك الفرق بين لغتك ولغة ضميرك:



|| خمس دقائق ونازلة.

- قدامى ساعة عقبال ما أظم لون الإشارب على لون رباط الشوز.

* أنا بجيب هدمي كلها من سيتي ستارز.

- من التوحيد والنور ولو فيه سيل كمان.

* لا أنا مش زعلان والله وهزعل ليه يعني.

- أنا هطق من جنباي بس.

* أنا اتقدملي طيار وظابط ومهندس في الإمارات.

- منجد وسواق واسطى تركيب دشات.

* أنا عمري ما اتكلمت على حد وهو مش موجود.

- أنا بسلخ في فروتهم بس.

* براحتك.

- اعمل اللي انت عايزه بس حكرهك في نفسك بعد كده.

* يلا تعالى الأكل جاهز.

- تعالى افرش وانتقل الأطباق وانتقل الأكل واغسل المعالق وهات.

ميه وصحي بابا عشان ياكل.

* عمرك شكيتي لحظة واحدة في إخلاصي ليكي؟!!

- شكك في محله.

* أيوه يا ماما أنا جاية.

- يحرق سارة واليوم اللي فكرتني تحببي فيه سارة يا شيخة.

* متزعلش.. أنا كل أصحابي زعلانين مني عشان مابسألش.

- محدش معبرني، أنا بتصل ببيك عشان عايزك في مصلحة بس محرج!

* وحشتي.

- فيه حد باعني بعد ما سيبتك وعايظة ارجعلك.

* على فكرة إنتي تستاهلي حد أحسن مني مليون مرة.

- غوري في داهية يلعن أبو شكلك.

* أنا حاسس كده إننا نعرف بعض من زمان.

- شكلك عبيظة زي اللي قبلك و هتصدقني.

* أوعى تفتكر إني زعلان على الموبايل إنه ضاع.. أنا بس زعلان على الأرقام اللي راحت.

- شقي عمرررررررررررررررررررري.



* لا أبدا محتاج بس اقعد مع نفسي شوية.

- تعالي اقعد جنبي واتحاييل عليا عشان أفضفض لحد ما تندم إنك سألتني مالك.

* ماما صاحبتي وباحكيلها كل حاجة.

- بأمانة إنها متعرفش إني معاك دلوقتي.

حكايات
إنسانية جداً



يوم عطلة، وفي الطريق أعجب بتماثيل وتحف يبيعها بائع متجول على ناصية الشارع، وقف صديقي يتأمل إحدى التماثيل التي اعجبته ثم امسكها بيده يتحسس خامتها ثم سأل البائع المعجوز عن سعرها، فجاوبه البائع ان سعرها ١٥ دولار، وبسرعة وضع صديقي يده بجيبه وأخرج ما معه من نقود ودقق فيهم، ثم بكل بساطة وضع التمثال مكانه وهو يتأسف للبائع بعدم تمكنه من شرائه لان كل ما معه هو ١٤ دولارا لا غير، فرد عليه البائع سريعا: إذن يا عزيزي اعطني ١٣ دولارا فقط وتفضل التمثال، فنظر له صديقي نظرة عدم فهم، فأكمل البائع: لن اسمح لنفسي ان أخذ آخر دولارا معلقا!

انتهى صديقي من حكايته مبتسما، اما أنا وصديقي الاخر فكنا مذهولين من انسانية هذا البائع المفرطة، فأراد صديقي الاخر ان يدخل التحدي وسحب نفسا عميقا من الشيشة وبدأ يمضغ عن يوم لا ينساه في دبي، كان الجو شديد الهدوء كعادة الرابعة فجرا، حتى وجد من يطرق باب منزله بالبحر، اصابه التوتر والغزع، فقام يستطلع ماذا يجري فوجد جاره يستغيث به، ولأن صديقي طبيب ظن ان زوجة الجار ربما تعرضت لوعكة صحية في ذلك التوقيت خاصة عندما رآها منهارة في البكاء، ولكن المفاجأة ان كل ما في الامر ان قطعة الجار اثناء هوها بالبلكونة وقعت وتعلقت وانحشرت بين البلكونتين، حاول صديقي ان يسحبها من عنده ففشل، فقررنا سريعا الاتصال

أخيرا جلسنا نحن الثلاثة بعد غياب طويل، أنا وصديقي العائد من امريكا وصديقي الاخر الذي يقضى إجازته بمصر ثم يطير لدي مرة اخرى.

كان المقهى حزينا بما يكفي لتستقر سحابة الكآبة فوق رؤوسنا وكل منا يمضغ عن الإنسانية التي تدهورت والضمير الذي يلفظ أنفاسه الأخيرة بمستشفى دار الفؤاد، وقبل أن تمطر السحابة نكد، طلبت منهم أن نظن لنصف الكوب المليان ونعترف انه كما يوجد الشر يوجد الخير، ولكي أثبت ان الدنيا لسه بخير طلبت منهم أن يمضغ كل منا موقف إنساني لا ينساه أبدا.

تذوق صديقي الأول قطعة موز مدفوسة بكوب السحلب الساخن ثم حكى انه كان يسير ذات يوم بإحدى شوارع نيويورك عائدا لمنزله

بالشرطة التي أتت في خلال دقائق مرفقة بعربة مطافي وقد بذلوا كل جهدهم في محاولة إنقاذ القطة دون تعرضها لسوء، وأنقذوها فعلا وسط فرحة وتهلل الحاضرين وأسرعت الجارة في احتضان قبتها وهي شبه منهارة نفسيا والزوج بدوره يحتضن زوجته ويشكر رجال الشرطة على مجهودهم، وفي الصباح وجد علبة شيكولاته امام باب المنزل وعليها كارت يتأسف له جاره عما سببه له من إزعاج وتعب ليلة أمس ويشكره على مجهوده ومساندته ويعبر له عن عميق محبته.

انتهت قصة صديقي المؤثرة، وبدأت الأنظار تحاصرني بها إنه حان دوري في حكاية قصتي فشفت اخر ما في كوب الشاي وبدأت احكي:

في يوم ما من أيام ديسمبر، كانت الأمطار قد قضت على شوارع القاهرة، كنت أجري مع الناس تحت سقف محطة المترو هروبا من الغرق، وعندما وصلت لشباك التذاكر كان هناك العشرات يصطفون منتظرين دورهم، هذا هو العادي، ولكن المشكلة انه لم يكن هناك شباك تذاكر أصلا، اختفى الموظفون جميعا في تلك المحطة في ظروف غامضة، المحصلون والمعاملون وحتى أفراد الأمن، لم يكن هناك الا نحن، ساد الهرج بين الناس.. كيف سيتصرفون في تلك الازمة، وهنا اخرج أحدهم كرتونة صغيرة من حقيبته وقد أفرغ كل ما بها بالحقيبه، ووضعها على ماكينة المرور طالبا أن يضع كل من يمر جنيتها في تلك

الكرتونة ثمن التذكرة، فإن لم يكن يرانا الأمن فيكفى ان الله يرانا، كانت نبرة الصدق الذي يحمله صوت هذا الرجل لها عظيم الأثر في قلوب كل هؤلاء، فتطوع أول شخص وقد اخرج جنيتها ووضعها في الكرتونة ومضى وعلى وجهه علامات السعادة لأنه يرضى ضميره لا أحد غيره، وفعلها الثاني والثالث حتى أصبح الطابور متكدسا بالبشر، كل منهم يمر ويضع جنيتها في الكرتونة ثم ينظر للبقية بفخر كأنه عبر خط بارليف دون اصابات، رأيت رجل فقير ربما لا يحمل اكثر من ثمن التذكرة لكنه اصر على وضع الجنيه بكل عزة نفس وكانه يستعيد كرامته التي فقدت، رأيت رجلا في عينيه التردد ولكنه على اخر لحظة وضع جنيتها بيد طفله ليضعه بالكرتونة ليعلمه معنى الأمانة التي ربما لم يجد من يعلمها له، رأيت امرأة غريبة وضعت جنيتها وعندما نبهها الناس لزيادة اجرتها قالت بأنها مرت امس دون تذكرة واليوم الحساب يجمع!

انتهيت من القصة لأجد عيون أصدقائي وقد امتلأت بالدموع وقد احتبس فيهم هذا الكم من المشاعر الإنسانية الذي لمسوه في قلوب كل هؤلاء الطيبين، فاتكسفت أن أحكي لهم ما حدث بالنهاية وهو ان صاحب الكرتونة جه في الآخر سرقها بالفلوس الى فيها كلها وجري!

- ليه بر او الشاي
اسمه بر او مع انه
بيسخن المية؟

- فين ال ٣٦
واحد اللي
يشبهوني؟

ليه كل حاجة ضايعة
بلاقيها واحنا بندور هلى
حاجة تانية ضايعة؟

هو احمد شوبير
بيسرح شعره
لقدام ولا لورا؟

نزهة هلى زهنا... ولا
هلى زهال اللي ينصهم،
ولا هلى زهال المتصممين
انا نزهة هلى زهالهم؟

المسابك
٢٩ فين؟

انا ليه بافتكر كل حاجة
انساه وانسى كل اللي
هاينر افتكره؟

ليه الناس نشر ب
قهوه تفوق
وانا اشرب قهوة انام

لو رفعت مسدس فى
بطريق وقتله اركح
ركبك لهي عمل ايه؟

- انا ليه يقع فى كل المشاكل
اللى بتجنبها ويقول كل الكلام
اللى مش هاينر اتوله؟

ليه بكسر فى
الاشراج وبمسك
من الضنك
الايه فى العزا

ايه الاساتون وه
.. اللي ماشي
يتوك وه؟

سين
ميحبش
فاطمة؟

لماذا كرهت الدكاترة؟!!



الدكتور اهتماما فقد كان يهيم بفتح حقيقته بهدوء، وأعيننا جميعا خائفة متعلقة به مترقبة ماذا أتى لنا بابا نويل، حتى أخرج في هدوء سرنجة ومحلولاً، وبدأ في ملء السرنجة بالمحلول وهنا ظهرت على ملامح المدرس سعادة بالغة بما سيحدث وشهامة لا تأتي إلا من واحد ابن حرام لا يصون العشرة! وقد شعر وقتها أنه لا بد أن يظهر أمام الدكتور بصورة الوحش المسيطر على كتابته، فأمسك العصا بحزم وأعلن أن يبدأ الدور في التطعيم من أول طالب في الديسك الأول حتى الطالب الأخير في الديسك الأخير، فنسجت نفسى بهدوء وجلست في آخر ديסק، ولا تسألني لماذا دائماً نقرر تأجيل الوجع لأخر لحظة مع أنه حتماً سيصيبنا؟! وبدأت من مكاني أراقب ماذا سيحدث لأول ضحية، خرج أول ولد من ديסקه ضعيفاً مرتعشاً أمام تلك المؤامرة الكونية التي دبرت له فجأة، ثم التفت لنا ودار بعينه علينا يستغيث بنا فوجد في أعيننا كل الغدر والخسة والخيانة، حتى شاور له الدكتور بيده ناحية خلف باب الفصل وقال له بصوت خشن: روح ورا الباب واقلع البنطلون.. إيه يقلع البنطلون؟! هنا وقعت رأسي بين يدي المتشابكتين على الديسك كطفل سقط من يد خدامة باكستانية من برج ١٤ دورا بالكويت .. يا ترى إيه اللي بيحصل ورا الباب.. هو الراجل ده هيشوف.. هيشوف.. هيشوفنا يعني من غير شورت عادي! طب إزاي؟! هي سايبه.. والله لا قول لبابا، وبدأ كل تفكيرى حول الحقنة يتبدد وأصبح الرعب الأكبر

(١)

بطل أول فيلم رعب في حياتي كان دكتوراً، كنت أجلس هادئاً مستكيناً في صفى الرابع الابتدائي حتى أتى على غفلة ذلك الرجل ذو الملامح الحادة التي جاءت تعلن عن قيام الحرب، علامات الجدبية على وجهه والصرامة على هيئته والبالطو الأبيض الناصع ونظراته المخيفة من أسفل نظارته السميكة وحقيقته الغامضة، تكون لك مشهداً سينمائياً مأساوياً مرعباً من قبل ما يحصل أى حاجة! كانت طلته خفيفة مفزعة لا تدل أبداً أنه رسول الرحمة الذى جاء لنا بحقنة التطعيم لكى يمنع عنا الأمراض، بل دراكولا الذى يهبط من السماء ليمص دمنا، والأغرب كان في رد فعل المدرس الذى كانت هى حصته في الأساس، فقد كان ترحيبه بالدكتور عبارة عن شيمتنا وتمزيقنا وقسمه بأغلط الإيمان أننا شوية حيوانات لا نستحق شرف التطعيم، وأنه لو كان بيده لسحقنا سحقاً تحت قضبان القطارات ومفارم اللحم! ولم يباله

إزاي الراجل هايشوفنى بلبوص كده؟! وبدأ الطابور يسير بشكل عادى جدا ويبدو لى الآن جيدا أن زملائى تألموا تحت حكم الأمر الواقع، يخرج التلميذ ببطء شديد نحو الباب يخلع بنطاله فى سكوت ثم نسمع صرخته المكتومة، ثم يعود للديسك صامتا عاجزا مطأطا الرأس مكسورا للأبد، وبدأ العد التنازلى للدورى حتى أتى دورى فعلا، شاورى لى ذلك الوغد بعصاه ناحية الباب فأغمضت عينى وأخذت نفسا طويلا ونظرت لمن سبقونى على مكاتبهم ما بين شهيد وجريح وآخر يمسل مؤخرته الموجهة لاعنا كل الظروف التى أتت به إلى هنا، استذكرت فى نفسى كل مواقف الشجاعة التى أقدمت عليها فى حياتى وتذكرت أن العمر واحد والرب واحد وقمت دون مقاومة أو مفاوضات.. بخطوات بطيئة وواقفة.. أرى العيون كلها الآن تحاصرني، كأنى أخطو على «السجادة الحمراء» استلم الأوسكار وهم ينتظمون حولى فى صفيين.. أحدهم يهتف: عمر الشقى بقى، فأشاور له بعلامة النصر مبسطة، وآخر يواسينى: شد حيلك، فأرسل له قبلة فى الهواء، وآخر يضحك شماتان: تعيش وتأخذ غيرها.. آه يا ابن الجزمة استنى لما أرجعلك، حتى كان بينى وبين الدكتور متر أو أكثر قليلا فابتسم لى الدكتور ابتسامة بلا معنى، وهو ينظر لى من خلف نظارته فى الوقت الذى كان قد حضر فيه الحقنة، مشيت بخطوات أبطأ نحو باب الفصل النصف مردود وأسرع أصوات خطوات أقدامه تسير خلفى ولا أعرف لماذا طغى عليا شعور «سعاد حسنى» فى فيلم



«الكرنك»، عندما هجم عليها «فرج» فجأة! وبكل كبرياء خلعت البنطلون ووقفت بكل شموخ وأنا مغمض العينين أسرح بخيالى فى أشياء بعيدة حتى لا أركز فى جريمة الشرف التى تحدث لى الآن!! حتى اخترقت الحقنة جلدنى فصرخت صرخة عبد يتلقى الجلدة رقم ٦٤ على ظهره، وأفرجت عن دمعين محبوستين ورفعت البنطلون ولدى شعور امرأة أخذ منها زوجها حقوقه الشرعية بالعافية، لدرجة أننى كدت أن التفت للدكتور وأقول له بنفس منكسرة: خلاص خلصت.. خدت اللي أنت عايزه يامدحت!!

ولا أعلم لماذا ظللت أحتفظ بصورة هذا الدكتور لفترة كبيرة فى وعى، كوني كنت أنتظر أن أقابله صدفة فى مكان وأنقم لنفسى، وأقلعه البنطلون فى الشارع واتفرج عليه عشان نبقى خالصين..! أما أنا الآن فقد أصبحت شحطا ومازال عندى فوبيا الحقن.. أخذ الدوا كهربيا بس بلاش حقن، رغم أن وجع الحقنة الآن أصبح ساذجا ولكنه مازال مرتبطا بوجعنا واحنا صغيرين، وأظن أن الوجع الأساسى للحقن جاء من مقولة غبية لدكتور أغبى حاول أن يطمئن مريضا متخلفا ففرعه أكثر عندما قال له: «ماتحفش.. الحقنة مابتوجعش دى زى شكة الدبوس» على فكرة شكة الدبوس بتوجع برضه مابتزغزغش والله!

يستطيع أن يقرأ شفرة روشتات الدكاترة ويفهمها، وأصبحت الناس تتعامل معه كساحر فك الأعمار وهذه وظيفة أهم وأعظم بكثير من كونه دكتوراً، أما أنا على الطرف الآخر فمخصص ذو مناعة ضعيفة أمراض كثيرة وأؤخر أخذ الدواء لآخر لحظة حتى يفتك بى المرض! ولا تسألنى لماذا نقرر دائماً تأجيل الوجود مع أنه حتى سيصيننا؟!

أدخل أنا بشخصى النافه على الصيبل وهو دائماً فى وضع الراهب، جالسا فى صمت يتأمل ما آكل به الأمر الواقع إليه والبؤس الذى يعيشه حتى أصرخ فيه بفرحة: مساء الخير يا دوكتور، فيهب واقفا منسكحا برسيتجه الذى قدرته له، فألاحقه: كنت عايز الدوا اللي خدته منك المرة اللي فاتت، فيسألنى وقد اختفت من وجهه ملامح البؤس وحلت مكانها ابتسامة وقورة: آه اسمه إيه الدوا؟ ف أرد بوقاحة: لا مش فاكر بصراحة، فتختفى فجأة نصف ابتسامة ويسكت لثانيتين يغمض فيها عينيه ليقاوم صراعا داخليا لديه بأن ينهال على وجهه بالكفوف، ثم يشق هدمه ثم يكب على نفسه سبعة لترات من الجاز ويولع فى نفسه ثم يلقى بنفسه فى النيل، ولكنه يقاوم ويفتح عينيه ويسألنى: طب خدته امتى فكرنى؟!، فأرد بنفس الوقاحة: يعنى من أربع شهور كده!، فتتكش ملامحه وينظر للأرض.. يمر فى خياله فيلم سريع عن أحداث حياته.. صورته وهو ثائم والكتاب فى حضنه فى الثانوية.. عندما أغمى عليه لما علم

دمعت عيناى الآن وأنا أتذكره، الصيبل، تعريف الصيبل: هو بنى آدم زينا كده قضى سنوات الثانوية العامة فى الدح وأمامه هرم من سندوتشات الجبنة بالأوطة وكبايات الشاى بلبن، مقاطعا للتزيغ من الدروس والتليفزيون، وكان محبوبا من المدرسين مكروها من زملائه، يتاديه الجميع بالدكتور ويوعده أبوه دائما بموبايل جديد إذا دخل الطب وجعله يتفشخر أن ابنه دكتور، ولأنه نسى يسطر ورقة الامتحان فرقت معاه على نص درجة إنه مايدخلش طب بشرى يعالج البنى آدمين، وفى نفس الوقت تقحت عليه كرامته ورفض أن يضع ما تبقى من عمره فى بيطرى يولد البقر ويقس الضغط للمعيز ويدلك الكلاب ببودرة هو النيل.. فقرر أن يدخل صيدلة وهو يكرهها، ولكنه آمن وقتها بمبدأ أن يدخلها والحب هاييجى بعد الجواز وعلى الأقل حيفضل اسمه دكتور بيتعامل مع البنى آدمين!

ظل هذا الطالب ذو الحظ السيئ خمس سنوات يدرس كل المواد التى اخترعها ناس فى أغلب الظن ماتوا منتحرين، حتى تخرج مؤخرا ووقف فى صيدلية ليناديه الناس بـ «يا معلم.. يا شيخ.. يا برونس.. يا فنان..» المهم أى حاجة غير دكتور.. اللقب الذى طالما انتفخ عشان ينوله، فالناس لا تنتظر للصيبل إلا كونه مجرد بياح، ولكن مع الوقت استمات الصيبل وجاهد وأجر الناس على احترامه كونه الوحيد الذى

أقولها وبكل بضمير متراح.. دكتور الأسنان هو رئيس عصابة متخفى في الباطو الأبيض، أستحمل وجع الأسنان بقدر ما أستطيع لكى أوجل مشواره، ولا تسأل لماذا نوجل الوجع لآخر لحظة مع إنه حتما سيصينينا؟! فبمجرد جلوسك في تلك العيادة السخيفة المليئة بالمجلات القديمة وحوض السمك العتيق وكراسى الانتظار الموترة للأعصاب، تشعر تماما أنك بغرفة انتظار حكم الإعدام، أول منادات على اسمى تلك الممرضة المتبلدة المشاعر بصوتها الرجولى للدخول، كان المتبعثرون حوى على كراسى الانتظار يجسدوننى، لأئننى في بداية الكشف مع إنى حرفيا «أقدم رجل وأؤخر رجل»، أول ما خطت قدماى العيادة هاجمتنى رائحة الغرفة المكتومة المتطابقة بروائح المستشفيات، فقبضت قلبى وشنجت أعصابى، كان الدكتور يجلس على كرسى بجوار الشيزلونج في إضاءة خافتة مريبة، لم يظهر من وجهه سوى نظرات حادة من عينيه المخيفتين، وقد أكمل غموضه بكرامته التى تخفى نصف وجهه كحرامى يسرق موبايلات الناس من على آذانهم وهو يطير بموتوسيكله باحتراف، حاولت أن أتخفى وراء رعبى من ذلك البلطجى بابتساماة لطيفة ولكنه بادلنى بإياه بتبريقه وكأنه يقول: احنا نهز مع بعض ولا إيه؟! شاور لى بالدخول، فدخلت وحاولت أن أقول له مساء الخير كجملة لطيفة تزيح

نتيجة التنسيق.. أول تجربة انفجرت في وجهه في المعمل.. سهراته مع الفئران والضفادع.. اليوم البائس الذى عمل فيه بصيدلية تحمل اسمها لدكتور آخر.. آخر ثلاثة زبائن طردهم قبلى على التوالى وقد سألوا بالترتيب عن ورنيش ومشابك وكيس شيبسى عائل! فأنظر للملأمة وأشعر تجاهه بالشفقة وأصرخ: أه آه افكرت.. هو اسمه كان فيه حرف سين وكاف.. سكفوريا.. فسكوريا.. فركوسيا..! ونستمر أنا والصيدلى نلعب لعبة الكلمات المتقاطعة إلى أن نكتشف في النهاية أن اسمه اترامبول.. اللي هو بعيد خالص عن اللي أنا بقوله، بعدها بهم هو بالبحث نصف ساعة عن مكانه حتى يجده فأصرخ مبتهجا: الحمد لله إنه موجود.. أنا كنت بطمن بس عليه.. أنا جايلك عشان دوا تانى خالص بس ده سهل بقى وأنا عارفه كويس.. وهنا تصعب على الصيدلى نفسه وتقرب الكاميرا كلوز على عينيه والدموع تتجمع بها على خلفية موسيقى مسلسل «لن أعيش في جلباب أبى»، ثم يفتح أحضانه بوسعها ليعانقنى بشدة ويمر بيده على شعرى في لحظة حميمة هزت مشاعرنا بقوة، ويسألنى وصوته مكتوم من الفرحة: اسمه إيه الدوا؟! فأرد بنفس الصوت المكتوم: لا أنا عارفه بس مش لدرجة إننى أفكر اسمه بس هو شبه حباية الفاصوليا كده!



انطباعي البشع المسبق عن دكاترة الأسنان، ولكنه أراد أن يعزز ذلك الانطباع بإشارته لي أن اجلس على الشيزلونج في صمت وهو من داخله يقول: أخرس!، ذهبت للشيزلونج بخطوات ثقيلة منكسر العزيمة مسلوب الإرادة مستسلما للقدر ونمت على الشيزلونج وبدون مقدمات فتح في وجهي أربعة كشافات بإضاءة عالية أشبه بطرق تحقيق الشرطة مع الجواسيس، طلب مني بكل تسلط أن أفتح فمي على آخره، بعدها اقترب مني ونظر بعمق وصرخ: إنت بتغسل سنانك!، فجأويت: اااااااا، فصرخ: بتقول إيه يا ابني، فجأويت: اااااااااااااا، فشخط: بيني انطق، حتى صرخت: يا دوكرت حضرتك إيدك في بقي أتكلم إزاي..؟! ويعدين لو بغسلها كان إيه اللي هايرمني الرمية السوداء أساسا! فصمت ونظر لي نظرة يتطأير منها الشر ثم مد يده في صندوق تحت الشيزلونج، أدركت لحظتها أنه حتا سيعاقبني على عدم غسيل أسناني بسبع رصاصات متتالية من كلاشكوف روسي بمتصف رأسي، أو بأقل تقليد سيفاجثني بضربة سيف يفصل فيها رقبتي عن جسدي، وقد اتخذت وضع استعداد الدفاع وأمنت أن الخروج من هذه العيادة سيكون للأقوى! ولكنه فجأة فاجأني بشاكوش صغير وقال بحزم: بص وجع الأسنان بيتنح على بعضه، عشان كده احنا لازم نتأكد أنهى ضرر بالطبيب اللي بيوجعك، ولم أستوعب ما قاله حتى زرعتني على خوانة على أحد ضروسي وسألني بتحفز: ها وجعتك؟!، قتلته وأنا أكاد أبكي من

الوجع: أهو كده طبعاً وجعتني!، وبعد ما أخذ لفة محترمة بالشاكوش على ضروسي، هز راسه وقال بثقة زائدة: أنا خلاص عرفت فين المشكلة.. بص يا ابني احنا لازم نموت العصب!، فصرخت: نعم.. بتقول إيه؟! وقعت عليا الصدمة كصدمة واحدة حامل ومخلقة تسع عيال بيصرخوا من الجوع وعرفت إن جوزها أهوز عليها! تقتل العصب!.. نقلته!.. دا انت لسه بتستكشف الوجع ودمرتني.. تقولي تقتل العصب.. مايفعش نسمه طبيب!، وكنت تقريبا بكلم نفسي لأنه في ثواني قد أحضر الشنيور الصغير في يده و.. إززرزرزرزر.. لا لا والنبي الشنيور لا يا دوكرت لا أرجوك.. إززرزرزرزرزرزرزرزر.. ده أنا أخوك في الإنسانية يا أخي إززرزرزرزر.. هي وصلت بينا نلعب بالشنيور في بق بعض إززرزرزرزر.. هوانت ملكش إخوان عيائين يا أخي إززرزرزر، حتى ضربت يده بالشلوط فطار الشنيور ومسكته من البالط وبدأت المعركة! والناس برة في العيادة ترتجف من أصوات الصرخ والتكسير والترزيع.. إلى أن خرجت لهم والدم يشيل من فمي ولم أسمع إلا عياط وصويت وناس يترمي نفسها من الشبايك و عيل أمه سابته قاعد معايا لحد دلوقت!

كنت تسألني لماذا نؤجل الوجع دانا؟!.. أتمنى تكون عرفت!

المریخ
یا سٹی؟!



هل لديك الشجاعة لتختلف معي وتعارضني في أن كل شيء في حياتنا أصبح مصدرا للملل، وأولهم كل هؤلاء الناس الذين أصبح الهروب منهم راحة وعزلتهم سعادة!؟

الناس فعلا أصبحت كائنات لا تطاق، تجلس مع أحدهم لكي يكون حافظا للانسباط فيكون حافظا للنكد والقرف والعكنة ويدخل عليك الملل أكثر!، الأخبار هي هي لا تتغير.. في الصباح أتمس لقراءة الجرائد، بما إنني فاضى وف نفس الوقت باكرتها بسرعة عشان ببقى مستعجل، الأغاني كلها أصبحت نسخة واحدة بنفس الرتم، أسمع أول كويليه أخن الي بعده.. بغنى المطرب: ده انا والله يا ناس.. فأقول في سري: عايش بالإحساس، ده انا طول الليالي.. فأكمل بقية الأغنية: وانت على بالي.. بحبك يا غالي.. عمى وعم عيالي، أفتح التلفزيون هي هي نفس المسرحيات والأفلام، لدرجة إننا أصبحنا نتسابق في تسميع مشاهدها وإيفيهاها، أقلب على المصارعة فأصطدم بمصارع عصبي يمسك زميله وبدون مقدمات يلاعبه باللكمات في بطنه ثم بالشلاطية في صدره، ثم يدغدغ رأسه في الحديد على زوايا الحلبة، ثم يحشر رقبته بين ضلوع كرسى حديدي وينط عليها بكل قوته من أعلى

الحلبة، ثم يمسكه يقذفه من سلم طوله تسعة أمتار على الأرض، وفي النهاية يقوم الي كان بيتضرب ده يعجن التانى ويتقمم لأ ويكسب.. إحنا هتهزرو..!؟ ده أنا بتزحلق ف الحمام بريح في السرير أسبوعين!

أقلب على برنامج حوارى فنى يستضيف ممثلة صاعدة تشيد المذيعه بآخر أدوارها في فيلم «المتعة للجميع»، الذى كتب تحته كعبارة فرعية مشوقة «دخل اللص على الزوجة العارية لسرقها.. فشاهد ماذا حدث»، وتساءل المذيعه الفنانة الشابة عن مفاجأتها السعيدة لجمهورها بظهور حسنة جديدة ظهرت فوق ركبها الشمال بعشرة سنتي.. فتضحك الممثلة ضحكة رقيقة مجلجلة، ثم تضع رجل على رجل وتصطنع الوقار والعمق وهي تقول: بصى أنا عمري ما قبلت أطلع بلبوصة إلا في سياق الدراما، يعنى عندك مثلا الفيلم ده.. الحرامى دخل يسرق لقانى نايمه بقميص نوم بمبى قصير مفتوح من كل حته.. هايسرق ويسينى!؟ أكيد لا كان لازم ينساق ورا رغباته.. فتسألها المذيعه: بس الناس معرفتش ليه جارك كمان عمل معاكى علاقة غير شرعية.. فتخبرها الممثلة بثقة ماهو لما الحرامى نظ من الشباك كان لازم أصرخ أستغيث بحد ولما جه جارى ينقذنى ولاقانى بنفس قميص النوم البمبى المفتوح كان حايعمل إيه هايسينى!؟.. أكيد لا كان لازم ينساق ورا رغباته.. فتسألها المذيعه: بس شوفنا حضر تك في علاقة تالته في الآخر..؟ فتجيبها الممثلة باستعجاب: لا

لا مالكيش حق ده كان جوزي.. ماهو جارى كلمه بيلغه.. مش دى
 أخلاق الجيران برضه.. ويعدين لما جه جوزى وشافنى بقميص النوم
 البمبى كان هايسبنى؟!.. أكيد لأ.. كان لازم ينساق ورا رغباته..
 وعلى فكرة أنا كنت فرهدت خلاص على آخر الفيلم بس كنت اعمل
 إيه ده جوزى برضه ف الأول والأخر الناس تقول عليا إيه.. ست
 ناشز، فعرفت مؤخرا سر إيراتات الفيلم الضخمة ماهو لما الجمهور
 يعرف إن دى بتغضب تلت مرات فى الفيلم هاسيبه..!؟ ماهو لازم
 ينساق ورا رغباته!

بحثت عن البرامج الاجتماعية فلم أجد إلا برنامج ظهرت فيه مذيعته
 وهى تصطنع لحظة درامية شديدة الابتذال مرفقة بدمعتين مزيفتين،
 ثم سألت طفلة صغيرة بجوارها.. قوليلى عملوا فيكى إيه السفلة
 الحيوانات.. فتجيب البنت ف انكسار: اغتصبوني حضرتك.. فتنظر
 لها المذيعه بتأثر شديد الزيف وتقولها: طب بصى للكاميرا واحكيلهم
 اغتصبوكى إزاي..!؟ فتفكر الطفلة لثانيتين ولا تجد ما تقوله لتردد
 بانكسار أكثر: اغتصبوني حضرتك.. فتدرك المذيعه نفسها: يعنى
 احكيلنا كتتى بتفكرى فى إيه وهو بيغضبك.. وكتتى حاسة بإيه
 بالظبط واحكيلنا واحدة واحدة عشان بموت فى الحاجات دي..
 فتنظر البنت للأرض وتجاوب بدمار: حسيت ب.. حسيت ب.. هو
 إحساس صعب أوى لازم حضرتك تحسبه بنفسك، ثم تلتفت المذيعه



للمتهم وتلطشه قلم خدامين على وجهه بطرف إيديها وتساله: ندمان
 يا حيوان على اللي أنت عملته ولا لأ، فينظر لها المتهم بملامحه الجامدة
 وهو يقولها لأ.. فتقرب منه وهى تقوله أنت عارف يا حيوان يا حقير
 يا زبالة إيه الحكم اللي صدر ضدك النهاردا عشان اللي أنت عملته..؟
 خدت ١٥ سنة سجن، وتضحك المذيعه ضحكة هز المكان مع ظهور
 التوتر على ملامح المتهم فتكمل المذيعه بفرحة شديدة: ولسه فيه
 عذاب القبر مستنيك لما تموت هاتفضل تتعذب لحد يوم القيامة وهنا
 تمسك المذيعه بطنها من الضحك، ويبدأ المتهم فى البكاء والنهه حتى
 تجبره وهى تضحك بشدة: ولسه بقى الآخرة ده انت حايتمعمل عليك
 حفلة فى النار.. هتفضل تتشوى لحد ما يبان لك صاحب، وهنا يكاد
 يغمى على المذيعه من الضحك فى الوقت الذى ينهار فيه المتهم فى
 البكاء ويبدأ بضرب نفسه بالكفوف على وجهه وأرأسه وهو يسألها
 بصوت مكتوم يعنى إيه مفيش أمل؟!، فتصنع هى الوقار وتقوله
 للأسف مفيش.. عارف ليه؟! عشان أمل نفسها زمانها شمتانة فيك
 دلوقتي، ثم تنهار على الأرض وهى ترفس من الضحك!

حتى برامج الخير والمساعدات أصبحت مبتذلة.. شاهدت مذيعا
 يسلم سيدة فقيرة بطانية وما إن مدت يديها له حتى تجاهلها، ثم
 نظر للكاميرا وقال فى تأثر شديد: لازم يا جماعة كلنا نحس بالفقير
 ونعطف عليه.. مش معنى إنهم شحاتين وجرايبع وريحتهم وحشة

إننا لما نديمهم حاجة نذلهم ونفضحهم ونهينهم ونحسبهم أد إيه انهم
مايسووش حاجة .. كام ذلك المشهد قبل أن يأمر السيدة بأن تمضى
على ورقة تثبت إنها هاترجع البطانية على أول الصيف عشان حد
غيرها يكسبها تاني!

حتى الإعلانات كله يبلقح على بعضه.. كوكاكولا بتلقح على بيبيسى
وتايد بتلقح على اريال، وبيريل يبلقح على فيري، وانا متلقح على
الكنبة مش عارف بتفرج عليهم ليه أساسا؟!!

أعصابى تعبت، نصحنى صديقى بالاسترخاء.. قال لى وهو يبارس
اليوجا: إنت بس محتاج تبقى ريلكس وتتخلص من التوتر وهاتبقى
عظيم.. وعندما قررت شراء كرسى هزاز قال لى عامل محل الأثاث
مبتسما: حضرتك ده أحسن كرسى هزاز عندنا.. فجلست عليه
وسألته: بس ده ثابت أهه.. فابتسم أكثر وهو يقولي: لا يا فندم ماهو
بيتهزش غير لما انت تهزه.. فرددت عليه بنفس ابتسامته.. لا والله!
يعني انا اهزه عشان يتهز؟! هو مين بيريح أعصاب مين مش فاهم?!!

الحياة كئيبة ولا علاج لذلك، محمود درويش لما قال على هذه الأرض
ما يستحق الحياة أكيد قالها وهو ييلف سيجارة حشيش وقدامه
رقاصة، وحتى لو قال كده وهو فايق ده لا ينفى أبدا إن الدنيا بائسة..
ما هو مهها كان القرد فى عين أمه غزال ده لا ينفى إنه قرد برضه..

الدنيا لا يعيش فيها سعيدا سوى المحظوظين.. المحظوظين وليس
الأغنياء.. فالفلوس لا تجعلك سعيدا.. هى بتخليك حزين وانت
مستريح!

كدت أن أدخل فى أعمق مراحل الاكتئاب حتى أهداني صديقى
تذكرة لآخر كرسى بحفلة كبيرة فى الأوبرا، نعم الحل أكيد فى
المزيكا.. كثيرا ما أمنت بذلك، خاصة عندما تكون سهرتك مع
مدحت صالح، ابتسمت مطمئنا أخيرا لوجود مدحت صالح بيهجته
وصوته الحنون المريح للنفس.. أكيد هو الوحيد القادر على إخراجه
من حالة الاكتئاب، وظهر النجم مؤخرا وسط تصفيق حاد قابله
بقبلاته.. أخذت وضع الاسترخاء على الكرسى ثم أغمضت عيني
ممتشيا.. يلا غنى يا مدحت.. حبيبي يا عاشق.. أنا مش بعيد.. زى
ما هى جيبها.. أنا عايز أحسن بالانتباه يا مدحت.. أنا أمل كله عليك
يا مدحت.. بدأت المزيكا بدوشة عالية اندمجت معها جدا حتى غنى
الغدار على خوانة: «رافضك يا زمانى يا مكانى يا أوانى.. أنا عايز
أعيش فى كوكب تاني!»

وهنا ابتلعت ريقى وحليت رباط الكرافته وفتحت جيب الجياكت
وأخرجت موسا حادا لأقطع شرايينى، ولكن عواطفى الجياشة
منعتنى من تلك الفعلة خوفا على طرشة الدم والعكنة على كل من
حولى، خاصة أنه تظهر عليهم تشنجات عصبية متفاعلة مع ما يغنيه

النجم، فأخرجت عليه المهدئات وقررت ابتلاع خمس حبات منها..
فخمس حبات كفيفة أن أودع العالم ابن الهرمة ده في سلام وصمت..
وعند الحبة الرابعة توقفت وكأني أدركت شيئا فجأة.. وعلى إيه الهبل
ده.. طب ما الحل قدامك أهه كوكب تاني.. هو أنا متمسك بالكوكب
الفرقه ليه؟!

بحث جيدا عن أقرب كوكب مشابه لكوكبنا نستطيع الحياة عليه
فوجدت المريخ -ظريف، على الأقل اسمه ليه هيبه كده مش عيبط
زي ده.. ٧١٪ منه ميه واسمه كوكب الأرض..!، حضرت شنطنى
الصغيرة، ومريت على أسطى أشرف وركبت ميكروباصه المتهرتا
مشاورا له إنه يسوق على طول، وبعد مسافة قصيرة سألتى الأسطى
أشرف بعفوية: إلا مقلتلش إحنا رايمين على فين يا بشمهندز؟، قلته
بكل ثقة: على المريخ إن شاء الله، ففرمل مرة واحدة ونظر لى نظرة
تتطاير منها شرارات الغضب وصرخ: إنت بتهرج؟.. لا إنت أكيد
بتهرج.. مش تقولى قبل ما نطلع يا بنى آدم انت.. ولا هو إنت يعنى
بتحطنى أدام الأمر الواقع!، حاولت أن أبدا لطيفا للغاية وأنا أهدهته:
جرى إيه بس يا عم أشرف؟!، فقال بنفس نبرته العصبية: الرخصة فى
البيت يا عم وطريق المريخ ده كله قلق، غمزته بعشرينايه وأنا أداعبه: يا
أسطى خلاص لو حد كلمك عندي، فأكمل دون أن يسمعنى أصلا:
وبصراحة مايفتعض أطلع بيبك لوحدك.. دى ماتجيش حق البنزيم..

إحنا نطلع من الموقف محملين العربية كلها، يا أسطى مانطلع ورزقنا
فى الطريق مرضاش، فكتبت على الفيس بوك إعلان عن رحلة سريعة
للمريخ مطلوب فيها ست بنى آدمين من غير أطفال منعا للدوشة،
كتبت الإعلان بالقهر وأنا فى نيتى أولع فيهم بنزك أول ما نوصل أو
أديهم شلوط أرجعهم تانى على الأرض.. أيهما أسهل، والمفاجأة إنه
بعد عشر دقائق كان هناك ثلاثون ألفا قد قرروا الهجرة للمريخ معى،
كانت صدمة لدرجة جعلت شركة سياحية كبرى تتبنى السفرية،
وبعد يومين فقط كان هناك أربعة ملايين قد قرروا الهجرة، وتضاعف
الرقم إلى أن وصل لعشرين مليوناً بعد أسبوع من إعلان الهجرة.

ومع الأيام أصبح السفر إلى المريخ مطلباً شعبياً وحدث الساعة فى
الصحف والمجلات وبرامج التوك شو، الناس فى الشوارع والبيوت
مالهاش سيرة غير السفر للمريخ، فقد كان السفر للمريخ هو الأمل
الأخير لهم، الطلبة قررت الهجرة هناك لتحصل على تعليم يضعوه
بمزايجهم وعمل تنسيق يدخلهم اللي هما عايزينه مش اللي عايزه
المجموع، والقراء قرروا السفر هناك للبحث عن أمل فى حياة أفضل،
والأغنياء سافروا، لأن كوكب الأرض لم يبق بيتة، والموهوبين
سافروا بحثا عن فرصة لظهورهم دون واسطة، حتى الحبيبة
سافروا لكى يتجاوزوا من غير كلاكيع، والليبراليين سافروا عشان
يعربدوا وينحلوا براحتهم، والسلفيين سافروا عشان يرخوا عليهم،



والإخوان سافروا هناك ينافسوا على الانتخابات، والإسكندرانية احتلوا بحر المريخ وقالوا مش هنخلي الفلاحين يهوبوا ناحيته، ومحمد سعد قرر يهجر جمهوره بعمل جديد ومختلف اسمه «اللمبى فى المريخ»، والزمالك قال إنه قادم بقوة وحينافس على الدرورى المريخي، وإيناس الدغيدى عملت فيلم «مذكرات مراهقة مريخية»، يتناول قصة حياة انحراف مراهقة ملتزمة سافرت المريخ وانحرفت على إيد شاب مريخي ضحك عليها بعد ٧ سنين جواز عرقى وه سنين مشى ف الحرام، وتامر حسنى عمل فيلم جديد تدور قصته حول أخوين توأم فرقتهم الأيام أحدهما بشعر صدر الي هو تامر والآخر مريخي دون شعر صدر، يلتقى أبو شعر صدر أخوه صدفة فى المريخ فيتعرف عليه من ملاحظه فيشق قميصه فلا يرى شعر صدره ولا يجيد إلا آثار حروق كان تامر قد تسبب له فيها أثناء تحضيره لحلة رز بلبن وهم أطفال، دلقتها عليه فسلخت جلده وانتزعت شعر صدره الصغير، وعندما يشعر أخو تامر بالبرد الشديد والتكتكة ويمرض ويتم نقله للعناية المركزة، نظرا لأنه دون شعر صدر يدعمه ويحميه.. يجيد من يتبرع له بشعر صدره ويفاجأ أنه تامر الذى قرر أن يضحي بشعر صدره وأصبح وحيدا حزينا دون شعر صدر، أما مصطفى كامل فقدم أغنية جراحی المتبصرة.. وهى تحكى عن شاب حزين على الأرض سبقتة حبيبته للمريخ، فباع كليته وقرنية عينيه لكى يلحق بها، وهو مسافر فى الطريق انغلقت باب الأتوبيس على قدمه اليسرى فقطعها، فتشاجر

مع السائق المتهور الذى تعصب عليه فقطع له يده اليمنى ولما وصل أخيرا للمريخ وجد حبيبته بتخونه!

كل الناس هنا سافرت.. على الأرض الشوارع أصبحت خالية تماما من البشر.. أنا فى سبتى ستارز يوم الخميس الساعة تسعة وأجلس وحيدا فى الفود كورت.. أنا فى كارفور يوم الجمعة المغرب ولا يوجد أثر لمخلوق.. أنا وحيد لدرجة اني بادخل الحمام واسيب الباب مفتوح، حتى تم الإعلان عن آخر رحلة للمريخ وقد كان آخر كرسى بها باسمى وظلت كل مكبرات الصوت فى مصر تنادى على لكى أركب، ولكن لا أعلم حتى الآن ماذا حدث وقتها، بينما كنت أحضر شنتنى بالفعل، أخذتني لحظة حين بل خطفتنى.. تذكرت كل ذكرياتي الي هنا.. كل الحاجات الي حسيت بطعمها هنا ومش هحس بطعمها فى حنة تانية.. نحن لا نحب الأشياء لكونها بل نحب الظروف التى كانت محيطة بالأشياء.. هنا عرفت بمدوح فرج.. أول مذيع يضرب الضيوف بتوعه، هنا قضيت مراهقتى وانا بتفرج على أفلام الأكشن لقاها القليل والفيلين يوسف منصور، هنا ضحكت على إفيهاش محمد نجم ومحمد عوض، هنا أغرمت بخفة دم ماجد المصرى وتامر مهجرس وكاريزما هالة سرحان وطارق علام وريهام سعيد، هنا تربيت وتعمقت على أفلام تامر حسنى وسعد الصغير، ولذلك قررت البقاء هنا.. ولوحدى!!

قواعد الحياة الأربعون



٦ - مفيش حاجة مالهاش لزمة، حتى الناس الزبالة في حياتك،
بتعرفك قيمة الناس النضيقة.

٧ - أحسن حاجة في المشاكل والأزمات انها بتعرفك مين وقف
ضدك، ومين وقف ضدك أوى.

٨ - مجهودك اللي بتبذله في إنك تلوم الناس إنها مايتسألش، ممكن
توفره وتتعرف على ناس جديدة أحسن.

٩ - النوم سلطان لو مش هتفكر قبله بنص ساعة، والحب حلو لو
مش هيعكنن عليك بزيادة، والصحاب جمال لو هيقوا سند ليك
مش جل أكثر، واللي بيحبوك مهمين من غير ما يضغطوا عليك
بحبهم أكثر من اللازم.

١٠ - اتقى شر الطيب لما يقفش، والأخ لما يفترن، والواطي لما
ينضف، والصاحب لما يفضح، وألبنيت لما تخاصم.

١ - متربطش فرحتك بالناس.. الناس واطية.

٢ - إنت عايش عشان تنفخ، والحب هو اختيارك بكامل قواك العقلية
والنفسية للشخص اللي ينفخك.

٣ - ماتاخذش رأي بنت في بنت.

٤ - امسك في تلاته حد بيسأل عليك من غير مصلحة، وحد يقف
جنبك من غير ما تطلب، وحد بتروحه متضايق ترجع مبسوط.

٥ - حاول تكثر من لحظاتك الحلوة، دى الحاجة الوحيدة اللي بتعيشها
مرتين، مرة وقتها، ومرة لما بتفتكرها.

١١ - لو هتعمل جميل واحد ف نفسك، ماتعلقش بحد مش ليك من الأول، هتقرب عشان تكمل اللي ناقصك فهترجع ناقص أكثر.

١٢ - مش لازم تموت عشان الناس تحس بخسارتك، كفاية إنيهم يشوفوك مبسوط مع غيرهم.

١٣ - مش معنى إنك بتحن للماضي.. إنك عايز ترجعه.

١٤ - كل يوم جديد في حياتك مش هيغير حاجة فيك، بس انت قادر تعمل ١٠٠ حاجة تغير بيهم اليوم.



١٥ - علاقتنا بالناس بعد الخصام، بترجع ومايترجعش، سمعت عن التسكافيه من غير كافيين!؟

١٦ - ماتعشمش وأنتم عسك إن محدش هيسألك مالك غير لما يكون تعبك خلص، ومحدش هاتيس بزعلك غير وابت و أعناق الاكتئاب، ومحدش هتجفلك إنت، كويس غير لما تموت.

١٧ - هي هي نفس البلوبه اللي فرقعت، بس واحد قعد بأع الظروف، والثاني عمل سها بزرقية.

١٨ - مغيش حد فيا كويس، احنا سيئين بس بدرجات.

١٩ - الحقيقة اللي هتكتشفها مع الوقت، إن زعاك على ناس مشروا من حياتك، كان أهون بكثير، من زعلك لو كانوا لسه موجودين فيها لحد دلوقتي..



٢٠ - عارف إيه الأسخف من المشكلة؟!.. الناس اللي بتعمل مهتمة.

٢١ - خليك فاكر إن أنت اللي باقي، وكل اللي وقفوا سعادتهم على حد انبسطوا شوويه وكملوا بقية حياتهم مكتشين.



٢٢ - اتعود إن الناس لطيفة لحد ما تقربوا، طيبة لحد ماتعاشروا، أصيلة لحد ما تتخانقوا.



٢٣ - رضاك عن نفسك يبدأ من رضاك عن حجم مناخيرك.



٢٤ - إنت محتاج تتعامل كل فترة مع الناس اللي بتكرههم، عشان تستمر في كرههم وضميرك مستريح.



٢٥ - اتعود تبقى روحك حلوة، يعنى اللي سابك وارتبط، اتناله السعاده وهو بيولع مع اللي بيحبه.

٢٦ - الغيبي هو اللي قرر يستنى حد ما قالوش يستناه.

٢٧ - لازم تستوعب إن الناس اللي هتمشى من حياتك، هتمشى لحاجات عملتها عشان ما يمشوش.

٢٨ - مفيش ذكريات بتتنسى.. بتستخبي بس.

٢٩ - لما هتقع، فيه ناس كتير هتنفض، وناس قليلة هتقولك معلىش، بس فيه واحد بس اللي هيمدلك إيداه تقوم، هو ده اللي تمسك فيه.

٣٠ - فى الحب، ماتصدقش الكلام اللي بيتقال ف أول العلاقة.. وف آخرها!.

٣١- مفيش حاجة بترجع زى الأول، مهيا بان انها رجعت زى الأول

٣٢- لازم تقتنع إن صاحبك بشر ولما يغلط تعديله من غير ما تبهدله، ولازم تقتنع إن الحياة واخلة الناس فعلا ومش متعمدين ما يسألوش، ولازم تقتنع إن الحياة أقصر بكثير من إننا نضيعها ف التفكير ف بكرة، لازم تقتنع على الأقل عشان تقتنعى.

٣٣ - الدنيا صغيره لدرجة إننا بنرجع لنفس الأماكن والمشاعر والأشخاص.

٣٤- نجاحك ف الخروج الآمن من علاقتك بناس كانوا قرييين منك من غير خسائر نفسية، بالظبط زى نجاحك تمشى على إزاز مجروش من غير ماتتعور.

٣٥- باختصار: إنت محتاج حد يحبك، عشان ساعات بتكره نفسك.

٣٦ - احتفظ داينا بالرسائل الأولى، أصدق رسالة، هى اللي بتكتبها فى الأول ويعدين تمسحها عشان نكتب واحدة تانية بعقل أكثر ومشاعر أقل.

٣٧ - اعرف إن اللي بيتعور فى الدنيا دى ثلاثة: اللي بيتعلق بالناس بسرعة، واللي بيبدى الناس على نفسه، واللي يعتمد على الناس يقفوا مصدر الأمان ليه.

٣٨ - الفراق بيحبب حب بسرعة، والحب بسرعة بيحبب فراق.

٣٩- حاول تخلى درجة اهتمامك بالناس بنفس درجة اهتمامهم بيك.. أو على الأقل حاول.

٤٠- اللي يسبيك ويرجعك تانى حرام عليك تكسر بخاطره.. اكسر دماغه.

٤١ - مهم إنك تعرف إن كل حاجة بتعدى بالوقت، بس الأهم
تعرف الوقت هيعدى إزاي؟!

٤٢- فيه حاجات كده بتتكسر، لا بتعرف تصلحها ولا بتعرف ترميها،
وفيه أرقام لا هتعرف تكلمها ولا هتقدر تمسحها، مش عشان إنت
ضعيف، على أد ما فيه صفحات أقوى من إنك تقلبها بسهولة.

٤٣- غالباً اللي بيوحشوك تلاته: حد بقى صعب تقوله وحشتنى،
وحد مبقاش ينفع تقوله وحشتنى وحد خسارة فيه كلمة وحشتنى.

٤٤- السعادة زي القهوة .. هتشوفها في حياتك سادة .. وبتشوفها في
حياة الناس زيادة .. بس في الحقيقة هي مطبوخة

ليه مصممة الشقشقية بي بقاله
٢٠ سنة بيكتتب اسمه على التتر
النصم الصاعده .. كيهصده امتي ؟

ليه مش عارفه اخرج مع مين
ولا مين وفي نفس الوقت مش
لاقي حد اخرج معاه ؟

ليه الناس بتبعه عننا من غير
صفت مع ان كان فيه ١٠٠
اللي تبعه عنهم ومر صناش ؟

هو السمك
بيعطش ؟

هو بطرم مان
لا بر طمان ؟

هو صصيح
الهوى غلاب ؟

هو اصنا بنصب الناس عشان
الصاجات اللي بيعملوها ولا بنصب
الصاجات عشان الناس اللي بيعملها ؟

ليه البنت بتعيط
وبعدين تهور
على سبب ؟

ليه فيليم الرعب
بيبي 18+ ..
هو اللي اكبر من
كوره ما بيخش مثلا ؟

ليه بصعي مبيقاش
هايزر انام ... وانام
مبيقاش هايزر اصعي ؟

الروكتور
الذفسى ..
مين اللي
بيعالجه ؟

ليه لما حد يقول
هايزر في موضوع
باتوتر ؟

ليه البنات
بتتصور في
الحمام ؟

عايز يتحقق في سنين .. و جايز ينسى الحلم اذنين .. و تحفظهم
 يا راي ايجين
 القلب حبى معاكم راح
 يا لالى .. يا مدوقنا العنب تفاح
 يا لالى حبى انا العنب حبيبى و الفؤاد يركاح
 حبى انا الروح بتروح و مهماتروح عايز يفرحى نوح قلبى
 حط الديلته و حط الساعة .. حط سجاية
 ملاحظتش اقول يا ساتر و لا قلبى خذ له ساتر
 و لا فاكرا الا كلمة الصحن يا تحفظ
 ليل الحب نهار
 قول لا ذنبك و لا ذنبى .. ذة قلبنا هو الذى اختار

بالحظ وبالصدق



ذيا لو جارحة لو ذيا

«الحياة شوية تفاصيل بتوصلك لبعضها»، أو من بتلك الجملة بقدر إيماني بأن كل تفصيلة منهم لازم تظهر في وقتها عشان الصورة تكمل وتتركب آخر أجزاء البازل، كانت أول تلك التفاصيل عشوري على جاكيت قديم ضاع منذ سنين وسط أكوام الملابس الشتوية، طقوس سعادتى السرية تبدأ كل موسم عندما أبدأ البحث في جيوب الملابس عن أى أموال يفاجتنى بها الله كهدية مؤجلة من الموسم السابق، كانت المفاجأة هذه المرة أننى لم أجد أموالا، بل غطست أصابعى وسط جيوب الجواكيت المترية فأخرجت شريحة خط تليفون!

أنا فعلا لا أتذكر أى شيء عن تلك الشريحة ولا أحمل عنها أى معلومة، وضعتها بمنصف يدي أتأملها بكل غموض.. تدور برأسى الظنون والأفكار والتخمينات، فحاولت أن أقاوم ذلك كله بالتجربة العملية، شغلتهنا سريعا بموبايلى ويا الله على ما وجدت!

كانت تلك الشريحة لحظ تليفون من أيام الجامعة، أقلب بالأسماء وأتذكر كل هؤلاء الذين انقطعت علاقتى بهم من سنين.. أتجول بين الاسم والآخر وينقبض قلبى كلما استقر أصبغى على اسم شخص كنت أحبه، الغريب أنه كان من بين الأسماء أصدقاء كانوا مقربين جدا لى.. كانوا أقرب ناس لى فى تلك المرحلة، أما الآن فلا أعرف عنهم أى شيء!

لماذا فرقنا السنوات، ولماذا رضينا أصلا بالغياب، ولماذا لم نعد أصدقاء، صحيح أنا الآن لددى أصدقاء مقربون آخرون، ولكن أين أصدقائى الذين كانوا أيام الجامعة..؟! أيام المراهقة والمغامرة.. أيام الشلل والخناقات والحوارات.. أيام مشاعرى المندفعة تجاه كل بنت الدفعة.. وحبى المفرط لمحمد منير..؟!.

الآن أبدأ رحلة البحث عنهم..

بحر الحياة غدار واحنا لقين راجين؟!.

«يزيو محاضرات» مازلت أحفظ باسمه على ذاكرة الشريحة بهذا الاسم منذ سنين، كانت أول مرة التقى به فى كليتنا وأنا أطلب منه محاضرات مادة كنت دائم الغياب عنها، ولا أعرف تحديدا متى وكيف أصبحنا أصدقاء بتلك السرعة، استجدعته نظرا لأن الجامعة بطبيعتها يحكمها قانون «ألا يساعد ولد ولدا آخر أو تساعد بنت زميلتها»، ولكن فى نفس الوقت يتفانى كل منها فى مساعدة الآخر وبكل إخلاص يقدم له ما يطلب منه وأكثر، إلا زيزو فكان بسيطا لا يرى الأمر إلا كونه أمرا إنسانيا بحثا بعيدا عن الغرائز المكبوتة،

وهكذا كان أسلوب حياته، نسهر بالليل نضحك على كل حاجة وأى حاجة، نرى أن الدنيا لا تحتمل أن نكون جادين أكثر من اللزوم وأن الحياة تستلزم وفرا هائلا من التفاهة والهبل، نتكلم عن الحب الأول والحب القديم.. أول بوسة وأول ماسكة إيد وأول بحبك، ذكريات طفولتنا، نم على خلق الله ونسخر منهم حتى يأتي الدور علينا فنمسخر بكرامتنا الأرض، أعترف بأنى أفقدت ذلك الصديق، أفقدت بساطته وصفاءه، كانت لحظة مفرحة عندما وجدت رقمه، واكتمل الفرح عندما اتفقنا أن نلتقى مرة أخرى.. بعد كل تلك سنين الغياب.

من بعيد لم أعرفه، ملاحه غريبة، شعره طويل ولحيته منعكشة، كان يرتدى تى شيرت نص كم في عز الشتا مرتديا فوقه سكارف وسبحة ملفوفة على معصمه لا تزيده إلا غموضا، كانت نسهرتنا غريبة، نحن اللذان طالما سهرنا على صوت أم كلثوم نشرب الشاي الخمسينة، قضينا سهرة كاملة نشرب فيها القهوة مع صوت فيروز، طول الليل يصف «زیزو» المجتمع بالنتن والجاهل والسادی والحقير ومجسر ما بين جملة وأخرى كلمة «العيب»، يستشهد بعبارات ماركيث ومانديلا.. وأنا أتذكر عندما كانت يده لا تخلو أبدا من مجلات فلاش وعبير، لم يعد صديقى بسيطا بل أصبح لا يقرأ إلا لكتاب مجهولين أول مرة أسمع عنهم، ولا يقرأ الكتاب إلا وهو يأكل الشيكولاته ويشرب القهوة

ويسمع الموسيقى حتى لو مش هايركز ف ولا حاجة منهم، حتى عندما طلبت منه أن يتبادل ألبومات محمد منير مثل زمان، أخبرنى أنه الآن لا يسمع إلا مطربين اندرجرواند ناكشين شعرهم ومتشجنين ولا يكفون عن الصراخ طوال الوقت.

لم يعد زيزو بسيطا كما كان، أصبح شخصية عميقة، يؤيد كل ما هو مختلف، ويختلف على كل ما هو متفق عليه، لم يعد يضحك على التفاهة التي كانت تضحكننا بل أصبح يصمت مترفعا عن الضحك، حدادا لما وصل إليه الكون من الأسى المفرط، تشغله كثيرا قضايا الثورة والحرية والعبودية والفقير والجوع مهموما بها لدرجة أنه يكتب عنها كثيرا وهو يغرس شوكته في التشوكيلت كيك في سلنتر.

لم أفهم سر الكاميرا المعلقة برقبته، يسير بالشوارع يصور أكوام الزبالة والزلط وزجاجات البيسى الفارغة.. يصور أشعة الشمس مندهشا كأنه يراها لأول مرة، كل ذلك وأنا ساكت وكاتم، حتى استوقفتنى مرة متأملا يصرخ من الانبهار.. شايف الروعة.. شايف الإبداع.. دقت النظر ولم يكن هناك سوى «كلب يعمل بى بى بمتصف الطريق»، قلت له.. سامحنى لأن فهمى على أدى.. إيه العبقرى فى البى بى بتاع الكلب لا مواخذة، ولكنه لم يجاوبنى فقد كان مشغولا بعمل سيشن تصوير للكلب، حتى شعرت بأن الكلب نفسه التفث لنا وهو ييفك زنته بسأله: أنت عبيط بينى!؟


مشيت وياكى للآخر .. أثارى أولك آخر

ضغطت على اسمها وقلبي ينبض بصوت مزعج كنتقط مياه هاربة من صنوبر لم يغلغ جيدا بعد منتصف الليل، لم تكن مي أفتاة عادية، بل فتاة الأحلام التى تمنيتها دوما، عودها الرشيق، بشرتها البيضاء النقية نقاء الحليب الطازج، عيناها السوداوان الضيقتان، وخدودها التى تتحول للون البطيخى عندما تلمحنى أراقبها من بعيد.

كنت أحمل لها مشاعر فياضة بقلبي، حبا مشتعلا أخذه بصمتي، غريبة هى مي.. أشعر أوقاتا أنها تبادلنى نفس المشاعر وأكثر، وأوقاتا أخرى أشعر أنها تتجنب رؤيتي، لكنها بكل الأحوال ترانى فتستسلم استسلام طفل وجد نفسه أمام شوكلاتته المفضلة وجها لوجه فى السوبر ماركت، كانت مشكلتها حياءها، كانت خجولة لدرجة أنها كانت يستأذن قبل أن تعطس، ظلت مرة نصف ساعة تبدو عليها تشنجات وعلامات الأرق، وأنا أكلمها فى موضوع تافه لا يستحق ذلك التوتر حتى اكتشفت أنها كانت تريد الذهاب للحمام وظلت متناسكة حتى لا تقطاعنى وأنا أنكلم!، كانت خجولة حتى إذا ناداها أحد زملائنا نغزت إحدى صديقاتها حتى لا تتركها فريسة تقف وحدها مع زميل وسط ساحة الجامعة، كانت خجولة حتى من نفسها، تمنى لو أن قطرا يدهسها ولا تشعر أن أحدا يلاحظ تضاريسها الأنثوية التى تحاول بقدر الإمكان إخفاءها.. تدعى فى

يكلمنى كثيرا عن نظريات خلق الإنسان، أخبرته أن العمق فعلا أن تبحث لما وصل إليه الإنسان وليس أصله، إذا كان على الأصل فالنظريات كثيرة.. الإنسان أصله قمر.. بمليون وش، والإنسان أصله عسل.. ملزق، الإنسان أصله تين شوكى من برا مشوك ومن جوة طرى، الإنسان أصله بقساطاية.. ناشف بس أقل حاجة تكسره، الإنسان أصله سيجارة عامل صاحبك بس هيقتلك، الإنسان أصله موبايل صينى كل ما على صوته كل ما رخص، الإنسان أصله عود قصب مهها كان حلو لازم يبقى فيه شوية مرارة، الإنسان أصله منبة موبايل مبيطلش زن، الإنسان أصله بحر بيان هادى بس غدار، الإنسان أصله كيس شيبسى منفوخ على الفاضي، الإنسان أصله تليفزيون عمره ما قال الحقيقة.

لم يكرت، قال لى بنبرة خالية من الشعور أنا مش فاضيلك.. لو عايز تشوفنى قابلى هناك.. ورمى لى تذكرة لحفل مشروع ليلي.. واختفى قبل أن يعرف السر.. ليلي تمجوزت وسابت المشروع!



سرهما.. يا الله لم خلقتني أنى؟!

كانت «ألو» التي قذفتها في وجهي أول ما انتهى جرس الانتظار الممل كفيّلة أن تحيي كل المشاعر التي ظننت يوما أنها ماتت داخلي، غريبة تلك الأشياء التي غير قابلة للموت والناس غير القابلين للتجاهل أو النسيان، كان صوتي يرتجف من رهبة لا أعلم مصدرها عندما حاولت فقط أن أرد الـ «ألو».. كدت أقول لها وحشتيني.. ثم تراجع لكى أقول لها ليكى وحشة.. ثم تراجعت لأقول لها مفقذك.. حتى وجدتنى في النهاية أقولها إزيك؟

«يااه إيه الغيبة دي.. أنا الحمد لله كويسة.. أنت كويس؟» قالت آخر جملة باستغراب أكثر من كونها ترد التحية، فجاوبتها على الفور: أنا كويس وعازب أشوفك، هكذا على الفور شعرت بأنه لا يجب على أن أضيع الفرصة مرة أخرى.. أما هي فبعكس توقعاتي لم تشعر أبدا أنها تحتاج وقتا لتفكر أو تتخذ قرارا بشأن طلبى، كانت تشعر من نبرة صوتي أنني جاد، جاد جدا في طلب رؤيتها ولن يتطلب منها الأمر الرد بعبارة من عبارات المجاملة التي تنتهي بـ «طيب إن شاء الله نبقى نفظظ ميعاد ونتقابل»، لأننا بالفعل تواعدنا أن نلتقى غدا.

يا الله! كيف بعد كل تلك السنوات مازالت معدتى تصيبها تلك التقلبات المتلازمة لتوتر ليالى الامتحانات، كنت قد انتهيت من

فبجان القهوة الثانية على أنغام ضحكات من حول وهمساتهم على ذلك الكافيه الذى يشبه القهوة البلدى في كراسيه المتراصة على الأرصفة بأحد شوارع الزمالك، بينما أحاول أن أحافظ على هدوئي وأنفحص رسائل الموبايل لإذ ربما سقطت منى سهوا رسالة لم أرد عليها، أمر بملل على الأسماء ربما أجد من أفضى معه دقائق الانتظار في التحدث فأفضل لأتصفح الفيسبوك، حتى طلت هى أخيرا..

كانت مبهجة كلحظة نزول المطر في أواخر ديسمبر على كوبرى قصر النيل، ملاحظها لم تتغير، ما زالت ناعمة كسحابة هاربة من الساء، ربما حدثت بعض التغيرات.. بصراحة كلها تغيرات، من أول خصلات شعرها المصبوغ المتسلل عن قصد من حجابها، ومساحيق التجميل التي أخفت لون بشرتها الحقيقي، والحلق الذى وضعته بمتنصف شفتها السفلى، وبنظولونها الذى كان يستغيث من قلة التهوية إلى الخللخال المزعج الذى لفت انتباه جيراننا في الطاوله المجاورة!..

كان منظرها غريبا، بصورة تلك الفتاة المراهقة المستهتره!، مدت يدها لتصافحني ومددت يدى على استحياء فاستنشقت رائحة عطرها النفاذة وقد عبأت المكان، استغرابى ظل محدودا حتى نادى على الجرسون وطلبت منه شيشة عنب، فضحكت على ذلك الإفيه، وكدت أموت من الضحك عندما بدأت فعلا تشد الأنفاس وتنفثها في وجهى، لدرجة أن ملاعجى بدأت تنوه وسط الدخان بينما أشرب

عصير الجوافة المهذب، كان الكلام بيننا متقطعاً، ثمه شر يهرب
بينكم الكلام بعد التحيات والسلامات، المواضيع المعتادة في تلك
الظروف كانت عن العمل، كنت أحكى لها باختصار عن عملي
وظموحاتي فيه رغم تخطي وظروف البلد .. و، حتى فاطمنا بائع
متجول يعرض بضاعته بكل ذوق مستسححا في ندخله لخصوصيتنا
وسرقة دقيقة من وقتنا الي المألوس لزمة أصلاً، وقف الشاب، الأسمر
النحيف يعرض بضاعته المتنوعة مع رعي ءواصل لوصف كل شىء
منهم من ماكينات حلاقة لمبشرة بطاطس لساعات يد رديئة، من كل
عروض السندباد السحري لفت انتباه مي شاحن متقل للموبايل،
فتفحصته بيدها وسألته بعد أن شدت: نسا طويلا من الشيشة.. آخره
كام ده؟، فاسترد الشاب نفسا محشورا بداخله وهو يجذ أخبر! أملا في
الإعجاب بما يعنى، أملا ولو بسيطاً في الشراء، وبحركة غير إرادية
أدخل بقية بضاعته في شنتطه الثقيلة ووضعها على كرسي فاضي وقال
استعدادا لوصلة شرح يحفظها جيدا.. حضرتك البطارية دى بتتعد
لمدة.. فقاطعته مي: وحياة أمك! إنت هتدينى درس..؟! بقولك
بكام لخص؟، فوجه لى الشاب نظرة عتاب من تصرفها، فظاهرت
بأنى لم أسمع شيئا.. فتسمر لثانيتين لينهى صراعه الداخلى.. هل
يقبل الإهانة ويكمل عرضه للبيع أم ينسحب ليحفظ بها تبقى من
إنسانيته؟، ولكنه سرعيا ما أدرك حاجته الملحة للمال فقال بصوت
يصطنع الثقة: ٢٠ جنيه، فشاورت له بالانصراف بيدها دون أن

تتكلم وهى تلتحم بأنبوب الشيشة من جديد.

لم أجد مجالاً للحديث عن شىء جديد يفترس تلك الدقائق المملة،
فسألته: ارتبطتي؟، فأجابت وهى تتنهد وتنظر لى بعمق: تؤ.. مش
لاقيه حد محترم.. كل ما انبهر بحد يطلع ابن مرة!

فقلت غير مبال ضاحكا: عندك حق، الناس بقت سافلة فشخ، فقالت
وهى متأففة: لا مبحش كلمة فشخ دى عشان بحسها عيب فشخ..
كان يجب أن أرحل.. أن أرحل فوراً، أن أرحل بعد أن أخبرها أنها
فشخت المنطق في حد ذاته.

يا اللى بتسأل عن الحياة خدها كده زى ماهي

كان محمود لا يذكر اسمه إلا ويلحق به «جان الجامعة»، كان نجما
سينمائيا تفوق وسامته أحمد عز وهانى سلامة وآسر ياسين الثلاثة
مجتمعين، كانت البنات تتهافت وتتسابق للفت انتباهه بأى طريقة..
يحقن على سعيدة الحظ التى جمعتها الصدفة معه فى السكاشن العملى

أو امتحانات الشفوى، لأنها قد تحظى بفرصة للكلام معه أو التعرف عليه.. كان موبايله لا يكف عن معاكساته.. إحداهن قطعت طريقه وسط ساحة الجامعة وتوسلت له أن يمنح لها فقط شرف المحاولة بأن تكون على هامش حياته.. أن تكون فقط اسما على قائمة موبايله.. على أن تفرش الدنيا تحت قدميه، فأخبرها بكل تناكة: طيب نبقي نشوف الموضوع ده بعدين.. وأكمل طريقه، كان محمود يبدل في البنات أكثر ما يبدل شراياته، بطوله الفارع وتضاريس جسده الرياضية وشعره الناعم الطويل الذى لا يستقر على تسريحة معينة وأناقته المفرطة في اختيار ملابسه، كان يشبه عارضى الأزياء وليس طالبا في السنة الأخيرة من كلية الطب، منحه الله ابتسامة أكثر صفاء من ابتسامة منى زكى وهى تقول في دلج: لو كس سر جمالي، كان محمود من يومه طموحا.. ذلك الطموح المغلف بالتفاؤل، يحكى لى ونحن نأكل سندوتشات الشاورما من أحد مطاعم الجامعة: عارف يا تيفا.. بكرا أكتب قعدتنا دى في مذكراتى الشخصية والناس بقى تنبهر وكده إنى أد إيه كنت متواضع وبالكل شاورما فراخ زيهم.. أقضم قضمة في بؤس مفتعل وأسأله بحزن: وهتبقى تفتكرنى يا دو كتر..؟! فيطببط عليا وهو عليه علامات التأثر.. أنت بهتزر ده احنا إخوان بينى ده كلام.. أبقى فكرنى بنفسك بس ساعتها وربنا يسهل، ثم نستمر في الضحك.

لم يكن أبدا مغرورا بقدر ما كان مؤمنا بقدراته، كان يؤمن بالتغيير، تغيير منظومة العلاج في مصر.. تغيير مصر نفسها.. لا أبالغ إن قلت أن طموحه كان يصل أحيانا لأماله في تغيير البشرية كلها، كان يضع خلف باب حجرته صورة لزويل وصورة لمجدى يعقوب وصورة له بجانبها مبتسما بتواضع.

شريط ذكرياتنا مر على في الثواني التى انحشرت ما بين صوت جرس الانتظار وسعاع صوته، قررت مع محمود أن أفاجئه ولا أخبره بهويتى، أخبرته بأنى أحد المرضى الذين يحتاجون مساعدته، وبدوره أخبرنى مواعيد عمله بمستشفى القصر العيني.

في الميعاد كنت أمامه، في ساحة الانتظار أمام العيادات رأيت، ينادى عليه المرضى ويجرون وراءه وهو يتجاهلهم بتأفف منطلقا نحو هدفه لغرفة العيادة، من منظره كنت سأفشل في التعرف عليه لولا استغاثات كل هؤلاء الذين يأكلهم المرض، كان مترهلا ضخما يمشى بشبشب حمام يبيزح، مرتديا بالظو كان أبيض ولم يعد.. حاملا كيسا صغيرا بيده، ندهت عليه: «يا دنجوان الجامعة» فاستدار نصف استدارة في استنكار أمام هذا القلب السري ليجدنى أمامه، تسمر للحظات وأنا أقف مبتسما أفرد ذراعى لأحتضنه حتى استوعب هو الموقف، فاختصر الأمتار بقدميه وحضنتى بشدة لأشم أقدر رائحة عرق في حياتى وسحبته من يدى داخل غرفته وأنا يكاد يغشى على.

«تاكل حته مخلل طيب»، ذلك كان عرضه الثاني بعدما رفضت أن أشاركه سندوتشات الفول والطعمية وقد افترشهم على إحدى المجلات العلمية على مكتبه، كنت أتأمل كرشه الضيخم الذى كاد أن يفصل عن جسده، ليصبح كائنا مستقلا بذاته، وشعره الذى تساقط فأحدث فراغا هائلا بمتصف رأسه، فأصبح شديد الشبه بالأستاذ حجاج عبد العظيم، أحاول أن أتغاضى عن منظره الذى هو أشبه كثيرا بأنثى فرس نهر أربيعينية حامل فى تلت توائم، وأسأله بغمرة حيث مصطنعة: أخبار المزى إيه يا نمس..!؟، فقال: وهو يتكرع.. تجاوزت وعندى ميار، فقلت له منبسا: دنجوان الجامعة ليس الكلابش.. أنا مش مصدق نفسي!، فأكمل وقد استدعى كل ملاحظه ليرسم تكشيرة مثالية: اتعرفت عليها هنا فى التبتشيه.. عيلة بنت حلال وغلبانة.. بينى وبينك محبتهاش.. بس أنا كنت محتاج حد يشيل اهم معايا، بس المصيبة بقى لما اكتشفت إن اهم زاد أكثر.. أنت عارف البت بنتى.. البامبرز بتاعها بيخلص نص مرتبى لوحده، ده غير العلاج واللبس والأكل والشرب.. والسنة الجاية تدخل حضانة ومن بعدها مدرسة.. داخلين على أيام سودة، فقلت محاولا تغيير الكآبة التى حلت على المكان: ربنا كريم إن شاء الله مثلش هم، فأكمل دون أن يلتفت لى: عارف يا درش أنا بخلص هنا شغلى فى المستشفى وبروح على مستشفى تانية، أطلع منها على معمل تحاليل لحد ما بروح بنام زى الجاموسة وزى ليه..!؟ منا جاموسة فعلا دايرة ف ساقية.. هتفضل

تلف تلف لحد ما تقع وميقلهاش صاحب ولا تمن!، فنظرت للأرض وقد شعرت بالذنب فجأة من نفسى مش عارف ليه.. فابتسمت على استحياء وقلت بصوت خجول ومنخفض: ربنا كريم إن شاء الله مثلش هم، فاستمر فى تشغيل شريط كوكبيل الأحران بلا توقف: وياريته مقضى ولا مكفى يا صاحبي.. أنا بس اللى كائنى انى مش عارف البت لما تكبر وتلاقينا عايشين فى القفرة ده وابوها وامها دكاترة هيكون رد فعلها إيه.. هتستوعب إزاي..!؟ مش كنت طلعت تاجر مخدرات كان أرحم.. عملنا إيه بالشهادات والدرجات والأبحاث والكتب اللي كنا بناكلها أكل.. مجبتش همها يا صاحبي.. مجبتش همها والله، فنظرت للأرض للمرة المش عارف كام وأنا أجز على شفتى السفلى بأسناني ويقول لنفسى أنا أستاها ضرب الجزم أقسم بالله إنى سألته أساسا.. فرددت من تحت ضرسى كأنى آلة تردد بشكل أتوماتيكي: ربنا كريم إن شاء الله مثلش هم، فأكمل: الواحد بقى حاسس إن عنده خمسين سنة يا أحيي.. الواحد حسن إنه عجز بدري.. الصحة بتروح والعمر بيروح و..، وبدون مقدمات دخلت علينا فجأة إحدى المرضات دون أن تطرق الباب، وقالت وهى تدعك ليانة تحت أسنانها: دوكتور محمود فيه حالة طوارئ فى الاستقبال.

من اللبابة بين شفتيها ثم فرقتها سريعا وقالت: طالع من حادثة
مدشذش خالص.

فقال لها وهو يضع فيشة الكاتيل في الكهرباء: طيب هشرب الشاي
واجيلك، فقمتم مفزوعا متوترا أسأله: والعيان مش هتلتحقه؟!،
فقال وهو يقذف عود نعناع على تليفة الشاي.. ربنا كريم إن شاء
الله متشلش هم.

دا اللي انكتب مفروط يا عنقود العنب

كانت تلك المقابلات كفيلة لى أن أمسك شريحة الموبايل وأقذفها بكل
قوتى فى النيل، لأنتخلص منها تلك المرة عن قصد متمنيا أن تضعب
للأبد. ندمت أول مرة لأننى افقدت أصدقائى، والآن أندم أكثر
لأننى قابلتهم، أتمنى الآن فقط لو أصبحوا كما كانوا بصورتهم فى
خيالى ولم أرهم فى الواقع القبيح.

أدرك الآن أن حينا للأشخاص وتعلقنا بهم ومصادقتهم فى كل مرحلة
من حياتنا يكون بسبب ظروف خاصة بتلك المرحلة، ظروف كانت
توافقنى بهم فى تلك الأيام بشخصيتى التى كنت عليها وقتها، وأدرك
أن كل مرحلة من حياة البنى آدم يترك فيها شخصيته القديمة ويسلم

الكارت لشخصية جديدة يكمل بها المرحلة المقبلة من الرحلة،
والأيام وحدها قادرة على تصفية الأصدقاء والمقربين وفقا لظروف
كل مرحلة لتصبح كل مرحلة وليها ناسها، فالأيام مثل كرة بولينج
ثقيلة تندفع بغشومية تجاه القوارير الخشبية، ودورك أن تحتفظ بمن
صمد منهم، أما من وقع على الجانبين فأرجوك اتركه.. لأنه تركك
تلقائيا.

فيلم حياتك

المصير

99

العلم والتعبان كذا

96

في شقة مهر الجديدة

95

الحب فوق هضبة الهرم

اوقات فراغ

إشاعة حب

في فيلم حياتك، هيبتي دورك في الفيلم بدور ثانوي، طفل صغير وعيط مايقدرش يكون بطل، عشان كده فيه ناس بتقوم بالطولة بالنيابة عنه، بتاخذه قرارته، بترتبه حياته، وبتخاف على مصلحته اكثر منه، لانهم ببساطة ممثلين قدام وعندهم خبرة مكنتهم من خطف الكاميرا منه، وانت في المرحلة دي، كل اللي عليك انك تنفج عليهم وانت ساكت، بس وانت بتنفج راقب ادائهم واتعلم منهم عشان تطور من ادائك وتبقى اد المسؤليه لما تجييك الفرصة وتواجه الكاميرا..وكده كده حاتواجهها.. مسألة وقت مش اكثر.

وفيلم حياتك زي اي فيلم، صحيح انك البطل فيه، بس برضه محتاج شخصيات تكمل لك السيناريو، شخصيات تلا عليك الاحداث، باختصار انت محتاج شخصيات تمارس عليها دور البطولة، وزي اي بطل، اول حاجة هتدور عليها هي البطولة اللي هتشاركك احداث فيلمك، والبطلة مالهاش ميعاد معين في الظهور، ممكن تظهر في اول الفيلم وممكن في نص الفيلم وممكن تتأخر اكثر من كده كمان، بس الأيكد انها لازم هتظهر.

والبطلة هتعرفها لوحدك من طلته، ليها كاريزما وحضور أقوى من بقية البنات كلها، هاتنخدع طول الوقت بظهور ممثلات غيرها، بس

هتكتشف في الاخر اسباب ماتأهلهمش لدور البطولة، زي انهم يكونو مش مناسبين للدور، او إن الدور اكبر منهم، او إن آدائهم ركيك، او ممكن يكونوا كويسين، بس مش لياقين مع البطل كدويتو يقدروا ينجحوا الفيلم، مش مهم وجود بطلة .. المهم وجود البطلة المناسبة

ولازم الفيلم يبقى فيه صديق البطل، ورغم انه مش البطل، الا انه بيكون ليه دور كبير في الاحداث، وانت ف فيلمك مش محتاج «ادوارد» صديق البطل الاهل اللي معاك معاك عليك عليك، وبيورطك في كثير من المشاكل بغناه مرة، ومرات اكثر لما كان بيحاول يعملك حاجة حلوة فيورطك في مشاكل اكثر.

انت محتاج صحاب زي احمد السقا وطارق لطفي في صعيدي في الجامعة الامريكية، اللي ممكن يغششوك تقول ايه خبيتك لو مزنوق في كلمتين، ويغرقوا في البحر عشان انت تكسب سبق وتبان بطل قدام البنات اللي بتحبها، باختصار انت محتاج لصاحب يقديك بروحه ويموت قبلك دايبا زي سعيد صالح في افلام عادل امام!

تدبهم دور في فيلمك، واول ما انت وافقت وادبتهم دور اتمردوا عليك وعلى الدور ومشيو

وفيه شخصيات تانية سايبوا دورهم وخرجوا من فيلم حياتك من غير اى استذنان.. هاتزعل ساعتها لخروجهم، بس اللي يطمئناك انهم هايخرجوا تانى بس ساعتها حتكون اصلا مش مهتم لإن فيه ناس خدت دورهم،

وفيه شخصيات تانية مرت من بعيد ادام الكاميرا، مخدتش بالك منهم، ومدتمش الفرصة.. بس ماتقلقش.. اكيد فرصتهم في فيلم بطل تاني.

في فيلمك مفيش حاجة ملهاش لازمة، ومفيش حاجة اسمها صدقة، حتى التفاصيل الصغيرة، اللي افكرتها مش مؤثرة، لو رصبتها فوق بعض هتكتشف انها قدرت تقلب احداث فيلمك كله!

في فيلمك لازم تكتشف وتدور على مشاهد جديدة تمثلها، والا هتفضل واقف عند نفس المشهد، والناس كلها سبقاك في احداث افلامهم، وافكر انك كل ما تعمل مشاهد حلوة لازم تعمل مشاهد احلى وانك متكتفيش بالمشاهد الحلوة اللي عملتها وتقعده تفرج

في فيلمك استعد لكل المفاجآت، الكومبارس اللي ليه دور على الهامش، مرة واحدة هايبقى ليه دور كبير في حياتك، وصاحب الدور الكبير ممكن يختفي فجأة من احداث فيلمك من غير اى مقدمات أو أعدار أو استذنان.. ومتساش برضه انه كان كومبارس في حياتك في يوم الأيام، باختصار اتعود ان في فيلمك كل مرحلة ليها أبطالها، وكل شخص ليه دوره اللي حيادية ويمشي عشان يسبب المكان لشخص تاني ياخذ فرصته، ودي اللي بيسموها دايرة الحياة.

في فيلم حياتك هتقابل شخصيات غريبة كتير، هتحسن ان فيه شخصيات منهم وقعت بالغلط في فيلمك لا انت فاهمهم ولا انت فاهم دورهم ولا فاهم مين اللي دخلهم ف الكادر اساسا.. دول غالبا هريانين من افلام يوسف شاهين .

وحتلاقي شخصيات تانية بيلعبوا دور غامض في فيلمك، هما موجودين اه ف حياتك بس ما لهمش اى مبرر درامي في السيناريو، ولو شلتهم، احداث فيلمك مش حتتغير خالص.. بس هما لازم يبقو محشورين في حياتك بالظبط زي اللفت في المخمل، محدش بياكله بس لازم يبقى موجود

وفيه شخصيات تانية قعدوا كتير عشان يوصلولك، واتحايلو عليك



عليها، عشان المشهد مها كان حلو لو رجعت اتفرجت عليه هيبقى
عادي، ولو كررت الفرجة عليه حقيقي مبتذل!

وف نفس الوقت متحاولش تضيع وقتك في الوقوف عند مشاهد
قديمة كان ادائك فيها باهت او ضعيف او غبي، و اتعود دايا انك
تمثل المشهد وتنساء، من غير ما تقعد تفرج عليه، عشان وانت بتشوفه
هتكتشف عيوب وغلطات كتيرة في ادائك حيز علوك من نفسك، ودة
مش هيفيدك بحاجة، الافادة الوحيدة اللي ممكن تتعلمها انك تتجنب
تكرار ادائك اللي فات!

فيلم حياتك، متحاولش تدورله على تصنيف، هو شوية اكشن على
شوية كوميديا على شوية سبببس على كتير من الدراما، فيه حته
هندي حتكتشفها من كمية الصدف الدرامية الكتيرة اللي حتقابلك،
وفيه حته امريكاني، انك هتقدر تحقق هدفك رغم إحباط كل اللي
حوالك، وفيه حته عربي، ان النجدة حتجيلك في الوقت اللي فقدت
فيه الامل!

في فيلم حياتك حاجات كتير ورا الكواليس محدش يعرفها غيرك،
انت الوحيد اللي عارف الازمات والمشاكل اللي بتمر بيها احداث
الفيلم، بس انت دايا كبطل مصدر الابتسامه عشان ما تزعجش بقية
الشخصيات ويمسوا ان فيه حاجة غلط ويطلو يسألوك مالك.

أما الكواليس نفسها، فكتير من الشخصيات جبو يقوا وراها، يقوا
ورا الكادر، يشجعوك من ورا الكاميرا، سعادتهم في نجاحك، يمكن
بتساهم.. يمكن مابتحسش بيهم.. بس كفاية انهم موجودين بعد ما
الفيلم يخلص.. أسامى بيضا في التتر الاسود.

من فضلك
إخرس



ATTENTION
هذا النبي آدم ..
فيه النبي مكفيه



كنت في آخر مراحل إعداد شايبك.. وزعلك هنا ليس لأنك عملت شايبا بالإكراه بقدر ما تشعر إنه هايشربها استخسار، یرن هاتف البيت ومن حظك السيئ أن يكون المتصل طنط من الطنطات لتسمع نفس الاسطوانة.. «الوازيك».. اخبارك إليه وعامل إيه في حياتك والدنيا عامله معاك إيه؟! على أساس إن الحياة غير الدنيا - واخواتك عاملين إيه وكتلوا إيه النهارده..؟!، وتحمد نفسك مجرا أن تسمع طقم المحبة كاملا مرددا ومسيحا بنفس الوقت الحمد لله الحمد لله الحمد لله، حتى تأتي لحظة «اديني ماما».. تلك اللحظة التي تنفجر أحبالك الصوتية وأنت تنادي على أمك لتنقذك من تلك الورطة، المشكلة ليست في سؤال طنط.. ولكن المشكلة إنها لسه متصلة من نص ساعة وانت جاوبت على نفس التقرير والمحقق سمكة قرش تطلع من خرم بلاعة البانيو تاكل دراعك الشعال!


أما المترو فهو أكبر مشروع تطفلى اخترعه الإنسان، وفيه يتغذى البشر على خصوصيات البشر الثانية، القانون الأول أن يشاركك جارك على كنية المترو ما تقرأه.. وتلقاها أصبحت أستاذن من بجواري واستسمحه لو مش هيضايقه يعني إن أبل اصبعى واقلب صفحة كتاب اقرأه لأنه مندمج جدا وهو يقرأ معى ما اقرأه سطرا بسطر، سواء كان رواية أو جريدة أو حتى بحثا علميا عن ظهور الدلافين في ترعة المحمودية..! انت ترضى حد يفصلك كده؟!، القانون

متى سيفهم ذلك الكائن الحى من فصيلة الثدييات، أن الله قد خلقه فردا منفردا بذاته وليس توأم ملتصقا بأخيه البنى آدم؟!، وإذا فهم ذلك متى سيخلى عنده دم ويغليه في حاله؟!، تسهر وتنام في وقت متأخر لتستيقظ على صوت صديقك الرخم الذى يتصل بك عشر مرات متتالية، وبكل كسل وعينين نصف مغلقتين وصوت ضايح ترد: الو..، فإرد عليك وقد شعر بنومك من خامة صوتك: إيه ده انت نايم.. معرفش والله إنك نايم.. منا لو اعرف إنك نايم أكيد مكتتش كلمتك.. عموما مش هطول عليك قولى هتصحى امتى وأنا ابقى أكلمك.. ولا تكلمنى انت.. قولى بس.. أصل كنت عايزك في موضوع.. بس مش وقته طبعاً.. ولا اقولك دلوقتى وخلص.. ما انت شكلك صحيت؟!، فتصمت لثانيتين تستحضر في نفسك شتيمة تليق بقدر رزائه ولا تحمد، فتحرس بعد أن طير النوم من عينك، ولكنه بطبيعة الحال ليس أرخم من صديقك السمج الذى لا سمح الله يترفع عن إزعاجك أثناء نومك، ولكنه يسألك بعدها كنوع من تأنيب الضمير وجلد الذات: كل ده نوم..؟!!

يضبطك أحدهم متلبسا في المطبخ.. هو انت بتعمل شاي؟، وقتها تتوتر وترتبك ولا تستطيع الإنكار لأنك ستخرج وانت حاضن كوباية الشاي بعد شوية، فتضطر قهرا أن تعد له كوبا آخر حتى لو

إني عشان بحضر فرح أبقي مقتنع باللي بيحصل.. أنا باخد الناس على أد عقلها، ولكني أكنم بداخلي وأرد بابتسامة صفراء: آه إن شاء الله.. فيكمل بكل بواخة وقد غمز لك بأفوره: يعني مفيش حاجة كده ولا كده..!؟ اخطب بقى عايزين نفرح بيك، وهو هو نفس الشخص الذي سيقابلك إذا انت فرحت بنفسك وخطبت لیسالك: هتجوز امتي بقى عايزين نفرح بيك..!؟ وإذا تجوزت يسالك: طب مفيش حاجة في السكة قولي فرحني..!؟ وإذا جبت حاجة في السكة يسالك طب إيه بقى مش هتخاويه عايزين نفرح..!؟ هو حضرتك موقف فرحتك على حياتي ليه!؟

حاولت الهروب من الناس وقرفهم بأى طريقة وذهبت للسینيا.. وهناك عرفت الوجه الآخر للحشرية، أن يدخلك الناس عنوة في أمورهم الشخصية، ففى قمة اندماجي مع الفيلم سمعت صوتا شاذا عن أصوات أبطال الفيلم.. اكتشفت بعد ثواني إنها رنة موبایل شخص يجلس بمقعد خلفي مباشرة وسريعا ما سمعته هو شخصيا: «ايوه يا جيجي.. ما انتي اللي عكبتني عليا يا جيجي وختلتيني أسيلك البيت وانزل.. يا جيجي ما انا طالع روحي في الشغل برضه ولازم تقدرى.. ما عليتا يا جيجي هي كانت ساعة شيطان بقى.. المهم العيال ذاكروا؟.. ناموا؟.. طب اتعشوا.. مش قتللك بلاش الجينة الاسطنبولي عشان بتعلمهم إسهال.. هو احنا حمل مصاريف



الثاني إنك مجبر أن تشارك جارك بالكنية أحزانه وجراحه.. فقد حشر أحدهم موبايله الصيني بأذني من خط الجزيرة لخلوان وهو يلعب أغنية واحدة يعيد تشغيلها كلما انتهت هازا رأسه يمينا ويسارا ببطء متأثرا ومقشعرا بكلماتها التي هي عبارة عن كويليه وحيد: «ارضى عليا يا امه.. رضاكي والنبي يا امه» ساعة إلا ربيع وانا أقول لنفسى أكيد هيغير الأغنية، ولكنه أصر على موقفه حتى صرخت فيه بدون وعي.. طب قولي بدمتك أمك هترضى عليك إزاي بالمنظر ده..!؟ وبعدين انت ترضي أمك وتطلع روح أمي أنا؟!، القانون الثالث إن جارك بكنية المترو من حقوقه عليك أن يشارك تفاصيل حياتك لحد ما تنزل، كنت أكلم خطيبتى.. الو ايوه يا نوجا بصي استيني في برج القاهرة مسافة السكة خلاص.. فوجدت رجلا بجانبي يقول: البرج زحمة دلوقتي خيلها تستناك في الأوبرا، فلاحقتها: طب بصي بلاش البرج عشان زحمة خيلنا في الأوبرا أحسن، فسألنتي: طب والغدا؟ فجاوب هو: مطعم ماما سعاد جنبها بيعمل أكل حلو، فقلتها: مطعم ماما سعاد جنبها بيعمل أكل حلو، ثم نظرت له فأكمل دون أن أكلمه: والأسعار كويسة، فقلتها: والأسعار كويسة.. بقولك إيه يا نوجا ثانية واحدة.. باشا ماتاخذ بوكيه الورد ده وتنزل تقابلها بدال!

يقابلني أحدهم في إحدى المناسبات ليزغدنني في كفتي بعنف ويهمس لي بغتاة.. إيه مش هنفرح بيك بقى قريب..!؟ يا عزيزي مش شرط

دكاترة تانى يا جييجى.. والله منا جاى يا جييجى.. وفجأة وجدت نفسي متورطا في الخناقة بين هذا الرجل الطفشان وجييجى وعباهم وشعرت بالمسؤولية الاجتماعية نحوهما بما إني أصبحت واحد من العيلة خلاص، فأخذت هذا الرجل من يده وذهبت به للبيت أصلحه على جييجى.. يا جماعة ما يتفعض اللي بتعملوه ده انتو كبار.. سبتوا إيه للصغيرين.. انتو الشيطان دخل بينكو والله.. المسامح كريم ويا بخت من قدر وعفى.. خلاص اتصالحتوا؟.. حليب يا لبن والميه رجعت لمجارها.. ما اشوفش وش أم حد فيكو في السينيا يا كلاب!

يا الله ارزقني الخيلة التي تجعلني أتخلص من كم الأنوف التي انحسرت في حياتي.. المهمني طريقة أتعامل بها مع من شاركوني فانلتي الداخلية، وأخيرا وجدتها.. لقد قررت أن أكون إنسانا بدينا.. إنسان قليل الذوق مع كل المتطفلين، يتصل بي أحدهم ومن قبل ما يقول إزيك يسألني بسرعة: إنت فين، فأرد أسرع منه: وانت مال أهلك، يتألمني أحدهم ويمرر نظره عليا من فوق لتحت ثم يقول بأداء درامي: لا لا بس انت تخنت أوى على فكرة.. لا إنت فاجتنتي كدة هاعيط منك، وبتر المطعم يقف على دماغى في عز منا باكل ويسألني بابتسامة صفراء: ها الأكل أخباره إيه..! فأرد بنفس الابتسامة: يسلم عليك، يسألني عامل السينيا وانا خارج من القاعة وهو ينظر لجييجى: أتمنى الفيلم يكون عجبك؟! فاقوله: شبه وشك كده، يسألني من هو ورائي في

الدور عند الكاشير في السوبر ماركت: هو حضرتك هتحاسب على الحاجات دى.. فأنظر يميننا ويسارا وأهمس له: لا هخدهم واجرى بس متقولش لحد، يلومني صديقي: لسه بتسرح شعرك على جنب دى تسريحه فلاحين.. الله يرحم أبوك مات وهو يقول على البتاو كوكيز، حبيت قبل كده: لا متبرع بقبلى لمؤسسة مجدى يعقوب، أنا ساعات بحس إنك مغرور.. أمك اسمها عبشكور، نمت مع واحدة قبل كده.. لأغفلت بس، وهذا هو حالى الآن أصبحت سعيدا جدا.. متشى الحقيقة.. أشعر براحة غريبة لما حطيت جزمة في بق كل واحد حشرى.. أنا الآن مستعد جدا للاستحمام.. للانبساط.. للمتعة.. نفسى أكل حاجة مبهجة كده..

- الو ايوه ياعم فاروق ممكن تبعتلى علبة كورن فليكس!؟

- هو احنا مش كبرنا بقى على الحاجات دى يا أستاذ مصطفى ولا إيه!؟



شريطة سودة



نزلت جرى.. حاولت أوقف أى تاكسى بس محدش كان شايفنى،
مكشش قدامى غير الجرى.. كنت بجرى بعزم ما فيا.. كنت بجرى
زى المجنون فى الشوارع بسابق الزمن الحق جنازتى.. لحد ما وصلت
أخيرا.. ياااه إيه الناس دى كلها.. كل الناس دى جاياه عشانى؟!!

المنظر كان بخض.. آلاف من البشر أشكال وأنواع.. الكل بيعيط..
الكل حزين.. إحساس غامض بالفرحة جوايا وانا شايف الناس
بتقطع عشانى.. كنت بتمشى وسطهم وانا مبسوط.. بتفرج على
ملاحظهم الكتيبة وانا فى غاية السعادة.. لحد ما قريت من واحد
معرفوش كان منهار.. بصيت فى وشه وانا مبتسم والدموع ف عينيه
لحد ما بص فى السا فجأة وقال: الله يرحمك يا حاجة سناء.. خليتى
بيننا!

نعم! دى مش جنازتى أصلا!!، اتصدمت.. وارتبكت.. وفجأة
غيرت مسار سبرى.. كنت بجرى بأقصى سرعتى فى عكس الجنازة
بين الناس، لحد ما لمحت أبويا من بعيد.. كان ماشى هو و ٨ تانيين
فى جنازة، أربعة منهم بيتبادلوا شيل التعش، واتنين ماشيين وراهم،



كنت طيب أوي

صحيت الصبح فى حالة غريبة كأن راحت عليا نومة، صوت القرآن
من الكاسيت كان على جدا.. وطيته شوية، مالمقتش أى حد فى
البيت، قعدت شوية فى هدوء لحد ما سمعت صوت الجيران، قمت
جرى فتحت الباب، لقيت جارتى اللي قصادنا شائلة ابنها الرضيع
وبتكلم جارتنا اللي فوق وبقولها انها مستغربة جدا إنى مت مع انها
لسه مسلمة عليا امبارح وكنت كويس.. قفلت الباب وقعدت وراه
وانا مخضوض.. مخضوض أوى.. يعنى إيه.. يعنى انا دلوقتى ميت؟!
طلعت الموبايل من جيبي ودخلت على الفيس بوك.. الله.. آخر ستيت
كتبتهام معدية الـ ٢٠٠ لايك، بس إيه ده.. ده أنا! دى صورتى وانا عليا
شريطة سودا.. أنا شكلى مت بجد!

أكد الدنيا دلوقتى مقلوبه عشانى.. أنا عندى على الفيس بوك وتويتر
فوق العشر تلاف صديق.. صحيح أنا معرفش أغلبهم بس هما
اسمهم كده.. صديق!

الايفنت بتاعى اهه.. ايفنت معمول لجنازتى.. مشترك فيه تلت تلاف
واحد فى أول نص ساعة.. أنا لازم احضر المشهد المهيّب ده.. لازم
انزل احضر جنازتى حالا!

واتنين تانين مانكجين أبويا من الناحيتين كأنهم ساندينه، فضلوا
 يتمشوا شوية لحد ما وصلوا المدفن ودفوني وانا قاعد من بعيد
 بانفراج، صحيح العشر تلاف صديق مجوش، بس برضه ماسبونيش..
 اترحوها عليا باللايك، ودعولي في كومنتات وعزوني بالريتويت
 والشير، الفيس بوك عندي امتلا بالنوتيفيكشن.. على الوجل، ناس
 كثير كتبولي كلام حلو أوى.. إنى أد إيه أنا مخلص وصاحب صاحبي
 وعمري ما تخليت عن حد وجدع طول عمري وحتين وكلام تانى
 كثير.. معرفش ليه مسمعتوش وانا عايش.. مش يمكن لو كنت
 سمعته كنت مت مبسوط؟!!

ومعرفش ليه كل الناس افكرت كل المواعيد اللي كانت بينا واتفاقاتا
 إننا نتقابل، وبيلومنى إنى مت من غير ما اقوهم، طب ليه لما كنت
 بكلمهم عشان نخرج مكنتش بلاقى حد مهتم.. كانوا بياجلوا أو
 يتحججوا أو حتى مايردوش أصلا؟!

أما أصحابي اللي كانوا بيصوروني في الخروجات وياما اتحايلت
 عليهم أشوف بس الصور، أخيرا طلعوها، وكل واحد نشر صورتي
 وانا متصور معاه وكاتب إننا كنا أعز أصحاب.. طب ليه وانا في عز
 اكتتابي قبل ما اموت محدش فيهم فكر يسألنى مالك.. او إيه اللي

مزعلك أو حتى طبطب عليا وقالى معلش!؟

أما أصحابي أوى فعرفت إنهم بيحبونى بجد.. كفاية إنهم غيروا
 صورة البروفايل بيكشر بتاعتهم لصورة اختاروها ليا وانا مبتسم
 وشكلى طيب.. وكتبوا تحتها «عشت في سلام ورحلت في سلام»..
 بس يا ترى هتفضل على بروفيلاهم أد إيه..!؟

بعد كام ساعة كان العزاء، أمى كان مغمى عليها ومتركلها جلوگوز..
 مش مصدقة إن دعوة «ربنا ياخذك» اللي دعبتها عليا في يوم كانت
 بتنادي عليا ومحتاجاني وانا تحت البطانية باكتب: «اللهم ارحم أمي
 أجل نساء الأرض» تكون اتحققت.. هى حاسة بالذنب ليه مع انها
 واثقة انها كانت بتدعى من ورا قلبها؟!

وابويا كان منهار.. أبويا لأول مرة أشوفه بيعيط على حد، لأول
 مرة أشوفه بيعيط أساسا.. تصدق أنا أول مرة آخذ بالى إنه ملامحه
 كرمشت كده.. أنا إزاي حافظ زراير الحروف على الموبايل ومش
 حافظ ملامحه..!؟، هو منهار كده ليه.. هو كان بيحبنى فعلا؟!

طب هو انا ليه لما كنت أرجع من بره والاقية قاعد سهران مستنيني
 يسألنى: أخبار اليوم إيه؟، كنت اقوله كويس وادخل على أوضتى من




المصطلحات

- ١١ أنا مصنظهم
٢٥ قول مش كهن عزن
٣٧ انت كبرت
٤٥ على اخر لحظة
٦٣ لهي وهي الناس الصلوة
٦٩ فكريات الدراسة السووة
٧٩ انت وضميرك
٩٩ صكيات انسانية جدا
١٠٧ لماذا كرهت الكاترة
١١٩ المربخ باسطي
١٣١ قواعد الصياة الأربعة والأربعون
١٤٥ بالفظ والصفه
١٦٣ فيلم صياتك
١٧١ من فضلك اخرس
١٧٩ شريطة سووة

غير ما اقله اللي حصل؟! وليه لما سألتني آخر مرة: عامل إيه احكيلى؟،
قلته تمام وانا باصص في الموبايل.. أنا ليه محضتوش قبل ما اموت!؟

أخويا كان قاعد مبلم مش قادر يصدق اللي حصل، كان ماسك
صورتى.. صحيح أول مرة أعرف إنه حاطط صورتى عنده في
المحفظة.. كان بيصلها أوى والدموع مجبوسة ف عينه هتتفجر في
أى لحظة، وكان بيقلب في كتبي وكراساتى ويحاول يعرفنى أكثر.. هو
احنا ليه كنا في أوضه واحدة وعمرنا ما فكرنا نبقى أصحاب!؟

اكتشفت حاجات كتيره بعد موتى، إن قرابى اللي افكرت إن علاقتى
بيهم قوية مكتتش إلا شوية تاجات على صور فوانيس رمضان
وكحك العيد وخرقان العيد الكبير، وإن كل الخروجات الحلوة اللي
خرجتها اتصورت فيها وانا بضحك.. بس عمرى ما كنت مبسوط،
وإن أحسن كلام قلته في حياتى مكتتش بصوتى كان بشوية زراير على
الكمبيوتر، حتى لما حبيت.. بعث للبت اللي حبتها ايموشن قلب
ووش بيدى بوسه وهى باعتلى وردة، أنا حتى عمرى ما عملت
خير.. أنا كنت بشيره بس، أنا تقريبا مكتتش موجود.. عشان كده
أنا مش غايب!..



mustafa_shohaieb@live.com

 mustafa.shohaieb

شكر خاص :

- الفنان اسلام جاويش .
- حاتم ممدوح .
- محمود هيكل .